

WANTOK

NIUSPEPA BILONG YUMI OL PAPUA NIUGINI STRET!


32 pes

Namba 1,415

Wik stat long Fonde Ogas 9, 2001

70t

INSAIT



Palamen i olsem haus pilai
-p5

Pablik Prosekyuta i kotim Bevan Tambi long K81,000
-p3

Luther Wenge kamapim



Pipols First Pati
- pes 9

Oi palamen ripot
- pes 2

Pes 30 Winim prais, painim bal resis

Somare laikim ol rong lida i pinis olgeta

YAKAM KELO i raitim

HUSAT lida bilong palamen i mekim rong i mas pinis olgeta na go long ples bikos i gat planti gutpela Papua Niugini lida i kam na bai kisim wok. Na i no ol dispela lida wantaim rong na ol krangi pasin. Dispela em bikpela tingting namba wan Praim Minista bilong Papua Niugini na nau rijinol memba bilong Is Sepik provins, Sir Michael Somare i tokaut long taim gavman i laik strongim lo bilong Intagriti ov Politikel Pati na Kendidet long dispela wik.

Konstitusesenl Developmen Komisn (CDC) i kamapim wanpela hap senis antap long dispela lo olsem taim wanpela lida i brukim lo na kot i rausim em long wok bilong lida, orait em i ken go stap ausait inap 5-pela krismas na bihain em i ken orait long traim kam bek gen long palamen. Olpela lo em lida i ken stap ausait inap tripela krismas na bihain sanap gen long ileksen o kisim wok long pablik opis.

Memba bilong Maprik na Minista bilong Kalsa na Turism Sir Pita Lus i tok

dispela lo i noken mekim-save long ol lida. Dispela lo i hat tumas.

Sir Pita i tok ol lida i save gutpela long wok bilong ol tasol i gat ol ausait lain we i save givim tingting nogut o mekim beksait wok na daunim ol gutpela lida. Em i ting dispela em bikpela hevi tru we i save bagarapim ol gutpela lida, olsem na nupela lo i noken kamapim 5 yia tasol lo i mas stap yet long tripela krismas.

Memba bilong Hagen Open, Paul Pora i tok long rausim ol lida olgeta long

wok bilong lida em i no gutpela tru long ol yangpela lida. Olsem na lo i ken sanapim mak long 5-pela krismas em i orait.

Mista Pora i tok em i sapotim dispela lo bilong Intagriti ov Politikel Pati na Kendidet na em i sapotim tu dispela han lo ya.

Palamen i bin holim vot long pasim dispela hap han bilong lo tasol em i sot long namba. Dispela lo i mas kisim 82 namba bilong ol memba long mekim em i kamap lo, tasol 73 lain tasol i vot long em olsem na lida bilong gavman bisnis





Vincent Auali i askim palamen long surukim dispela vot i go gen long Ogas 20 we ol bai kamapim vot gen na traim kamapim 82 vot. Dispela em i vot bilong senisim lo na i mas gat 82 vot.

Wanpela liklik lejislesen o lo we palamen i laik kamapim tu insait long dispela bikpela lo bilong Intagriti ov Politikel Pati na Kendidet i nogat inap vot long pasim. Dispela liklik lo em long mekimsave long husat lida i brukim lo long opis (palamen o pablik sevis) tasol em i risain pas-

taim na i no go sanap long kot bilong Lidasip Traibunel, bai lo i bihainim em yet inap 10-pela krismas olgeta. 71 memba i vot long en na Spika Bernard Narokobi tu i vot wantaim na namba em 72. Tasol em i sot yet long mekim kamap 73 vot long pasim dispela liklik lo o lejislesen.

Foapela memba bilong palamen i sindaun tasol na i no vot long dispela tupela lo. Ol lida ya em memba bilong Mendi Michael Nali, memba bilong Menyamyama Thomas Pelika, memba bilong Makam Andrew Baing na rijinol memba bilong Milen Be Dem Josephine Abajiah.

Oi i no vot long pasim lo



Gutpela bilas ! • Sam Gari (long baksait) i helpim stretim bilas bilong wan klas bilong em, Toua Morea, tupela Gret 6 sumatin bilong Hagara Praimeri Skul. Tupela i bin danis wantaim kaisere! grup bilong skul long lons bilong fan resing bilong helpim kamapim mani bilong skul. Foto: IVAN BAYAGAU.

Kot bilong sekim ol studen i dai i redi nau

HILDA WAYNE i raitim

PRAIM MINISTA Sir Mekere Morauta i kamap pinis wantaim tems ov refrens o ol poin bilong komisn ov inkwairi we bai i go insait long mekim ol wok painimaut long ol protes mas na straik bilong mun Jun we i lukim foapela man i dai.

Sir Mekere i tok tu long Tunde olsem wanpela komisina tasol bai i go pas long mekim ol wok painimaut na em i olupela jas Sir Robert Woods.

Em i tok dispela inkwairi bai go wantaim ol wok painimaut we plis na opis bilong Korona i wok long mekim yet.

"Mi gat bilip olsem dispela tripela inkwairi bai tokaut kia long wanem as tru ol studen i bin protes na wanem ol samting i bin kamap long dispela taim," Sir Mekere i tok.

Em i tok dispela inkwairi bai i no inap paulim tupela narapela na ol tems ov refrens em ol i bin tingting gut tru na raitim.

Ol wok painimaut bilong Komisn ov Inkwairi bai lukluk long ol protes na mas long Jun 21 i go 30, 2001 na bai i lukluk long ol wok bilong ol plis, gavman, ol ogenaisa bilong protes mas na ol lain husat i bin bung long kamapim dispela mas.

Inkwairi bai lukluk long: - we ol plis i bin mekim wok bilong ol long kontrolim dispela

mas na inap ol i ken stapim na kontrolim dispela straik.

- husat man o meri o ol atoriti ausait long plis i bin givim oda o askim long plis long kontrolim straik na ol lain husat i bin bung long dispela straik long Jun 21 i go 30, 2001 na tokaut kia long husat ol dispela lain na bilong wanem ol i bin sapotim dispela kain samting ol i mekim long taim bilong protes na

- we ol studen lida na lain i go pas long protes i bin yusim gutpela pasin long statim dispela straik long yunivesiti i go long ol pablik.

Inkwairi em bai kamap long pablik tasol ol wok painimaut komisina i mekim na i laik toksave em i ken mekim long praivet we i go wantaim Komisn ov Inkwairi Ekt.

Sir Mekere i tok em i makim wanpela komisina bilong wanem em i laikim bai wanpela tasol i ken hariap long mekim ol wok painimaut bilong em na toksave hariap.

Em i tok tu olsem gavman bai lusim planti moa mani long kisim moa komisina olsem na em i makim Sir Robert Woods tasol long go pas long mekim wok painimaut.

"Ol papamama na wantok bilong ol UPNG studen husat i bin dai i laik save long as tru bilong dai bilong pikinini bilong olsem na gavman i mekim disisen olsem wanpela komisina tasol i ken mekim wok hariap," Sir Mekere i tok.

PLIS RIPOT

MADANG: PLIS mas mekim wok painim aut i go long husat kisim giaman nem long Madang na putim long komon rol. Mista Peter Yama i askim plis long mekim wok painim aut na sasim husat i stap bihain long dispela samting.

Praim Minista Sir Mekere Morauta tu i no bin amamas long dispela toktok i bin kamap long las wik na em i kisim bel hevi tru long dispela samting. Em i tok strong long ol plis i mas mekim wok painimaut long dispela samting na holimpas ol lain husat i mekim dispela kain rong.

LAE: PLIS bai peim kompensesen moa long sampela milien kina long ol pipel bilong Markham. Dispela bai kamap sapos kot i tok olsem plisman i asua na kukim sampela haus long 1996. Moa long 3,000 famili i kisim bagarap na ol man i redim pepa nau long kotim gavman.

WABAG: PLIS i ripot olsem ol trabel pait man i kilim faipela yangpela pikinini taim ol i pilaim i stap. Plis i tok ol pikinini krismas bilong ol i stap long 3 i go long 10 i bin pilai i stap na ol man i katim ol na kilim ol i dai. Plis i mekim wok painim aut long save husat tru i mekim dispela pipia pasin.

Tupela man tu ol i kilim long bekim dai bilong ol pikinini na i gat ol plisman i stap nau long eria long sekim wanem samting tru i kamap na stapim ol manmeri long kamapim moa hevi.

BIALLA: WANPELA yangpela meri i kilim i dai wanpela plisman long Bialla na dispela em namba tu plisman dai long dispela provins.

Long kantri tripela plis man i dai long dispela yia tasol. Ekting provinsal plis komanda Sinia Inspekta Joe Goloki i tok olsem dai bilong plis man i kamap long Sarere las wik.

Meri husat i bin kilim i dai plis man i kamap long Kimbe Distrik Kot long Mande dispela wik.

Mista Goloki i tok ol plis i bin go insait long wanpela dens ples long painim ol saspek em plis i bin wok long painim na plisman husat i bin dai i askim meri long kam ausait wantaim em. Tupela i bin kirapim kros ausait na meri i pulim naif na sutim man long nek bilong em stret na plis man ya i dai.

Ol palamen ripot wantaim PEKU PILIMBO

Ol memba lus tingting long wok bilong ol

LONG namba wan toktok bilong Is Niu Briten Gavana Leon Dion long palamen dispela wik, em i tok ol memba bilong palamen i lus tingting long wok bilong ol.

Em i tok ol ausait man i kam tokim gavman long mekim wanem samting ol laikim na gavman i slek tru long kamapim gutpela menesmen bilong ikonomi.

Em i tok gavman i westim mani nating long tram kamapim sampela polisi bilong Wol Beng na IMF na dispela i bagarapim tru sindaun bilong ol manmeri.

Em i tok gavman i save westim plani mani long kamapim kainkain bikpela

samting we i no save helpim ol pipel bilong yumi.

Ol memba i save kamapim planti nogut wok, kamapim politikel pren na wantok long ol bikpela wok insait long gavman.

Dispela ol hevi i mekim na gavman i no kamapim sampela wok developmen na kantri i no senis.

Mista Dion i tok Rifom long provins bilong em i wok tasol olsem wanem na ol narapela provins i komplek olsem rifom long ples bilong ol i no wok.

Em i tok olpela sevis i nogat wanpela senis i kamap na ol i stap i go na bagarap nogut tru tude.

Ol memba pilai politiks tumas

KANTRI i stap long wanpela taim nogut stret tasol ol memba i wok long sutim pinga i go i kam na i no mekim wanpela samting long stretim ol dispela hevi.

Memba bilong Lae Bart Philemon i mekim dispela toktok long palamen dispela wik.

Em i tok olsem ol memba i tingting long ol yet na i no lukim wanem kain hevi ol pipel i karim wanwan de long stap laip.


Em i tok ilektoret bilong em i stap long taun na kainkain sevis bilong gavman i stap tasol olsem wanem long ol pipel bilong ruel eria.

Long wanpela raun em i mekim i go long ol ples olsem Lufa, Sialum na Dei Kaunsel, em sori tru long lukim wanem ol rot pipel i stap.

Em i tok 2 milien yangpela pikinini i nogat skul, 12,000 pikinini i save dai bipo long ol winim 12 kris-mas, 4,000 mama i save dai wanwan yia na ol pipel i no develop long wanpela rot.

Olgeta taim ol memba i kamap long palamen, ol i toktok planti na sutim pinga i go i kam tasol samting tru ol i no mekim wanpela samting long helpim ol pipel.

Ol memba i tingting long ol yet tasol na



• Bart Philemon.

wanem rot ol bai bihainim long kam bek long palamen gen na i no save mekim wanpela samting stret.

Em i tok bihain long 25 yia, pablik sevis tasol i kisim planti wok manmeri tru na i nogat narapela hap ol manmeri i wok.

"Olgeta hap bilong PNG ol manmeri i kisim taim tasol yumi no luk-save long dispela kain hevi," em i tok.

Mista Philemon i tok PNG i kam las tru taim em resis wantaim ol arapela kantri long sait bilong givim skul, wok, amas mani wanwan man i kisim na longpela taim ol manmeri i stap laip long graun.

Dispela ol samting inap kamap gut bihain long 25 yia tasol nogat wanpela samting i kamap yet na olgeta asua i stap wantaim ol memba bilong palamen tasol.

Sevis bai go long ol pipel olsem wanem, Pelika askim

GAVMAN i toktok planti long praivetaisemen tasol ol sevis bai go long ol pipel olsem wanem taim praivetaisemen i kam.

Deputi Oposisen lida na memba bilong Menyanya Thomas Pelika i askim gavman long tok klia long ol pipel pastaim long ol i praivetaisem ol salim ol gavman bisnis.

"Ol bus ples tru bai kisim sevis olsem wanem taim gavman praivetaisem ol bisnis? Gavman mas tok klia long wanem samting bai kamap long ol pipel," em i tok.

Mista Pelika i tok gavman bai givim sevis olsem Elcom, Telikom, beng na arapela sevis nau gavman givim taim praivetaisemen i kamap.

"Husat bai peim wok manmeri bilong Telikom long putim



• Thomas Pelika.

telepon long ol ruel eria?" em i askim.

Em i tok nau rifom bilong gavman tu i no wok bikos mani i no go kamap long ol ruel eria.

Em i tok wok bilong ronim ol kaunsel i kaikaim olgeta mani na ol pipel i no lukim wanpela sevis long ples bilong ol yet.

Em i tok ol rot olsem Bulolo na Wau i gat kolta bipo tasol nau em i bagarap tru na gavman

mas lukluk long dispela bikos gol na kopi bilong eria i save kam i go aut long dispela rot tasol.

Em i tok rot long Kombri i kam long Kassam Pass long lsten Hailans tu i bagarap nogut tru.

Em i askim save bilong ol man husat mekim ol dispela rot bikos ol rot i save bagarap hariap tru na i no olsem narapela kantri we rot i save stap longpela taim tru.

Em i ting olsem ol man husat mekim ol dispela rot i nogat save na mekim nabaut olsem na rot i bagarap hariap.

Em i tok tu olsem taim i gat liklik bagarap ol i mas stretim na pasim ol dispela bagarap na noken larim i stap longpela taim na taim rot i bagarap olgeta, gavman i save lusim bikpela mani, tru long stretim ol gen.

Gavana na open memba i no wok bung, Koimanrea i tok

PLANTI memba i komplek olsem rifom i no wok long eria bilong ol bikos ol open memba i no save toktok wantaim ol Gavana bilong ol.

Olpela Gavana bilong Is Niu Briten na nau memba bilong Pomio Francis Koimanrea i tok rifom i wok long Is Niu Briten na bilong wanem em i no wok long ol arapela provins.

Em i tok politiks i nogut tru namel long ol open memba na gavana bilong ol olsem na nogat wanpela rifom wok i kamap.

"Sapos open memba i toktok

wantaim Gavana na tupela wok bung wantaim bai olgeta samting i kamap orait.

"Yumi sutim toktok i go i kam tasol yumi no save long mekim wanpela samting.

"Sapos rifom long Is Niu Briten i wok, yumi bai sutim toktok long husat," Mista Koimanrea i askim ol memba.

Em i askim olgeta open memba wantaim gavana bilong ol long toktok long wok bilong provins long provinsel kabinet miting na i noken kam westim taim autim ol dispela wari long palamen.

Em i tok sapos ol memba i toktok namel long wanem kain rot ol i laik bihainim na kamapim rifom long ples, ating dispela inap wok olsem Is Niu Briten.

Tasol planti memba i kamap long palamen wantaim kainkain hevi bilong provins na dispela em wanpela sain rifom i no wok long ol narapela provins.

"Pati politiks insait long kantri i bagarapim wok tru. Ol open memba i no toktok wantaim Gavana. Ol provinsel tresera i no toktok wantaim distrik tresera. Ol provinsel edministreta i no save wok wantaim ol dis-

trik edministreta.

"Taim ol i no pasim tok tasol pret long narapela arapela. Ol i save bagarapim wok stret," Mista Koimanrea i tok.

Em i tok sapos Pomio i laikim wanpela samting, open memba i mas toktok wantaim Gavana. Ol opisal bilong provinsel gavman i mas wok bung wantaim ol distrik opisal bilong Pomio long kamapim dispela projek na i no mekim wan men wok nabaut.

Em i kros olsem Nesenel Gavman i no save harim hevi bilong ol Gavana na kaunsel long wanwan rijen.

WANTOK

All departments. Phone: 325 2500 - Fax: 325 2579
P. O. Box 1982, Boroko, NCD, Papua New Guinea

Publishing Weekly, Thursday, for
Word Publishing Company Pty. Ltd.

Printed and published by Anna Solomon of Bittern Place, Gordons, at Allotment 2, Section 209, Spring Garden Road, Hohola, for Word Publishing Co. Pty. Ltd.

General Manager and Group Editor in Chief:
Anna Solomon.
Acting Advertising Manager:
Jocko Oberleuter.

Papers distributed by air throughout PNG.
Available by air mail subscription within Papua New Guinea and overseas
Email address:
word@global.net.pg

Advertising deadlines, Display bookings: Tuesday midday. Camera ready copy: Wednesday midday. Classified Advertising: Wednesday 5PM.

Word Publishing Company Pty. Ltd. is owned by the four major churches of Papua New Guinea: Catholic 55%, Lutheran 25%, Anglican 10%, and United 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Pty. Ltd. and are set out in full on the reverse side of its official display Advertising Bookings form.



OL PALAMEN RIPOK WANTAIM YAKAM KELO

Palamen kisim tok baksait

SAMPELA pasin bilong ol lida long haus palamen i no save gutpela tumas, Spika bilong nesanel palamen Bernard Narokobi i tokaut long Tunde dispela wik.


Mista Narokobi i tok em i save harim ol kwesten ol memba i save autim long floa bilong palamen na sampela taim sampela pasin bilong ol lida i no stret na em i save givim tok lukaut long ol na askim ol long stretim gut ol yet long pasin bilong ol.

Mista Narokobi i mekim dispela toktok long bekim askim bilong memba bilong Kagua Erave David Basua we em i tok em i harim long redio olsem ol pablik i tromoi tok olsem sampela memba bilong palamen i save mekim planti nois tumas, maski ol i sinia memba o longtaim memba long palamen.

Mista Basua i tok ol pablik i tokaut olsem ol lida i mekim palamen i kamap olsem wanpela ples bilong pilai, lap na mekim nois nabaut. Em i kolim palamen olsem sekas o ples bilong pilai.

Tasol Spika Mista Narokobi i tok insait long olgeta demokresi, palamen em fri long toktok long wanem kain toktok o hevi ol lida i laik tokaut long en.

Tasol em i askim ol memba long



• Bernard Narokobi.

mekim samting stret na bai ol i noken kisim planti kontrol i kam long Spika.

Mista Narokobi i tok sapos husat memba bilong pablik i mekim kain toktok olsem egensim ol memba na pasin ol i save mekim long palamen, orait ol i mas wet inap long taim bilong nesanel ileksen orait ol i ken win na kam long haus palamen.

Rausim mak nogut long ol pablik ples, Pogo i tok

MINISTA bilong Woks na Memba bilong Finsafen Alfred Pogo o kros nogut tru olsem ol manmeri i save raitim kainkain samting na droim ol piksa nogut nabaut long ol pablik olsem maket, toilet na pabliks samting gavman i putim.

"Noken rait nabaut na bagarapim pablik ples na samting tu," em i tok.

Em i tok wanpela ples em i no laik lukim kain mak nabaut em long Nadzab ples balus long Lae, Morobe provins.

"Yumi save tok PNG em

Paradisa tasol ol turis i kam lukim dispela kain makmak nabaut, ol i sve kisim wanem kain tingting," em i askim.

Em i tok ol spakman tu i no save wari wanem samting ol i mekim na olgeta taim i save bamim ol sain i stap long rot na i save hatwok stret long kisim nupela na putim antap.

"Planti mani i save lus nating taim mipela putim dispela sem samting i go antap long rot na bris nabaut," Mista Pogo i tok.

Em i tok ol manmeri i save

ken mekim ol dispela pasin tasol ol pipel i no yusim gut ol dispela sevis.

"Planti mani i save lus nating taim mipela putim dispela sem samting i go antap long rot na bris nabaut." - Mista Pogo

Mista Pogo i tok tu olsem planti memba bilong palamen i mas traim yusim ol save man bilong Woks Dipatmen long Gavman Teknikel sevis Divisen long kamapim plen bilong ol projek na noken westim mani long hairim ol praivet kampani long mekim dispela ol wok. Em i tok bilong wanem planti memba i no luk-save long dispela fri sevis gavman i givim long ol.

Praim Minista orait long ol memba i ken kisim K1 milien

MEMBA bilong Ambunti Drekkia Judah Akesim i askim Praim Minista long tok klia olsem bai K1 milien ilektorel fan bilong wanwan memba inap go insait long distrik akaun bilong ol long dispela yia.

Mista Akesim i tok em i save rot bilong kisim dispela mani i longpela na hat tasol nogut ol memba i no kisim dispela mani na gavman i tromoi i go bek insait long baset bilong neks yia na ol memba bai i no inap kisim.

Praim Minista Sir Mekere Morauta i tok

em i givim tok orait bilong em olsem ol memba bai kisim dispela K1 milien distrik mani bilong ol long dispela yia.

long ol pablik wples nabaut na bagarapim ol gutpela samting stret.

Em i tok gavman i save traim kamapim maket na ples bilong ol pipel i

Gavman bai salim PNGBC pastaim


PRAIM Minista Sir Mekere Morauta i tokaut olsem em i no inap senisim tingting bilong em long salim haus mani, Papua Niugini Benking Kopresen (PNGBC).

Sir Mekere i tok PNGBC i noken go het long givim helpim long ol sik lain (ol gavman bisnis) wantaim dinau mani olgeta taim. Olsem na dispela em bikpela samting gavman i laik stapim bai ol dispela gavman bisnis i mas painim rot long strongim ol yet long sait bilong mekim mani na mekim bisnis bilong ol i ron strong.

Praim Minista i mekim dispela toktok long bekim ol askim i kam long memba bilong Hagen Paul Pora. Mista Pora i bin askim Praim Minista long wanem as na gavman i laik salim PNGBC taim beng i gat bikpela dinau mani i stap yet wantaim ol arapela gavman bisnis olsem Air Niugini, Telikom, Elcom, PNG Habours Board na o arapela moa. Na sapos gavman i salim PNGBC beng, bai ol dispela mani bilong em wantaim ol dispela bisnis bai i go olsem wanem.

Mista Pora i tok sapos gavman i salim PNGBC i go long han bilong ol praivet bisnislain, ol bai singaut long kisim bek ol dispela mani long ol bisnis ya. Na sapos ol i no bekim, bai nupela papa bilong PNGBC beng bai karim gavman i go long kot long bekim bek ol dispela dinau mani ya.

Mista Pora i askim tu long amas mani olgeta em PNGBC i gat nau



• Paul Pora.

na amas mani olgeta i stap long ol ovasis beng.

Praim Minista i tok olgeta dinau mani we ol bisnis i gat wantaim PNGBC bai gavman i skelim na stretim gut olgeta insait long wanpela bikpela karamap long stretim rot bilong salim PNGBC long wanpela taim tasol.

Sir Mekere tok olgeta samting long dinau mani o ol mani bilong beng na wanem kain dinau bilong beng yet long arapela beng em gavman bai skelim gut olgeta.

Tasol long nau yet, em i no save long amas mani tru em PNGBC i gat long rekot bilong em na amas istap ausait yet long ol dinau na i no kam yet, em i tok.

Ilektorel Komisn bai sekim ripot bilong ol giaman nem

ILEKTOREL Komisn bai sekim na lukluk i go insait long ol komplem we i tok ol hait o giaman nem i wok long kamap insait long ol pepa bilong rejista long vot long ileksen 2002.

Minista bilong Provinsal na Lokol Gavman Afeas lairo Lasaro i tok dispela komplem i kamap pinis long Madang na Praim Minista i tokaut long sekim dispela hevi hariap.

Long dispela wik, memba bilong Jimi

Bevan Tambl i komplem tu olsem wankain pasin i kamap long ilektorel bilong em long Jimi we ol hait o giaman nem i wok long go insait long ileksen pepa bilong vot long neks yia. Na em yet wantaim meri pikinini bilong em i nogat nem long dispela rejista pepa bilong ilektorel Opis.

Dispela em namba tu komplem bihain long wankain komplem i bin kamap long Madang long las wik.

langalio askim long gavman bilong Enga

MEMBA bilong Wapenamanda Masket langalio i askim wanem taim bai gavman i stretim na putim bek provinsal gavman bilong Enga. Mista langalio i tok 6-pela mun i pinis nau na em i laik save wanem samting i kamap long bringim bek gavman bilong Enga.

Em i tok taim gavman i rausim pawa long Gavana Peter Ipatas, ol i kirap gen na apim em i go antap gen na givim em Minista bilong Maining. Taim gavman i mekim olsem, ol i makim wanpela edministreta long rot tasol na putim em i go lukautim provins. Mista langalio i tok em i paul tru long dispela kain pasin bilong gavman.

Praim Minista Sir Mekere Morauta i tok olgeta pasin gavman i mekim long rausim pawa long Enga provinsal gavman i bihainim Ogenik Lo bilong Provinsal na Lokol Level Gavman. Na olsem, olgeta wok bai bihainim dispela rot yet.

Pawa bilong makim ol Gutpela Lida o Lida Nogut i stap long vot bilong yumi

ILEKTOROL Komisn i no nap yusim ol dispela 4000 vota enrolmen fom ol i bin stilim long Madang, bos bilong ileksen Mista Reuben Kaiulo i tok tudei long Pot Mosbi.

Mista Kaiulo, husat em i Ilektorel Komisn, i tok olsem ol ofisa bilong em bai sekim gut olgeta nem ken bipo ol i stretim ol nupela enrolmen fom bilong Madang.

Ol stilman wantaim ol bos bilong ol i bin stilim 4000 vota enrolmen fom bilong Madang long stat bilong dispela yia taim Ilektorel Komisn i bin redim wok bilong vota enrolmen na salim ol fom i go long Madang.

Polis bilong Madang i helpim Ilektorel Komisn long kisim bek olgeta dispela 4000

enrolmen fom em ol stilman i bin paulim.

Mista Kaiulo i tok Ilektorel Komisn bai salim ol nupela enrolmen fom i go long Madang taim polis i givim Ilektorel Komisn ol dispela 4000 enrolmen fom nogut.

Em i tok ol polis bilong Madang i holim yet ol dispela enrolmen fom nogut long sajam na arestim ol stilman wantaim ol bos bilong ol husat i bin plenim wok bilong stilim ol dispela fom.

Mista Kaiulo i tokim ol polis bilong Madang long lainim gut ol dispela stilman wantaim bos bilong ol. "I noken isi long ol," Mista Kaiulo i tokim ol polis bilong Madang.

Mista Kaiulo i tok ol ofisa bilong em wantaim ol polis bai kukim olgeta dispela 4000 enrolmen fom nogut bikos ol i bagarap pinis na Ilektorel Komisn i no nap yusim ol long vota enrolmen bilong Madang.

Mista Kaiulo i tok ol polis na Ilektorel Komisn bai askim ol pipel long i go sanap olsem witness taim ol i kukim ol dispela 4000 enrolmen fom nogut.

Em i tok ol man nogut i no nap long stilim ol enrolmen fom na paulim wok bilong Ilektorel Komisn bikos ol wanwan enrolmen fom i gat spesel makmak bilong ol yet.

"Ol masin o kompyuta bilong mipela i ken painim ol kainkain misteik taim ol man nogut i stilim ol enrolmen fom bilong

mipela long paulim vota enrolmen progrem bilong Ilektorel Komisn." Mista Kaiulo i tok.

Taim vota enrolmen i pinis long ol wanwan hap bilong Papua Niugini bai olgeta pipel na Ilektorel Komisn i gat 30-pela dei long sekim gut olgeta vota enrolmen aninit long Lo bilong Ileksen. Dispela bai kamap long olgeta provins.

Sapos yu save olsem ol manmeri i bin giaman long enrolmen bilong ol, yu ken nopotim ol long Ilektorel Komisn na askim Ilektorel Komisn long rausim enrolmen bilong ol long dispela taim.

• PNG Ilektorel Komisn i sponsorim dispela Ileksen Tok Save.



**ELECTION
2002**

NIUGINI AILAN NIUS

Bogenvil gavman i sot long mani

VERONICA HATUTASI i raitim

BOGENVIL edministresen i sot long mani long karimaut wok bilong em.

Opis bilong Gavana John Momis long Buka i tok dispela i mekim na em i hat long givim gutpela sevis i go long ol pipel.

Opis i toklong ful baset bilong provins insait long dispela yia, gavman inap long givim mak namel long K10 na 11 milien long inapim ol samting i stap insait long baset plen.

"Tasol edministresen i no kisim gut ol kwatali mani skel bilong em," opis i tolk.

Long dispela tasol tu na edministresen i no wok long givim kwik helpim long ol pipel long Carterets Ailan na

saut Bogenvil husat i bungim hevi long kaikai i sot bihainim bikpela ren i bagarapim ol gaden kaikai na tu, bikpela solwara i bagarapim ol gaden kaikai long ol liklik ailan long Carterets na ol arapela moa long atols grup.

Long wankain taim tu, Opis bilong Bogenvil Afeas (OBA) i tok tru Bogenvil etministresen i sot long mani.

Em i tok Treseri Dipatmen i no givim yet mani gren bilong Julai na Ogas yet.

Opis i tok bikos gavman i no inap long peim lam sam o olgeta mani gren long wanpela taim tasol, em i sapos long givim dispela bihain long olgeta tripela mun o kwatali. Na mak inap long K600,000. Tasol dispela i no kamap gut tumas bikos taim

Treseri i givim mani, sampela samting i no save stret tumas. Mani i save sot na i no inapim mak etministresen i laikim na tu planti taim, em i save leit.

Opis bilong Mista Momis i tok bihainim dispela mani i sot hevi, Gavana Momis na Joel Banam i bin toktok wantaim ol bikman long stretim dispela samting.

Wantok i no bin inap long kisim toktok long Gavana Momis long dispela samting bikos Gavana Momis na ol arapela bikman i go long Tunur insait long Sentrel Bogenvil long stap insait long 100 yias senteneri selebrensen bilong Katolik Sios long ailan.

Pipel dai long hangre long Carterets Ailan na hevi long saut Bogenvil

TUPELA pipel i dai na planti handret moa i sot long kaikai long Bogenvil bihainim ol hevi bikpela ren na solwara i kamapim.

Opis bilong Bogenvil Afeas (OBA) i tok tupela dai i bin kamap long Carterets Ailan grup, ol liklik ailan klostu long Bogenvil.

Wantaim ol arapela liklik ailan olsem Motlok, Tasman, Nuguria na Nissan, Ol Carterets Ailan i wok long bungim hevi long solwara i karamapim na karim ol ailan. Dispela i kamap bikos planti ol kain posin pipia ol bikpela kantri i wokim long ol fektri, ol maining, logging na ol arapela bikpela kampani i bagarapim graun, bus na solwara. Na nau solwara i tuhat na kamapim hevi moa yet long ol liklik ailan. Carterets Ailan i wok long bungim moa hevi yet long ol arapela ailan long Bogenvil, stat yet long ol yia long 1960.

OBA i tok saut Bogenvil tu long bikailan i wok long bungim bikpela hevi long kaikai i sot. Ol pipel long Buin, Siwai, Bana na Torokina i kisim taim tru bikos long tupela as. nambawan em long bikpela ren we i bin stat yet long mun Jun na i bagarapim ol gaden kaikai. namab tu em long ol binatang

olsem ol serflai i bagarapim ol lip kaukau, em bun kaikai bilong ol pipel long eria. Taim ol binatang i bagarapim ol lip kaukau, rop kaukau i no save karim kaikai na dispela i kamapim hevi long ol pipel.

OBA i tok Bogenvil etministresen i laik salim wanpela lain opisa bilong Distrik Sevis divisen long go long ol eria na kisim ripot long dispela wik tasol edministresen i sot long mani.

Opis i tok nesanel Treseri Dipatmen i no givim yet gran mani bilong mun Julai na Ogas i go long etministresen. Mak we em inap long givim insait long wan wan mun em long K600,000.

Opis i tok i gat hevi tu taim Treseri i givim gran mani na dispela em taim em i givim, em i no save givim ful mani mak we edministresen i laikim, namba tu em i save givim daumbilo long mak em i askim long en na namba tri em taim em i givim mani, planti taim em i save leit.

Opis i tok sapos etministresen i no kisim mani i kam long gavman, bai ol opisa husat i laik kisim ripot i no inap go.

Provinsel gavman laik sekim gavman graun long Kimbe

WANPELA wok painimaut nau i wok long kamap insait long ol setelmen insait na arere long Kimbe taun bilong luksave long husat ol i sidnaun antap long ol graun bilong gavman taim ol i no kisim tok orait.

Divisen bilong Lokol Level Gavman bilong Wes Niu Briten Provincial Edministresen wantaim man i go pas Edministreta, Mista Paul Rame i tok olsem dispela wok painim aut bai ron long tupela mun olgeta na long mun Oktoba, taim gavman i kisim planti save long hama pipel i sindaun nating tasol long graun bilong gavman, gavman bai stap long rausim ol dispela pipel.

Edministreta i tok tu olsem ol famili bilong ol raskol lain husat plis i save long ol bai gavman i rausim ol tu taim dispela wok painim aut i pinis.

Dispela wok painim aut i bihainim dai bilong wanpela plis sajen husat ol raskol i bin sutim dai long Gigo setelmen tripela wik i go pinis.

Bihainim dispela trabel provinsel eksekutiv kaunsil i bin miting na ol i bin toktok long han bilong Sofa setelmen na ol i bin tok orait long kamapim dispela wok painimaut.

"Taim dispela wok painim aut i pinis strongpela wok bilong rausim ol pipel nau bai stat long mun Oktoba olsem na husat man na meri i no bihainim oda, bai pilim tru han bilong lo," eking Edministreta i tok.



• Wanpela grup i putim Solomon danis long selebretim 100 yias bilong Katolik Sios long Bogenvil.

WANTOK

NIUSPEPA BILONG YUMI OL PAPUA NIUGINI STRET

P. O. Box 1982, Boroko
Telepon namba: 325 2500
Feks namba: 325 2579
email: word@global.net.pg

PE BILONG WANPELA YIA 52 NIUSPEPA

PLES	AIR
PNG	K 68.00
Ostrelia na Nu Silan	US\$46.00
Esia Pasifik na Japan	US\$55.00
Amerika na Yurop	US\$95.00

BIABA BIKPELA KIBUNG LONG SINGAPOR NA BIABIA WANTAIM OL BIKMAN IGO...

TASOL BIABIA I NO GO, OL I PAINIM EM I STAP...

HEY? BIABIA WE? EM I KAM KIBUNG O KAM RALUWA?

BIARI WESTIM MONI BILONG GAVMAN! RAUSIM EM!

OLGETA I GO KIBUNG...

YU SAVE PINIS,, BAGA NOGUT STAP LONG NAMBIS NA GLASIM OL MERI I STAP...

Gavman oraitim Bogenvil agrimen

KEBINET o Nesanel Eksekutiv Kaunsil long dispela wik i givim tok oraitim agrimen we ol join Bogenvil na Nesanel Gavman lida i bin kamapim long las mun bilong stretim na pinisim hevi long ailan.

Praim Minista Sir Mekere Morauta longTunde i bin tokaut long dispela samting.

Sir Mekere i tok Bogenvil Afeas Minista Moi Avei i bin prisenim dispela agrimen i go long kabinet insait long tripela de na bihain long ol i glasim na skelim, ol i oraitim agrimen.

Agrimen i gat ol rot we tupela grup i bin redim na aninit long en em kamapim gavman bilong Bogenvil yet wantaim moa pawa tasol i kam aninit long mama lo bilong PNG, independens bilong Bogenvil long bihain taim na dispela em palamen i mas glasim na skelim na tok oraitim long en na plen we ol foma paitman i kamapim long lusim ol samting bilong pait

Sir Mekere i tok bikos dispela em ol bikpela samting, em bin kisim palamen na Kabinet longpela taim long wokim disisen long tok oraitim agrimen.

Em i tok hatpela samting nau i stap em long karimaut dispela plen bilong lusim ol samting bilong pait.

Em bin tok plen i stap em long

putim ol gan samting long ol kontena na Yunaitet Nesens Obseva Misin wantaim ol komanda bai holim ki long ol.


Praim Minista i tok dispela disisen gavman bilong em i mekim long tok oraitim join agrimen em i bikpela samting.

"Dispela agriment peket wantaim ol Bogenvil lida i bringim yumi long pinis bilong hevi na sori insait long hstrii bilong yumi na nau i opim rot long kamapim gutpela sindaun long gutpela rot," Sir Mekere i tok.


Em i tok long wankain taim tu, kabinet i bin sanapim wanpela komiti long lukluk long ol samting i stap long gavman we Bogenvil i laik kisim na glasim na skelim sapos sampela samting i gutpela tu long ol arapela provins long bihainim.

Sir Mekere i bin autim tok amamas bilong em i go long planti lain husat i bin sapotim gavman long kamapim agrimen ya.

Em ol lain olsem Oposisenwe i bin sapotim bai patisen wok, Bogenvil Afeas MinisterAvei long ol gutpela tingting na hatwok em bin mekim long kamapim gutpela toktok namel long ol Bogenvil na Nesanel Gavman lida na wok long stretim hevi na politiks bilong Bogenvil i klostu karim kaikai.



SEPIK NIUS



Stil pasin na brukim opis bikpela long Bewani

MEMBA bilong Vanimo Grin na Vais Minista bilong Tred na Indastri Micah Wes, i givim strongpela tok lukaut long ol pipel bilong en long Bewani las wik olsem em i nogat taim long pilai pilai wantaim ol bikhet lain, tasol long tokim ol plis i go insait long Bewani na mekim save long ol lain i kamap planti hevi na bagarap long ol samting bilong gavman insait long stesin.

Mista Wes i tokaut tu olsem, sapos i nogat samting i kamap long dispela bai em i givim oda long pasim Bewani Gavman Stesin. Na

salim olgeta gavman wokman i go long ol narapela eria husat i gat rispek long ol gavman opisa na ol samting bilong gavman.

Mista Wes, Vanimo Grin ekting Distrik Edministreta George Jelsiwi na ol opisa i bin mekim wanpela wokabout i go long Bewani long 30 Julai na kisim ripot olsem ol bikhet lain long Bewani i brukim na go insait long Bewani Helt Senta na stilim ol Matres na glas luvas. Ol bikhet lain tu i brukim na go insait long DPI Opis na haus bilong ol

gavman opisa na wanpela tred stoa.

Ol gavman opisa i tokaut long helpim bilong ol taim ol i tok bai ol i no inap wok moa long givim sevis i go long komyuniti, sapos dispela pasin nogut i go het moa.

Membra bilong Vanimo Grin i askim 3-pela kaunsila bilong Wod 19, 20 na 21 long Bewani long hariap na singautim wanpela miting na stretim dispela hevi nau i wok long kamap insait long Bewani. em i tok, 3-pela lida ya wantaim helpim

bilong Bewani komyuniti i mas holim pas husat bikhet nau na givim i go long han bilong plis.

Mista Wes i tok, sapos dispela i no kamap o sapos i nogat kaikai bilong dispela siting em i nogut tingting moa long larim Bewani Gavman Stesin long op, tasol bai i yusim pawa bilong em olsem politisen long pasim Bewani Stesin.

"Mi gat pawa long pasim Stesin sapos raskol pasin i wok long go het. Tasol mi no laik mekim pasin olsem, bikos planti gutpela pipel

bilong Bewani bai kisim bikpela taim nogut long nogat helt sevis, skul bilong ol pikinini, ol sevis bilong gavman na planti arapela sevis em pipel i mas kisim.

"Mi singautim strong 3-pela kaunsila bilong Bewani long hariap na singautim wanpela miting na toktok na stretim dispela hevi. Bikpela samting long mekim em long holim pasin ol dispela bikhet lain na givim long han bilong plis olsem lo i ken mekim save long ol. Dispela i mas kamap, maski husat i wan pisin o wan blut bilong yu,

lo i bilong olgeta na olgeta i mas kisim mekim save olsem lo i tok. Moa yet, sapos dispela i no kamap

bai mi tokim plis long kam insait long Bewani na holim pas ol bikhet lain", Mista Wes i tokaut.

Kaunsila bilong Wod 19 Oita Wani i tok em i sanap sapatim Mista Ws and ol atoriti long sekim wanem samting ol i laikim. Em i tok em i redi long givim nem bilong ol bikhet lain insait long Bewani. Husat olgeta taim i save kamapim dispela pasin nogut long stil pasin na tu long brukim na go insait long ol gavman opis na haus bilong ol gavman opisa.

Kaunsila Wami i tokaut tu olsem ol plis i mas karim aut wanpela wok painimaut tu bikos ol sampela yangpela man bilong Bewani i save smok spak brus.

Sewani skotobiau rot kisim mentenens wok

OL wok bilong stretim Bewani Skotchiao Rot i stat long tupela wik i go pinis. Dispela ol masin i wok long daunim ol gras na liklik diwai i gro karamapim rot ya long las tupela krismas. Dispela rot i bin klos tupela yia bikos long hevi bilong mani long kantri. Na long mekim ol samting i nogut moa, dipatmen bilong Woks i nogat ol gutpela na bikpela masin long wokim rot.

Inap nau tupela rot kontrakta i sekim arere bilong tupela wara insait long Bewani Sab distrik long tingting bilong wokim bris. Ol bris ya bai kalapim Wara Pulan na Wara Mei. Bihainim lo, bai i mas gat moa long 3 o 4-pela kontrakta i givim kos bilong ol long wokim ol bris ya. Na papa bilong projek bai skelim kos bilong ol kontrak lain ya na makim wanpela long karimaut dispela wok bilong wokim bris.

Membra bilong Vanimo Grin na Vais Minista bilong Tred na Indastri Micah Wes i makim mak mani inap long K180,000 long karimaut wok mentenens bilong Bewani Skotchiao Rot aninit long Rurel Dvelopmen Fan mani bilong em. Dispela mani i bin sindaun longpela taim long karimaut wok mentenens long Bewani Skotchiao rot bikos Dipatmen bilong Woks long Vanimo i nogat ol bikpela masin long mekim wok.

Las wik Mista Wes wantaim ol opisa bilong em i wokabout wantaim tupela bris enjinia i go sekim ples bilong wokim bris long Wara Palan na Wara Mei.



• Ol Sepik i redi bilas bilong ol long stap insait long wanpela tumbuna pasin bilong ples na ol singsing long amamasim wanpela bikpela de bilong ol.

Takis bilong ol liklik ples balus i mas kamap

FELIX RAMRAM i raitim

OL Lokol Level Gavman (LLG) insait long Wes Sepik bai i gat wanpela rot tu long mekim mani. Sapos olgeta i wanbel wantaim helpim bilong Sandaun Provinsel Gavman, ol inap kamapim wanpela lo long tokorait long ol LLG insait long provins long kamapim mani.

Dispela rot em long kamapim lo we bai i givim pawa long wan wan Lokol Level Gavman i kisim takis long wan wan liklik ples balus insait long provins i kam long ol liklik balus kampani husat i save yusim ol dispela ples balus.

Wanpela gavman opisa hsuat i no laik Wantok i autim nem bilong em i tokim Wantok long Vanimo olsem. Nau i nogat wanpela kain bikpela i save kam long ol liklik balus kampani husat i save yusim ol liklik ples balus insait long provins. Olsem long sait bilong hepim mani o narapela rot long larim ol ples balus i stap op long ol i yusim.

Na Nesenel Gavman i tro-

moim bikpela mani long mentenim ol dispela ples balus, taim ol liklik balus kampani i mekim o pulim bikpela mani long bisnis bilong ol.

Gavman wokman ya i tok Provinsel Gavman i mas sanap sapatim dispela tingting na kamapim wanpela provinsel lo ol i kolim Yusa Pe Polisi. Na dispea bai i mekim olgeta liklik balus kampani husat i yusim ol liklik ples balus insait long provins i baim takis i go long ol LLG em ol dispela ples balus i stap long eria bilong ol.

San Tasig bilong Aitape i sapatim dispela tingting na i singautim ol gutpela lida, bikpela tru ol Nesenel Palamen Memba bilong provins. Long lukim olsem dispela i kamap wanpela lo bilong helpim ol LLG long kisim reve-nui bilong ol.

Em i tok, i bin planti krismas ol liklik balus kampani i "pulim mani na mekim traipela win mani" na ol i no givim wanpela ples balus i go bek long pipel.

Mista Pasig i tok bikpela namba bilong ol manmeri i stap long ol bikbus ples, na ol dispela lain tasol i save bungim-

bikpela mekim save bilong nogat gutpela trenspot sistem. Olsem na bai i stret sapos gavman i ken kamapim dispela Yusa Pe Polisi bilong ol liklik ples balus insait long Wes Sepik. Na mekim ol liklik balus kampani i baim sampela takis mani i go bek long pipel tru long LLG, bai ol i ken yusim dispela mani long givim gutpela sevis long pipel.

Dispela mani gavman i yusim long stretim ol liklik ples balus insait long bus na mani bilong pipel, taim ol balus kampani i mekim fri win mani na i no givim sampela samting i go bek long mentenim ol ples balus," Mista Pasig i tok.

em i go het na i tok olsem, sapos dispela provinsel Yusa Pe Polisi Wes Sepik i kamapim insait long provins dispela i ken karamapim tu ol arapela samting we bai i givim helpim long ol LLG i kisim sevis mani long givim sevis i go bek long pipel.

Mista Tasig i singautim olgeta gutpela lida bilong provins long sapatim dispela tingting. Na lukim olsem gavman bilong provins i kisim na kamapim kaikai long dispela tingting.

O PLIS.. MP B'LONG MI...NOKEN LUS TINGTING LONG VOT "YES" LONG NUPELA ILEKSEN RIFORMS...GUD 4 MI, NA GUT 4 PNG!!



Awareness on proposed changes to the electoral system

TI (PNG) Inc. and its coalition partners together with the Constitutional Development Commission and Electoral Commission bringing education and awareness on the electoral reforms to the people through the Electoral Reform Project.

For information on Preferential voting System, Fax 321 3716, or write to: Electoral Reform Project, PO Box 591, Port Moresby, NCD, PNG or Email: dtaylor@online.net.pg

Electoral Reform Project

SUPPORTED BY THE EUROPEAN UNION



SAUTEN



RIJON



Sif Jastis bai makim jas bilong Milen Be na Oro

SIF Jastis Sir Anrnold Amet bai makim wanpela jas bilong harim kot insait long Oro na Melien Be provins.

Jastis Sir Kubulan Los i mekim dispela toktok long wanpela raun em i mekim long harim kot long Milen Be distrik kot dispela wik.

Dispela apoinmen bilong Jas bai kamap aim Milen Be Provinsel Gavman i painim wanpela haus bilong Jas i ken i stap long en.

Jastis Kubulan i tok sori long ol plis manmeri, wada, skul pikinini, opisa bilong Milen Be Provinsel gavman olsem ol i no bin salim wanpela kot jas hariap i kam long lukautim sait bilong kot long Milen Be na Oro.

Milen Be Gavana Titus Philemon i no stap tasol em i tok gutpela long jas i kamap bikos planti kot i save longpela taim tru i stap yet.

Em i tok planti kot tru i stap na 100 manmeri wetim kot long kalabus yet.

Komanda bilong Giligili Haus Kalabus Jim Gulu i tok olsem 92 man i wet yet long kamap long kot.

Em i tok planti bilong ol kalabus i wet kot inap 3 o4-pela krismas olgeta long kamap long kot.

Em i tok planti yangpela i no inap bilip long kot sistem bios ol i stap long taim wantaim ol bikpela raskal man husat pulim meri, kilim man, stilim na paitim manmeir nating.

Gavana Philemon i tok mani em wanpela hevi na jastis dipatemn i no save stretim ol hevi em wok bilong diaptmen na ol i mas mekim.

Em i tok i nogat mani na tu i nogat planti man husat kisim trening long jastis na dispela i mekim wok i go isi tru na planti yangpela i stap kalabus inap planti yia bipo long ol i kamap long kot.

Em i tok dispela i no gutpela bikos olgeta taim yumi tok olsem mama lo bilong yumi em i gutpela tru.

Em i tok jastis i karim bikpela wok long kamapim belisi namel long ol pipel na palamen i no lus tingting long dispela bikpela wok em i mekim.

MEKEO kaunseol of Sif aninit long lukaut bilong Veifa i no wanbel long olgeta memba bilong ol i no kamap long nam-bawan bung bilong Kaunsel ov Sifs Komyuniti Developmen Woksop las wik.

Ol lida olsem Presiden bilong Mekeo-Kuni LLG Henry Maino, Gavana bilong Sentrel Opa Taureka, Rininel Memba bilong Sentrel Ted Diro na Kairuku-Hiri memba Moi Avei i no bin stap long dispela bung na ol i no wanbel stret.

Ol pipel i ting olsem ol dispela lida bai sindaun wantaim long raim kamapim sampela senis. Ol inap helpim

Viles lida i belhat

long bringim mani na save i kam bilong helpim ol pipel tasol dispela samting i no kamap.


Ol Mekeo pipel i tingting long sindaun wantaim na lukluk long ruel divelomen fan, Distrik Sapot Gran, manibilong rot, skul fi, takis kredit

skim i kam long Tolukuma Main, mani ol i kisim long NCD na tu mani ol igivim long provinsel na distrik baset.

Hevi bilong ol memba i no stap asol ol lida long eria bai traim stretim wok bilong bringim divelopmen long eria

stat long komyuniti level i kam antap olsem stap long rifom.

Bihain long ol stretim olgeta komyuniti p[ro]jek na wanem narapela hevi, wanpela grup bai kisim dispela i go lukim ol bikman bilong gavman long kisim mani na stretim ol.



• Ol pipel long Kouderika klostu long Porebada i wokim haus antap long solwara. Dispela em kain stail bilong ol lain Motu-Koitabu long Sentral provins. Foto: HENRY MORABANG.

Noken giamanim ol pipel, Diro i tok

PEKU PILIMBO i raitim

PLANTI pipel i kisim taim long dispela taim na gavman wok long go het na giamanim ol pipel olsem olgeta samting i orait.

Rijinel memba bilong Sentrel Ted Diro i mekim dispela toktok long taim bilong wari toktok i kam long memba long palamen dispela wik.

Em i tok nogat gutpela sevis, prais bilong ol samting i go antap na ol pipel i no luksave long wanem samting gavman i mekim bilong stretim hevi bilong ol pipel.

Gavman i wok hat long stretim rong sait

bilong ikonomi na i no luksave long wanem hevi ol pipel i karim long wanwan de na nogat wanpela pipel i bilip long ol memba bilong palamen tude.

Em i tok win mani bilong ol beng tu i no liklik n ai hat long ol liklik man i dinau mani bilong kamapim bisnis long beng.

"Kina i stap daun bilo tru. Gavman bai tok em mekim gutpela samting na traim long kisim beknem tasol em bai stretim hevi olsem wanem.

"Olgeta toktok i mas sut stret long gavman long olgeta hevi bilong ol pipel tude," Mista Diro i tok.

Em i tok bipo ol wantok i save helpim narapela tasol nau i hat tru

na planti manmeri i no moa stap olsem wanpela famili moa.

Em i tok dispela ol hevi em ilukim long Sentrel na Galf provins tasol em i bilip olsem wankain hevi i mas stap long olgeta hap bilong kantri tu.

Gavman mas kamapim sampela polisi nau long soim olsem kina i kam antap na ol pipel i luksave long ai bilong ol wanem samting tru i kamap. Em i tok hevi bilong mani i mekim na 760 tred stua insait long Sentrel provins. Insait long Kwikikla i gat tupela stua tasol i salim petrol na jum bilong ol moto bot.

Em i tok laisens bilong ronim tred stua tu i lusim K100 na i go antap long K200.

"Prais bilong fiul i go antap na planti pipel nau i yusim kanu lang raun long solwara.

"Gavman mas kamapim tingting na amamasim ol pipel na noken traim daunim ol na larim ol karim hevi yet," Mista Diro i tok.

Em i tok olsem gavman i tingting tumas long pravitaisesen samting tasol i go na lus tingting olgeta long ol pipel.

Em i askim Minista bilong Bougenvil Afeas na Memba bilong Kairuku Hiri long toktok wantaim ol papa graun bilong Koari mas stretim hevi bilong wara na pawa saplai i kam long Pot Mosbi.

Em i tok ol pipel i gat hevi na memba i mas traim stretim dispela hevi hariap.

Groseri Spesol

Ol Spesol bilong dispela Wik!


Butsa Shop Spesol!

Gold Spot Cordial 750ml	K2.18	Zenag Stewing	
Big Sister Cake Rolls 250gr	K2.45	Pieces 900gr	K3.74
Pal Dog Food 1.2kg	K5.27	Zenag Soup Pieces 700gr	K2.89
Bongos Snack Food 25gr	K0.35t	Saveloys per kg	K5.49
Cadbury Chocolate 55gr	K2.20	Beef Sausages per kg	K6.95
Love Soap 4pack x 75gr	K1.99	Pork Sausages per kg	K6.95
Arnotts Ginger Nut 250gr	K3.20	Flavoured Sausages per kg	K7.95
King Toilet Paper	K0.63t		
Edgell Whole Peeled Tomato 400gr	K2.74		
Hereford Comed Beef 340gr	K4.12		
St. Michael Ham 213gr	K1.85		
Sno White Bleach 750ml	K1.84		

Hamamas na balm kaikai long Boroko Foodworld Gordons!

EXTENDED TRADING HOURS
 Monday to Wednesday - 8.00am to 7.30pm
 Thursday / Friday - 8.00am to 7.30pm
 Saturday / Sunday - 8.00am to 7.30pm

Planti moa kaikai prais i go daun long en!
 Ph: 325 7566, 325 7310 Fax: 325 7096



HAILANS NIUS



• Momba bilong Jimi Bevan Tambi na Plis Minista Herowa Agiwa i raun long Jimi eri we momba i givim wanpela bulldosa na bikpela ka long ol pipel i mekim wok long en. Mista Tambi bai go long kot bilong ol lida bihain long Ombudsmen painim em asua taim em i stap yet long opis.

Hailans gat planti pipel, Pokawin i tok

PEKU PILIMBO i raitim

GAVANA bilong Manus Stephen Pokawin i singaut long ol manmeri i noken karim planti moa pikinini.


Em i tok gavman i no inap givim helpim long ol manmeri i stap pinis na i no gutpela long ol manmeri i karim moa pikinini.

Em i mekim dispela toktok bihain long lukim ol mak bilong 2000 Senses mak we namba bilong ol pipel i go antap long 5 milien mak.

Sampela namba gavman i tokaut pinis i soim olsem Sauten Hailans provins i go pas wantaim planti namba bilong pipel long sait bilong provins na Hailans rijen i kam pas wantaim bikpela namba bilong pipel.

Gavman polisi i helpim long kamapim bikpela namba bilong pipel long kantri na gavman bai hatwok long lukautim dispela.

"Bebi kamap yet. Ol manmeri karim yet. Yumi mas helpim gavman long kamapim sampela polisi bilong helpim ol namba bilong ol manmeri i go daun," em i tok.



• Stephen Pokawin ... kamapim polisi long helpim namba bilong ol manmeri i go daun.

Em i tok ailan bilong em Manus tu i liklik na em bai traim tokim ol pipel long tingim gut na kamapim moa pikinini.

Ausait man kam mekim bisnis, Reipa i tok

MEMBA bilong Kainantu Beki Reipa i tok olsem ol lida i slek tru na larim opis bilong ol i kam daun na larim ol ausait manmeri i kam kamapim bisnis long PNG.

Mista Reipa i tok planti manmeri bilong PNG pinisim skul tasol nogat wok na stap nating bikos gavman i no kamapim rot bilong givim wok long ol pipel bilong kantri.

Gavman wok long kisim ol ausait manmeri i kam insait na mekim wok ol PNG manmeri inap holim na dispela i kamapim hevi long kantri.

Em i tok ol lida i slek na larim opis bilong ol narapela man i yusim na bagarapim kantri.


Ol i no mekim wok long lukim olsem ol manmeri bilong kantri i gat wok.

Mista Reipa i tok ol beng i karim win mani mak bilong ol i go antap tru na ol liklik grasrut bisnis man i painim hat tru long dinauim mani na kamapim bisnis.

em i tok sapos win mani mak i kam daun liklik, ating ol manmeri inap kamapim sampela bisnis na kisim ol manmeri bilong yumi yet i go wok.

Em i tok tu olsem ol narapela bisnis i save resis wantaim bisnis bilong yumi long kantri na ol manmeri i save kisim taim stret.

Mani bilong EHP no kam



• Gavana Peti Lafanama.

GAVANA bilong Isten Hailans Peti Lafanama i tok olsem gavman as putim wanpela lo long luksave olsem mani bilong provinsel gavman i mas kamap long ol provins long taim stret.

Em i tok tu olsem wanwan provinsel gavman i mas i gat rekot bilong amas mani i kam insait long provins na wanem kain wok i kamap.

Em i tok planti open momba i kisim mani i kam insait long projek tasol provinsel gavman i nogat wanpela rekot i stap.

Em i tok olgeta provins i gat rait long kisim mani bilong ol tasol mani bilong provins bilogn em inap long K6 milien i no kam yet.

Em i tok Nesenel; Gavman i mas lukluk

long lo gen na dispela mani bilong ol provins i mas go stret long ol.

Em i tok i gat mani i kam insait long wanwan momba bilong provins tasol em i no luksave long amas mani bikos nogat wanpela ripot i go long em.

Isten Hailans provins i bin baset long K52 milien kina tasol nogat wanpela mani i kam na em i wet yet i stap.

Pawa mani stap yet wantaim Elkom, Waieng i tok

MEMBA bilong Kundiawa Gembolg Peter Waieng i askim Elkom long wanem taim ol bai salim wokman i long ples bilong em na kamapim ruel elektrifikesen projek bilong em.

Em i tok em i givim pinis K340,000 i go long Elkom bai i putim pawa stat long Kundiawa i go olgeta long as bilong Maunt Willem tasol nogat wanpela samting i kamap yet.

Mista Waieng i tok France gavman i bin tok long givim K2 milien long dispela kain projek tasol dispela i no kamap yet.

Em i tok France gavman i nogat bilip long Elkom olsem na em i no givim dispela mani.



• Peter Waieng.

Elkom i gat bikpela dinau na long wankain taim ol papa graun bilohng Koiari i laikim K150 milien na ol Korea husat ronim Kanudi pawa stesen i laikim K15 milien.

Elkom i tok em nogat mani long mekim ol dispela kain wok na ol ausait man i no inap

givim mani taim ol i save olsem yumi no inap lukautim mani na yusim gut long givim sevi long ol pipel.

"Ol dono i pret long givim mani nating," em i tok.

Long wankain taim em i tok olsem i nogat wanpela sek poin i stap bilong lukim amas kago ol manmeri i karim na planti i karim moa na dispela i bagarapim Hailans Haiwe.

Mista Waieng i tok bipo i save gat wanpela sekpoin long 10 Mile long Lae tasol dispela i no stap longpela taim na bihain ol ka i save karim kago long bikpela hevi tumas.

Dispela ol hevi kago i bagarapim rot na nau Hailans Haiwe i bagarapim na i stap.

Memba bilong Jimi asua

OMBUDSMEN Komisn i tokaut olsem momba bilong Jimi Bevan Tambi i bin asua taim em i stap long opis olsem momba bilong palamen na inap sanap long kot bilong lida sapos wnaem toktok ol i sutim long em i tru.

Ombudsmen i salim em i go long opis bilong pablik Prosekito long traim sasim em aninit long kot bilong ol lida.

Dispela i kamap bihain long Mista Tambi i kisim K81,940 i kam long Nesenel Gavman Tras Akaun we mani i save kam long Gerning Bod.

Momba i kisim mani na yusim long baim ol samting bilong em yet na i no toksave long wanem samting em i baim na wanem rot em i yusim dispela mani long Ombudsmen Komisn.

Dispela asua bilong Mista Tambi i kamap namel long Septemba na Novemba bilong 1999.

Pablik Prosekuta Chronox Manek i tok em bai lukluk long wanem ol toktok i stap bipo long em pastaim na lukim sapos dispela ol toktok i inapo bilong




• John Kamb (Iephan) na lairo Lasaro tu i sanap long wankain sas olsem bilong Bevan Tambi.

salim lida i go sanap long ot bilong ol lida.

Em i tok sapos asua i luk bikpela em bai askim Sif Jastis long makim Lidasip Traibunal long painim aut gut wanem kain ol asua momba i mekim taim em holim opis yet.

Long wik bipo Ombudsmen Komisn i tokaut olsem wankain paul pasin i bin kamap wantaim Hausing, Minista na Momba



Benard Molok na momba bilong Kerowaghi John Kamb i go long pablik prosekuta.

Minista bilong Provinsel Afeas laro Lasaro i sanap long wankain sas long yusim mani bilong Nesenel geming bod.

Ol narapela momba bilong palamen husat sanap long wankain sas em long momba bilong Anglimp Saut Waghi Kuk Kuli, momba bilong Bogia Benard Molok na momba bilong

Madang Nius



Madang bisnis komyuniti sapatim Red Cross

MARGARET MAIMBO i raitim

YANGPELA meri husat i bai makim Madang Provins long resis long kisim Mis PNG taitel bai i no inap tingting long gutpela pes tasol em bai wok hat long kisim planti mani bilong helpim ol turangu lain.

Dispela toktok em siaman bilong Madang Red Cross Maureen Hill i mekim taim em i lonsim meri husat i bai makim Madang long resis long taitel long dispela yia.

Misis Hill i tok husat meri i kisim moa mani bai kamap nambawan na dispela resis i no bilong husat i gat samtpela pes tasol.

Meri husat i makim Madang em Mis Cathy Angu, em i gat 21 krismas na i save wok wantaim Lae Builders na Kontraktas

(LBC). Em i hap Morobe na Kerema na i save wok olsem klak na sekretari long LBC.

Mis Angu bai sanap yusim dispela nem Mis Madang Semba ov Komes.

Misis Hill i singaut long olgeta lain i mas bung na helpim long kisim moa mani long helpim long ol fanresing wok. Ol pipel bilong Madang i mas lukluk gut long wanem kain ol samting i kamap long fandresing na ol i mas wok-bung wantaim long kisim moa mani bilong Madang long helpim Red Cross.

LBC i givim K1,000 helpim Mis Angu long statim ol wok bilong em long kisim moa mani.

Presiden bilong Madang Semba ov Komes na Industri Bill Hughes i toktok long taim bilong lonsing na em i tok ol i no singaut long olgeta lain i mas givim moa mani long dispela taim.

Mista Hughes i tok ol i bin tingting planti long sapatim na

sanapim Mis Angu long wanem i gat planti hevi long sait bilong mani i no long Madang tasol long olgeta hap long kantri.

Tasol em i putim olgeta dispela tingting long baksait na i tok ol pipel yet i mas noken poret long givim mani long sapatim wok bilong Red Cross bilong wanem ol wok ol i mekim long Madang bai go bek gen long provins long baim ol marasin na saplai bilong ol lain husat i nidim.

Mista Hughes i tok long taim bilong bikpela bagarap o taim hevi i bungim ol eria long provins bai mani ol i givim bai i go bek long helpim ol long stretim hevi bilong ol.

Yangpela meri Mis Angu i tok bikpela amamas na tenkyu i go long Semba ov Komes' long sponsaim em, Madang Red Cross na ol woklain na menesmen bilong LBC long sapatim bilong ol long helpim em long sanap long resis.

Greduesen long Madang Tisa Koles

MADANG Tisa Koles i bin holim greduesen bilong em long aste.

Klostu olsem 136 las yia studen i greduet wantaim diploma long kamap tisa.

Greduesen kodineta George Kinavai i tok long dispela yia em namba tu taim koles i lukim ol gret 12 studen bilong ol nesenel hai skul long kantri i kisim diploma pepa bilong ol bihain long ol i bin stapim ol gret 10 studen long go long tisa koles.

Mista Kinavai i tok ol studen i bin kisim pinis toksave long wanem hap ol i mas go taim ol i pinisim greduesen.

Em i tok ol i bin holim greduesen aste bilong wanem nesenel edukesen bod i bin senisim kalenda yia i go tripela semesta i no olsem tupela long wanwan yia. Em i tok tu olsem bod i bin sotim skul yia long tripela yia i go tupela yia na long dispela as ol i bin kisim tripela semesta nau olsem na i bai gat i bai gat sikspela semesta olgeta long ol lain studen i ken

stadi insait long tupela yia.

Planti i save holim ol greduesen bilong ol long pinis bilong yia na dispela koles tu i bin mekim olsem bipo tasol dispela i senis bikos ol progrem bilong stadi i senis.

Ol rifom i mekim hat tru long kamapim olgeta samting we i save kamap bipo na senis i wok long kamap yet.

Mista Kinavai i tok wanwan semesta i gat 10-pela wik long ol studen i stadi long wanem kain kos ol i registra long stadi.

Em i tok ol rifom i kamap long wanem gavman i traime long stapim dispela hevi bilong nogat planti tisa long ol praimari skul insait long kantri.

Dispela yia bilong stadi tu ol i sotim bilong wanem em i helpim ol papamama long noken putim bikpela mani long baim skul fi bilong tripela yia.

Madang Tisa Koles em i pes koles long kantri long kamapim tripela semesta na kisim ol gret 12 studen husat i pinis long ol nesenel hai skul.

Ol nes rong long kamapim straik

GEUA FRANK i raitim

Seif eksekutiv bilong Modilon Haus sik long Madang John Levi i tok dispela straik bilong ol nes long las mun i no bin bihainim lo na ol nes i bin mekim bikpela rong long kamapim dispela straik.

Mista Levi i tok ol i no bin registaim dispela straik eksen bilong ol na mekim dispela straik.

Em i tok eksen bilong ol Modilon nes i no bin wanpela sit-in protes tasol em i wanpela straik.

"Mi laik tokaut klia olsem pasin ol nes i mekim i no sit-in straik tasol em i wanpela straik bilong wanem ol nes i no bin mekim wanpela wok bilong ol na larim olgeta wok i stap," Mista Levi i tok.

Ol nes i bin straik na stapim wok bilong wanem ol i no bin amamas long menesmen i no bin harim tok-tok bilong ol long givim sampela pemen long ol nes em ol i no bin

kisim bipo.

Mista Levi i tok ol i no bin bihainim lo na mekim dispela straik na em i tok tu olsem Modilon i gat 169 nes olgeta na 60 tasol i bin mekim dispela straik na ol narapela i no bin stap insait long dispela straik.

Em i tok dispela namba bilong ol nes husat i straik i no moa long hap bilong olgeta nes husat i stap olsem na straik i no stret.

Mista Levi i tok yet olsem sapos olgeta i bin vot long kamapim straik bai ol inap long stapim bilong wanem ol i no bin bihainim rait we bilong mekim straik.

Long dispela straik bilong ol nes Pablik Employees Association tu i bin bung na sapatim ol nes long straik bilong ol. Tasol Mista Levi i tok PEA i bin asua long sapatim ol nes bikos em i no bisnis bilong ol.

Mista Levi i tok Dipatmen ov Leba i mas lukluk long dispela samting.

Red Cross bai bildim opis long Madang

OL PLEN bilong mekim nupela Red Cross opis long Madang i kamap pinis namel long Madang Red Cross brens na Semba ov Kommas.

Dispela wok bung namel long tupela em ol opisa na woklain bilong tupela pati wantaim i bin mekim wanpela agrimen long dispela taim wanpela miting i bin kamap i no long taim i go pinis.

Presiden bilong Semba ov Kommas Bill Hughes i tokaut long dispela plen long taim ol i lonsim Mis Madang Semba ov Kommas Cathy Angu.

Siaman bilong Madang Red Cross Maureen Hill i tok long dispela taim Madang Red Cross i nogat wanpela opis na sapos ol i mekim wanpela bai ol i

sapatim gut ol Red Cross wok long Madang.

Mista Hughes i tok tupela grup wantaim i lukluk long kamap wantaim mak long K100,000 long mekim opis bilong Red Cross long Madang.

Em i tok Red Cross i bin askim Semba long helpim long mekim wanpela opis bilong ol.

Misis Hill i tok wok bilong Red Cross long Madang i stat long taim i go pinis tasol ol i no save gat wanpela opis bilong ol yet. Em i tok em i save plenim ol trening progrem na woksop nabaut bilong ol lain tasol i nogat wanpela gutpela ples ol i save yusim long mekim ol dispela wok.

Misis Hill i tok Madang i wanpela ples

we planti disasta o bagarap i save kamap long ol eria long provins tasol Red Cross i no save gat wanpela ples bilong putim ol saplai bilong ol long taim nogut.

Em i tok long dispela taim ol i wok long yusim haus bilong em yet long putim ol imejensi saplai nabaut em ol lain i save givim na donetim long em long sapatim wok bilong Red Cross.

Misis Hill i tok las taim hevi i bin kamap long Madang em taim kerosin i bin kukim ol lain nogut tru na dispela taim James Barnes na Britis American Tobacco i bin givim sampela kontena saplai we ol i bin karim i go putim long haus bilong em long wanem nogat opis long putim.

Em i tok Madang komyuniti i save helpim ol yet long taim hevi i bungim ol na em i laik bai opis bilong Red Cross i mas kamap tru tru na i no toktok tasol.

Planti manmeri i save olsem long taim ol i bung bikpela hevi na taim bagarap i kamap Red Cross i save go long olgeta hap long helpim ol lain.

Red Cross em i no wanpela liklik oganaisesen na wok bilong em i save kamap long olgeta hap long wol.

Long Madang Misis Hill i gat strongpela bilip olsem bai opis bilong ol yet i sanap na wok bilong Red Cross i go het yet long Madang wantaim sapatim i kam long Madang yet wantaim opis bilong ol yet.

GENERATOR SET	ESKI KULAS
LAKI NAMBA TICKET 0043462	LAKI NAMBA TICKET 5407942 0907539 0178256 5356200 5430101 0658077 0881356 5378118 5451526 0872256 0881745 5396684 5474300 0874567 0657033 5418589 5498454 0043648 0885423 5387101 5333123

WINNERS CONTACT GFI OFFICES:

PORT MORESBY PH: 320 2260 - LAE PH: 475 7066
MT. HAGEN PH: 545 1570 - GOROKA PH: 732 3213
RABAUL PH: 982 9209 - BUKA PH: 973 9141
MADANG PH: 852 1622 - WEWAK PH: 856 1708
ALOTAU PH: 641 0472 - KIMBE PH: 983 4907
POPONDETTA PH: 329 7366

Lae Nius

Morobe laik strongim lo bilong salim bia

MOROBE Lika lukluk gut insait na Laisensing Komisn i kamapim sampela lukluk long strongim lo bilong salim bia insait long provins bihain long planti hevi bilong salim bia nabaut i kamap bikpela long provins. Ekting edministrata na siman bilong Provinsal Mista Zurenuoc i tokaut olsem planti hevi Manasupe Zurenuoc i tokaut olsem komiti bai

blek maket na tu salim bia nating na i nogat laisens.

Mista Zurenuoc i tok sampela bikhet pasin tu i kamap we ol lain i salim bia long siti tasol aninit long laisens bilong ples na ol autstesin.

Em i tok dispela kain pasin i mekim na provinsal gavman tu i no kisim gut takis long ol laisens lain bikos sampela i nogat laisens. Narapela hevi tu em ol lain i salim bia nabaut long blek maket na abrusim mak o taim laisens i makim long ol i salim bia bihainim na stop long en. Na dispela i kamapim planti trabel pasin na hevi long komyniti, Mista Zurenuoc i tok.



• Bungawat Yut i welkamim ol lida long Teptep eria.

Teptep paris amamas long bungim ol lida

GO sindaun wantaim pipel na toktok wantaim ol na harim hevi na wari bilong ol em bikpela samting ol lida i mas mekim insait long ilektoret bilong ol wanwan.

Morobe Gavana Luther Wenge na Kabwum memba Ginson Saonu i mekim dispela toktok taim tupela i bin raun lukluk long Kabwum distrik long pinis bilong las mun.

Tupela lida i bin go long ples Bungawat na bungim ol sios lida bilong Teptep seket na ol pipel bilong Bungawat paris long strongim wok bilong sios long dispela hap. Teptep seket i holim wan wik bung bilong ol.

Long dispela taim memba Ginson Saonu i tokim ol sios lida long wok strong long strongim ol manmeri long bilip bilong ol. Em i tok long bipo ol hetman i save paitim belo o singaut na ol manmeri i save kam na bung long lotu o mekim wok komyniti na i nogat pe tasol nau pasin i senis. Tasol dispela i wok tru bilong ol lida long bungim ol pipel long lotu na helpim ol i strongim bilip bilong ol na na stap gutpela manmeri long komyniti na kantri tu wantaim.

Morobe Gavana Luther Wenge tu i mekm bikpela tok amamas i go long ol sios lida bikos ol i save bosim gut ol manmeri long ples. Planti hap bilong Morobe mipela ol lida na gavman i no save sindaun wantaim yupela olgeta de. Tasol yupela i save prea long mipela ol lida na gavman na yupela i save wok klostu wantaim ol viles kot na kaunsil na lukautim gut ol manmeri. Mi kam bilong strongim dispela gutpela wok bilong yupela. Gavana Wenge i tok.

Bob Dadai, siaman bilong Edukesen long Morobe provinsal gavman tu i tok strong bilong wok na sios i stap wantaim yupela ol lida na God i save givim dispela strong long yupela.

Moa long 500 manmeri bilong Bungawat paris wantaim Teptep seket sios lida i bin bung inap long wanpela wik

Ol sios lida i tok amamas long tripela lida bilong gavman i bung na go toktok long ol.

Gavana Wenge tokaut long nupela pati

YAKAM KELO i raitim

MOROBE Gavana Luther Wenge i tokaut long nupela politikol pati em i kamapim long dispela wik. Dispela nupela pati em Pipols First Party (Pipels Fes Pati).

Mista Wenge i tokaut olsem dispela pati i kamap antap long bikpela astingting olsem: Pati i mas lukautim na was long interes bilong ol liklik manmeri, ol lain husat i save kisim liklik pe long foitnait, ol lain i stap long bikbus na maunten na tu long ailan we i longwe tru, ol lain i nogat bisnis na i no save stap insait long wanpela wok bisnis, ol lain i save wok gaden olgeta de long laip bilong ol na ol pipel wantaim kain hevi olsem.

Mista Wenge i tok pati i mas sanap long mekim rait samting long kisim sevis na helpim i go long ol pipel.

Gavana Wenge i tok dispela pati i kamap tu bikos taim Morobe Provinsal Gavman i

bin traim long pait long ol hevi na warit bilong ol pipel, sampela taim ol i go na sot bikos long pawa i antap tumas. Tasol nau wantaim dispela pati, ol bai traim long go insait long 2002 nesanel ileksen na traim lng win na fomim gavman. Sapos ol i laki long dispela rot, ol bai lukluk nau long ol hevi we ol pipel i bin kisim taim long en longpela taim-i kam. Kain hevi olsem Velu Eded Takis (VAT) we ol i wok long kot i go kam long en. Na tu pati i ken wok strong long helpim ol pipel wantaim ol samting olsem helt na edukesen, skul fi sabsidi na ol arapela sevis olsem rot na bris na arapela moa. Dispela pati bai traim long helpim ol pipel bilong Morobe na Papua Niugini olgeta, Gavana Wenge i tok.

Em itok dispela pati, Pipols First Party i kamap long Morobe tasol em i no pati bilong Morobe. Em i pati bilong Papua Niugini na em bai sanapim ol kendidet long ol arapela provins tu. Namba olsem 45 lain long ol arapela

provins i soim laik pinis long joinim pati long resis long 2002 nesanel ileksen na ol i no ol liklik man, ol em ol saveman na ol bikman insait long Papua Niugini, em i tok.

Gavana Wenge i tok wanpela bikpela samting pati i kamap tu em long egensim wanem ol bikpela disisen we palamen i kamapim tasol i no gutpela na i kamapim hevi long laip na sindaun bilong ol manmeri. Kain olsem VAT takis lo.

Pipols First Party bai kamap ples klia olgeta long Septemba 5, 2001 taim ol i lonsim o opim long Eriku pilai graun long Lae.

Long nau yet pati i nogat tingting long sanapim ol kendidet insait long ol open ilektoret bilong Morobe provins. Bikos Pipols First Party i mas kisim sapot bilong olgeta pipel bilong Morobe olsem na em i no inap egensim wanpela memba bilong Morobe yet inap long 2007 taim palamen i kamapim lo bilong rausim rijinol sit long palamen. Em nau bai pati i ken

sanapim ol kendidet long open sit, Gavana Wenge i tok.

Memba bilong Kabwum Ginson Saonu i tokaut tu olsem em i amamas na welkam long Pipols First Party long Morobe provins. Mista Saonu i tok kamap bilong dispela pati i soim olsem save na pasin bilong politikis i groa strong nau insait long Morobe provins.

Pipols First Party i rejista pinis na Gavana i tok bai pati i peim rejistresen bilong em long neks wik.

Gavana Wenge i tokaut olsem em i no inap stap moa wantaim Yunaitet Pati bikos em i mas bihainim pawa bilong em we dispela pawa em laik bilong ol pipel we i makim em na bai sanapim em yet.

Dispela em i wankain pati olsem Morobe Independen Grup (MIG) pati we olpela primia na rijinol memba Utula Samana i bin kamapim tasol i bin bruk pinis. Tasol Mista Wenge i tok Pipols First Party em bilong Papua Niugini na i no Morobe tasol.

OGAS TYRE SPESOLS

HANKOOK NA MICHELIN TYRES

PLANTI STAIL LONG OL KWALITI HANKOOK NA MICHELIN TYRES LONG FITIM OL KAIN KAIN KAR NA TRAK.

Hariap...No Ken Miss Aut. Dispela Mun Tasol!

HANKOOK TYRES

MICHELIN

20% OFF

LONG RETAIL PRIAS

Quality System
Quality Endorsed Company
LIC. No. QCS2000
Quality Assurance
Service (QAS)

Ela Motors TYRES

KISIM OL LONG ELA MOTORS PATS DIPATMEN NA OL TYRE SENTA LONG OL GETA HAP.

PORT MORESBY PH 3229400 LAE 4722322 KOKOPO 9829100 MADANG 8522188 GOROKA 7321844 MT HAGEN 5421888 WEWAK 8562255 KAVIENG 9342788 KIMBE 9835155 TABUBIL 5489060 VANIMO 8571254 PORGERA 5479367 BUKA 9703915 LIHIR 9864099 ALOTAU 6410100

VISIT OUR WEBSITE <http://www.elamotors.com.pg>

Ol Sios Mama grup skruim wok

OL wanwan Sios mama grup insait long Pot Mosbi na tu long ol arapela provins insait long kantri i save mekim ol wok isi isi long helpim peris, komyuniti, ol sik na kalabus lain.

Planti taim yumi save lukim ol mama long ol wan wan sios i putim ol wan wan yumifom bilong ol na wokim ol raun bilong ol long sili long lukim ol sikman long bikpela haus sik long Mosbi, ol kalabus lain long Boman na ol arapela liklik wok moa olsem.

Presiden bilong Asdaiosis Katolik meri long Pot Mosbi Francesca Igo i tok olgeta peris insait long Asdaiosis em 21 olgeta i gat ol "Mama Grup" long

en husat i save karimaut ol wok bilong ol.

"Ol mama i stap insait long Preia grup, Lijen bilong Maria, Kerismetik, Divain Mesi, Tu Hats na ol grup olsem. Ol i mekim ol raun i go long ol haus long pre long ol siklain insait long ol famili, pre wantaim ol famili i stap long hevi, wokim ol strit preia, lukim ol siklain long Pot Mosbi Jenerel Haus sik na pre long ol, karim kaikai na ol klos samting i go long ol na wokim wankain tu long ol kalabus lain long Boman. Ol i gat ol program bilong ol yet na ol de we ol i save mekim ol raun i go long ol wan wan ples.

"Olgeta Sande bihain long lotu, bai yu lukim ol Mama grup i salim ol

kaikai samting. Mani ol i kisim long dispela em ol i givim long helpim peris long ol samting em i laikim, skruim wok bilong sios olsem ol mentenens na tu helpim komyuniti.

"Mi strongim ol Mama grup na ol meri long skruim wok ol i mekim. Mi amamas long lukim olsem nau planti meri i kamap katekislong helpim ol famili insait long ol peris na tu sampela i wok long go insait long wok Baptais na Komyunien ministri," Misis Igo i tok.

Long rot na taim bilong ol yet, ol meri tu i wok long skruim wok long helpim komyuniti i no long spirituel sait tasol long ol arapela eria tu we yumi yet i ken lukim na glasim.



Ol meri i pre long lukautim graun, kalsa na ol arapela presen

VERONICA HATUTASI i raitim

SAMTING olsem 500 meri i bin bung long Sen Mary's Katolik Katitrel o sios long Mosbi las Fraide long luksave long preia de bilong ol meri long Pasifik rijen.

Ol dispela meri i bin makim ol wan wan sios grup insait long Pot Mosbi.

Ol Katolik Asdaiosis meri i bin go pas long dispela preia de long dispela yia.

Het tok bilong dispela lotu bung em "Ol Ailan na graun bilong yumi em ol presen i kam long Bikman".

Dispela preia bung i bilong pulim tingting bilong ol meri long luksave olsem graun, wara na ol samting i stap antap na insait long en i kam long God na i moabeta long yumi mas lukautim gut.

Ol meri sios grup long ol arapela provins i bin holim ol preia bung tu long luksave long dispela de, wantaim tu ol arapela susa bilong ol long Pasifik rijen.

Ol ekumenikel felosip bilong ol meri long Samoa i bin redim dispela program. Dispela i wankain tu long ol arapela bikpela de long dispela yia we i sut long ol meri na ol Samoa meri i redim program.

Ol meri Samoa i tok ol i makim dispela het tok "Ol Ailan bilong yumi i presen bilong Bikman" long wanem yumi wanwan olsem ol aspies graun, environmen o ol samting i stap

antap, aninit na raunim graun, bus na ol wara i bikpela samting na i laip bilong yumi.

Olsem na yumi i mas amamas na yusim gut na lukautim ol.

Ol bin tok maski yumi long Pasifik rijen i stap longwe long wanpela nara-pela bikos bikpela solwara i karamapim yumi, yumi wanpela olsem ol pikinini bilong Bikpela. Na yumi kamap wanpela long Kraus Jisas.

Ekumenikel meri grup long Samoa i singaut long ol susa meri long Pasifik long bung wantaim na strongim wok long holim pas long graun na ol samting i stap long en na tu long kalsa bilong yumi. Na tu sanap wantaim long egensim pasin bilong ol bikpela kantri husat i troimoim ol posin pipia (nuklia pipia) long solwara bilong yumi.

Kodineta bilong sia bilong ol meri long PNG Kaunsil bilong Sios (PNGCC) Gwen Tulo i tok long olgeta yia, ol i save makim wanpela samting we i karamapim strong komyuniti, ol pipel na ol ailan kantri long rijen. Na long dispela yia ol i makim dispela het tok i sut long graun na kalsa.

Ol arapela samting we ol meri long rijen na PNG i sanap wantaim na lukluk long stretim na kamapim gut em long injastis o pasin bilong bagarapim na daunim narapela man, helt, paitim na bagarapim ol meri na ol pikinini, hevi bilong ol yangpela na ol arapela moa.

Em bin tok long rot bilong ol yet, ol meri i wok long helpim ol gavman long ol wan wan kantri long Pasifik rijen long stretim ol hevi i karamapim sosati, ol komyuniti na kantri.

Bosmeri bilong Asdaiosis Katolik meri Francesca Igo i bin mekim strongpela toktok long ol meri olsem Bikman yet i bin putim yumi long dispela graun long yusim gut na lukautim ol samting we em i putim insait na antap long graun, wara na bus.

"Ol samting we Bikman i putim long graun em ol presen. Taim yumi karimaut ol wok bilong yumi long olgeta de, yumi noken lusim tingting olsem Bikman i gat as long putim yumi long dispela graun. Na dispela em long lukautim ol samting em i putim long graun na solwara. Yumi mas lukautim na yusim gut ol. Yumi mas kisim ol samting yumi laik yusim na lusim ol arapela long ol lain i kam bihain, Em ol pikinini na bubu bilong yumi.

• Ol meri lida bilong sios, (lephan) Agnes Aluvula bilong NCDC Wimens Sios Opis, Gwen Tulo bilong PNGCC Wimens Opis na Elaine Nwokolo.

Poto: VERONICA HATUTASI.

WCC sindaun long Bohn environmen bung

OL SIOS i mas wok hat moa long sapotim Kyoto agrimen we i sut long lukautim environmen.

Environmen em graun, wara, ol bus na ol samting we i stap ausait, antap na insait long ol.

Wol Kaunsil bilong ol Sios (WCC) i wokim dispela toktok bihainim wol bung long environmen i bin kamap long Bohn, gemeni las mun.

WCC i bin salim wanpela grup insait long dispela bikpela wol bung long klaimet i bin kamap long Julai 16 inap long de namba 27.

Bikpela wari bilong WCC em jastis, laik long wanpela nara-pela na bihainim gutpela pasin.

Bikos pasin we ol bikpela kantri i wokim long kamapim bagarap long ol liklik na develop

kantri wantaim nogat wari tumas wanem samting bai kamap long ol pipel em i no gutpela.

Amerika em bikpela na strongpela kantri long wol i no go insait long dispela bung i no gutpela tumas long wanem em wanpela long ol kantri we i save kamapim bikpela pipia tu na dispela i kamapim bagarap long klaimet. Na tu Amerika i save putim bikpela fainensel helpim sapot long ol wok we i sut long lukautim klaimet insait long sampela kantri long wol.

Wanpela bikpela klaimet agrimen we ol i bin kamapim long 1997 long Japan em "Honour Kyoto" o "Luksave long Kyoto". Dispela em i nambawan klaimet konprens we ol memba i bin kamapim wanpela agrimen long daunim ol posin ges we ol

bikpela indastri i save kamapim.

"I kam inap nau, 84 pati i sainim dispela agrimen tasol 37 ol liklik na develop kantri tasol i skruim ol samting i stap aninit long agrimen ya. Tasol ol bikpela kantri em ol i no wokim dispela yet.

WCC na planti long bung ya i bin pret taim Presiden George Bush i pulim aut Amerika long agrimen.

Tasol bihain long planti toktok, wari olsem nogat gutpela samting bai kamap bikos long ol tok-tok i sut i go i kam na nogat wanbel tumas i kam nanel long ol memba, ol memba i bin amamas taim intenesenel komyuniti long go het long wok bilong lukautim environmen, maski Amerika i no stap insait long dispela.

Ol Yunaitet Sios Edukesen lida toktok long bihain taim bilong ministri

OL EDUKESAN bikman bilong Yunaitet Sios insait long kantri i bin bung long Sentrel provins long toktok long ol bikpela samting ol bai wokim insait long faipela krismas i kam.

Ol sios edukesen seketeri i bin bung long ples Koudrika long Julai 22 inap long 27 long kamapim wanpela plen ol bai bihainim long staim rot sios edukesen i go long en.

Nesenenel Edukesen Seketeri Biango Buia i tok het tok bilong

bung em "Drimanim bihain taim". Em i tok dispela em bikpela het tok bilong edukesen ministri insait long sios.

"Yumi go insait pinis long nupela milenium o neks tausen krismas na i moabeta long gat gutpela driman long staim rot we yumi go long en long bihain taim," Mist Buia i tok.

Em bin tok het tok bilong konprens i bilong helpim ol rijinel seketeri long kamapim

rot long go long en. Na ol inap wokim dispela taim ol i lukluk long histri bilong edukesen ministri bilong Yunaitet Sios na ol wok kamap i kam inap nau, ol senisi kamp insait long kantri na ol wok sios i mekim long sait bilong edukesen long bihain taim.

Samting ministri i laikim em Tok bilong Bikpela i mas staim na strongim ol samting we sios edukesen ministri i skulim long en, mekim olgeta eria bilong ol skul i kamap moa kristen na

kampim kristen edukesen long sait bilong etministresen, menesmen na lainim ol dispela samting insait long ol insevis program bilong ol. Long dispela, ministri bai wokim wanpela stetmen na Jenerel Asembli bai tok oraitim insait long bung bilong em long mun Novemba long dispela yia. Bihain long dispela ol bai kamapim faiv yia plen bilong Yunaitet Sios Edukesen ministri, stat long yia 2003 inap long 2007.



Man i prea bai God i lukautim ol lain bilong en

Mipela i laik bai ol yangpela pikinini man bilong mipela i ken kamap strong olsem ol diwai. Na mipela i laik bai ol pikinini meri i ken kamap gutpela olsem ol gutpela piksa i save bilasim banis bilong bikpela haus bilong king. Mipela i laik bai ol gaden i ken karim planti kaikai na ol haus kaikai i ken pulap tru. Na bai ol sipsip i ken karim ol pikinini moa moa yet. Na bai ol bulmakau i ken karim planti pikinini na i no gat pikinini i kamap nogut na i no gat wanpela bai i dai. Mipela i no laik bai wanpela man o meri i mas kraik long hevi na pen long rot bilong mipela. Lain manmeri i kisim kain gutpela samting olsem, ol i ken amamas. Na ol manmeri i putim Bikpela i stap God bilong ol, ol tu i ken amamas.

Buk Song 144: 12-15

Karkar ailan kisim kos bilong stretim hevi

FUZO PAUL i raitim

WANPELA kos bilong stretim ol hevi na givim moa save long ol manmeri long ol pasin bilong mekim wok i bin kamap long Karkar ailan, Madang provins long dispela wik. Ol i kolim dispela kos Pipels Skils na Konflikt Risolusen.

Namba olsem 35 manmeri i bin kamap na stap insait long dispela kos. Ol lain husat i sindaun insait long dispela kos em ol plisman, ol pablik, ol viles plis, lo na oda komyuniti na ol wod kaunsila.

Bihain long dispela tupela wik kos, Distrik Edministreta bilong Sumkar Distrik Alung Wang i tokim ol dispela lain manmeri long wanem samting ol i lainim, ol i mas yusim long laip na wok-about bilong ol na tu yusim long helpim ol arapela husat i gat hevi

long sindaun bilong ol insait long komyuniti.

Mista Wang i tok em i amamas long dispela kain woksop i kamap long distrik bilong em na em i laik lukim wankain kos olsem i mas kamap tu long ol arapela distrik long Madang provins.

Em i tok dispela tu bai helpim plis long stapim ol hevi i no ken go tumas long plis stesin. Em i tok lo na oda hevi insait long Karkar ailan bai no inap go bikpela sapos komyuniti i wok bung wantaim plis.

Dispela kos em namba wan taim long kamap insait long Karkar ailan na Sumkar distrik olgeta we ol lain husat i bin sindaun insait long em i tokaut olsem kos ya i mas go aut long planti ples we ol pipel i mas kisim na lainim save bilong stretim ol hevi bilong ol yet na komyuniti bilong ol.

Namba wan hap bilong dispela kos em Pipels Skils we ol lain husat i kisim dispela kos i ken luksave long ol yet, pasin bilong ol na ol bilip bilong ol. Namba tu hap em kos i soim ol long ol rot bilong stretim ol hevi olsem long pasin bilong toktok wantaim na kamapim rot bilong stretim hevi.

Kos kodineta, sinia konstebel Rocky bilong Bomana plis koles i tokim ol kos manmeri olsem hevi i save kamap olgeta de olsem na lo na oda em i no samting bilong plis tasol long stretim. Em samting bilong yumi olgeta long wok bung long painim ol rot na na we bilong stretim.

Sinia sajen Bai bilong Momase Trening yunit long Lae tu i bin wanpela kos kodineta we i bin helpim kamapim dispela kos we Australia AID ejensi, AusAID i bin helpim long kamapim.

Maining opis i no givim laisens long painim gol

GAVANA bilong Sandaun provins na memba bilong Telefomin Robert Sakias i no amamas tru long pasin wanpela ovasis man i bin mekim long painim gol arere long wara Frida.

Mista Sakias i tokaut long palamen olsem dispela waitman i bin kam long Papua Nugini long kisim piksa na wokim film tasol nau em i senisim dispela

wok na dikim gol arere long wara Frida.

Mista Sakias i tok kot long Vanimo i sasim em pinis tasol dispela waitman i raitim pas long Sief Jas Sir Arnold Amet long rausim dispela sas long em. Na nau em i plen long kotim Gavman bilong Papua Niugini long dispela pasin lo i mekim long em.

Mista Sakias i askim Minista bilong Maining Peter Ipatas sapos em i gat save long dispela samting na sapos opis

bilong em long Maining i givim em laisens bilong painim gol hia long Papua Niugini.

Mista Ipatas i tok em i nogat wanpela save long dispela samting tasol i tru em i bin save long dispela hevi taim em i ritim long nius-pepa. Tasol opis bilong em i no givim wanpela laisens bilong painim gol long dispela waitman na em i nogat save long dispela. Na dispela kain pasin i brukim tru lo bilong Papua Niugini.

Ol strongpela lida i save pundaun tu, Sir Mekere i tok

OL strongpela man tu i save pundaun long hevi na traim, Prais Minista Sir Mekere Morauta i tokim palamen long las wik.

Sir Mekere i tok nogat wanpela strongpela man i save stap strongpela man olgeta taim long traim na hevi. Wankain tu nogat wanpela politikel pati i save wok stret na abrusim ol hevi na traim. Olsem na em i no inap long banisim gutpela nem bilong pati bilong em, Pipels Demokretik Muvmen (PDM) olgeta taim. Olgeta pati i save pundaun long traim na mekim rong.

Em i tok planti lida na planti pati long bipo i kam inap nau i gat asua na rong bilong ol i stap. Na planti i stap ples klia long ai na tingting bilong ol manmeri.

Sir Mekere Morauta i mekim dispela toktok long bekim ol askim bilong memba bilong Milen Be rijinol Dem Josephine Abajiah we em i askim Prais Minista long em bai mekim wanem long sampela PDM memba husat em yet i bin tokaut olsem ol i bin asua.

Spika bilong palamen na memba bilong Wewak Bernard Narokobi i rausim ol arapela askim bilong Dem Josephine Abajiah bikos sampela askim bilong em ino bihainim stret pasin bilong palamen long askim ol kwesten. Na tu sampela askim bilong em i gat ol nek we i lo i mas skelim o lo i no oraitim long narapela man i mekim long ol arapela sitisen bilong dispela kantri.

Dem Josephine Abajiah i no inap go moa long ol arapela askim bilong em bikos Spika i rausim ol dispela askim bilong em.



• Dispela haus long beksait em bilong bungim ol potato bilong planim gen long gaden. Ol lain long Tambul, Westen Hailans provins i sanap long fran bilong dispela haus. Photo: Sape Metta.

Minista bai sekim gut ol loyolti pemen bilong ol papagraun

PLANTI papagraun long Arawa, Not Solomons provins i no bin kisim loyolti pemen long graun bilong ol longpela taim tru i kam inap nau. Memba bilong Sentrel Bogenvil Sam Akotai i tokim palamen long las wik.

Mista Akotai i tokaut olsem long 1989 taim hevi bilong bikpela pait i kamap long Bogenvil, dispela loyolti pemen bilong graun i bin stop i kam inap nau. Dispela em ol graun bilong asples we Gavman i kisim na i save peim loyolti peimen i go long ol asples long bipo.

Mista Akoita i tok dispela samting i no kamap longpela taim i kam inap nau na sapos Minista bilong graun Charlie Benjamin i ken sekim dispela samting na stretim ol papagraun stat long taim ol bin stop long kisim dispela loyolti mani i kam inap tude.

Lens Minista Charlie Benjamin i tok em i no klia tumas long dispela samting tasol gutpela long memba i kamapim dispela toktok, em bai sekim wantaim ol wokman bilong em na bai toksave long memba bihain taim.

Mista Benjamin i tok sapos i gat ol mani we gavman i no peim yet i go long ol papagraun, orait gavman i mas stretim.

Memba bilong Mosbi Saut Ledi Carol Kidu tu i askim Minista long sekim loyolti pemen bilong Motu Koitabu long graun bilong ol insait long Mosbi siti we gavman i no bin peim ol longpela taim i kam.

Mista Benjamin i tokim tupela memba wantaim olsem em bai sekim dispela na stretim bihain.

PNG kisim helpim long edukesen rifom

HELEN REI i raitim

TUPELA opisa bilong Queensland Edukesen Konsotium i bin kam long Mosbi las wik long luksave long wanem kain ol developmen i bin kamap long ol rifom wok we i save kamap long kantri.

Dokta Richard Dunlop na Sally Bannah em tupela lain husat i kam na holim sampela miting wantaim ol woklain bilong edukesen Karikelum Developmen Divisen (CDD).

Dokta Richard em i gat planti save long raitim na kamapim ol buk bilong ol studen long Queensland na Mis Bannah em projek menesa bilong ol edukesen developmen projek long

Australia. Tupela i bin raun lukluk long Wards Strip Praisari Skul las wik na toktok wantaim ol tisa na lukim ol elementari i go long gred

8 rifom klas.

Wanem kain samting tupela i lukim na painimaut long ol miting bilong tupela wantaim ol tisa na studen bai tupela i helpim long developim na raitim ol buk bilong ol studen insait long PNG yet.

Ol bai wok bung wantaim Dipatmen ov Edukesen long Queensland, Queensland Skul Karikulem Kaunsil na Queensland Yunivesiti ov Teknologi.

Mis Bannah i tok i bin gat planti tenis i wok long kamap long ol edukesen sistem long Queensland na bikos PNG tu i wok long mekim wankain ol tenis i gutpela long tupela i ken helpim long mekim ol tenis i kamap gut long ol edukesen sistem.

Dispela wok bung bai givim ol raitas bilong PNG ol gutpela refrens na developim ol gutpela model taim ol i laik raitim ol buk bilong ol skul insait long PNG.

Mis Bannah i tok Queensland

edukesen sistem i wok long luksave long planti tenis long edukesen sistem na em i laik bai PNG tu i ken save long dispela kain ol tenis na developim sistem bilong mipela yet.

Long Septemba tupela bai kam bek long PNG wantaim tempela moa memba bilong grup.

Mis Bannah i tok ol lain bilong kantri bilong em bai i no inap givim tingting long we bilong raitim buk tasol ol bai helpim ol raitas bilong PNG long we bilong raitim buk tasol. We bilong edukesen long Queensland i no wankain olsem PNG na ol lain bilong PNG yet i bai raitim ol buk long wanem kain wok painimaut ol i mekim.

As tingting bilong dispela wok bung em bilong helpim PNG kamapim gutpela rifom insait long ol skul bilong em.

Dokta Richard i tok ol i bin mekim sampela asua long rifom long Queensland na em i laik bai dispela kain ol asua em PNG i noken mekim.

Tolukuma i no helpim gut Goilala, Bia i tok

MEMBA bilong Goilala Ajax Bia i askim palamen long pasim Tolukuma gol maining bikos maining ya i no mekim wanpela gutpela wok developmen long ol pipel bilong Goilala.

Mista Bia i tok em wantaim Minista bilong Maining Peter Ipatas i bin go raun long Tolukuma gol maining sampela taim i go pinis na em i luksave olsem wok maining ya i mekim bikpela wok tru aninit long graun tasol antap long graun em nogat wanpela wok i kamap long sait bilong developmen we ol asples i ken kisim sevis long em.

Mista Bia i tok olgeta maining hap em kampani i save wokim developmen we ol papagraun i save kisim gutpela helpim long em. Tasol long sait bilong em, dispela samting i no kamap.

Em i askim Minista long rausim

dispela gol maining long eria bilong em.

Minista bilong Maining Peter Ipatas i bekim toktok bilong Mista Bia na i tok dispela toktok bilong memba em i tru.

Mista Ipatas i tok em i bin go wantaim memba long Tolukuma na em i lukim olsem i nogat wanpela gutpela developmen we ol pipel bilong ples bai kisim na yusim long helpim sindaun bilong ol.

Mista Ipatas i tok Tolukuma gol maining wantaim Sentrel Provinsal Gavman i mas lukluk na mekim kamap sampela gutpela developmen we ol pipel bilong Goilala i ken lukim na kisim sampela gutpela developmen long wok we i kamap long graun bilong ol.

Tasol Mista Ipatas i tokaut olsem em i nogat pawa long rausim wok na ol wokman long hap.

Husat man laikim pokis mani yet?

Polisi bilong kamapim lokel wokman bai redi

NIUSPEPA BILONG YUMI OL PAPUA NIUGINI STRET

SINGAUT bilong ol pipel i les long poka masin i bikpela tasol sampela man i tingting long kaikai na paulim mani bilong poka masin yet.

Dispela mani bilong poka masin i go we? Wanem kain gavman sevis i go long ol pipel? Amas memba i sanap long kot bilong ol lida? Mani bilong poka masin i kamap wanem kain senis tru?

Planti mama na ol kristen insait long kantri i singaut string olsem gavman i mas rausim poka masin. Dispela em tingting bilong planti man. Tasol wanpela o tupela man i stap namel na i laikim gavman i noken rausim tasol kontrolim gen poka masin. Mani i kam long dispela sait i no save go stret long baset bilong gavman. Mani i kam long poka-masin i save go long han bilong wanwan memba na nau planti bilong ol i sanap long kot.

Planti famili kisim bagarap i stap na wanpela tupela man i laik kisim poka masin mani na i laik stap gut. Ating dispela i no gutpela pasin. Olgeta manmeri i no wanbel long dispela masin na Praim Minista Sir Mekere Morauta i kamap wantaim tingting long rausim dispela masin.

Planti mama insait long kantri husat save slip hangre, pikiniki bilong ol i no go skul taim nogat mani i amamas tru long harim dispela nitus.

Dispela wik wanpela grup i kamap wantaim tingting long holim yet dispela masin nogut. Ol ken tok em isi mani tasol ol mas save amas famili i kisim taim i stap taim papa i pilal poka masin.

Ating ol man husat nogat het ting poka masin i mas i stap. Poka masin mani em ol les man na ol man husat i no save wok hat long kisim mani i laikim.



Ating man husat laikim poka masin i stap i mas wanpela les man stret. Em i no tingting long painim narapela rot gavman i ken mekim mani. Ating wanpela rot tasol i stap em long poka masin tasol olsem na yumi mas holim yet.

Poka masin i kam insait long kantri nau tasol, bipo yumi save stap orait na yumi mas lukluk long wanem samting yumi bin mekim bipo.

Nogat yumi larim i stap na ol memba bilong palamen i paulim na yusim nabaut olsem ol i mekim pinis. Mani tu i kamapim sevis long sampela hap o nogat em ol pipel i no klia tu. Ating mani go bilong baim ol memba o olgeta memba i skelim mani na kamapim wanem projek insait long kantri em narapela samting.

Pasim poka masin na painim narapela rot bilong kamapim mani, Maski sindaun nating na bagarapim ol famili. Larim papa i karim wanem liklik em kisim i go kaikai gut wantaim famili bilong em.

na givim wok i kam bek long ol Papua Niugini yet.

LEBA ba Emploimen Minista Chris Haiveta i tok olsem wanpela pepa i redi bilong kamapim lo bai ol lokel man i ken holim wok ol man bilong narapela kantri i holim yet tude.

Mista haiveta i tok planti wok ol lokel man wantaim save inap holim em ol man bilong narapela kantri i holim yet na taim dispela lo i redi ol bai kamap rot bilong larim ol lokel man i kisim wok ol narapela man i holim.

Em i tok taim pepa i redi em bai kisim i kam long palamen bai skelim

Mista Akotai i tokim palamen olsem hevi bilong koloniel de i kamap bikpela nau na sapos gavman i bin kisim toktok bilong ol pablik sevan na stretim dispela ol hei bipo yet, ating bal nogat ol hevi olsem tude.

em i tok wankain hevi i kamap long Bogenvil. Bogenvil i no pait long kisim Indipendens tasol long stretim agriman

bilong Panguna main. Em i tok taim bilong Indipendens gavman inap sindaun na lukluk long agrimen bilong main tasol gavman i no mekim wanpela samt- ing.

Nu 15,000 man i dai pinis long tupela sait wantaim na bel isi i laik kam bek long Bogenvil Ailan na em i amamas long gavman na ol memba husat i go pas long stretim hevi.

em i tok taim bilong Indipendens tasol long stretim agriman

em i tok taim bilong Indipendens tasol long stretim agriman

Hagara skul lonsing fan resing bilong stretim ol skul bilding

BIKPELA na olpela skul insait long Motu Koitabu eria em Hagara Praimeri skul klostu long ples Hanuabada i bin lonsim fan resing wok bilong em long las wik Fonde.

Siaman bilong Eda Ranu Jamie Maxtone Graham taim em i lonsim fan resing i bin tok taget mak long mani ol laik kamapim em K100,000.

Dslepal mani em ol bai yusim long sanapim nupela labreri o bukhaus, banis bilong raunim skul eria na em i kamapim em K100,000.

em i kamapim em K100,000 ol i taget long en em ol bai kamapim insait long 12-pela mun o wanpela yia long de lons i stat.

Namba wan fan resing bilong Hagara skul em ol bai holim long Airways Motel long Ogas 31 na askim i go long ol papamama. was papamama, ol eks sumatin na ol arapela i gat sampela koneksen long skul bilong go na sapotim dispela danis we ol i holim long kamapim gutpela samting.

Mista Maxtone-Graham i tok Hagara i kamapim planti gutpela sumatin husat nau i lida insait long kantri.

Em bin tok skul i stap long longpela taim na planti ol bilding i wok long go lapun na olsem em i laikim planti helpim long kamapim gut skul gen.

Maski gavman i bin kisim bikpela hap graun bilong ol long kamapim Pot Mosbi siti, Mista Maxtone-Graham i bin tok ol Motu Koitabu pipel i lain bilong stap isi na ol i no kamapim planti meknais long singaut long ol kaikain samting long gavman. Na em i amamas long helpim skul bilong ol.

Ol Motu/Koitabu pipel em ol papagraun bilong Pot Mosbi siti tasol ol i no save kamapim ol kain meknais. Pot Mosbi siti i sanap long graun bilong ol. Long planti yia, gavman i no givim gutpela luksave i go long ol. Ol i laikim gutpela wara saplai, skul na haus," Mista Maxtone-Graham i tok.

Em bin askim ol arapela grup insait lonf siti long bihainim stap isi pasin bilong ol Motu/Koitabu pipel na noken bagarapim ol samting na askim tumas long ol kain kompensesen peimen.

Em i tok long neks yia, aninit long Nesenel Kapitek Distrik Komisin Edukesen helpim eria, skul bai kisim helpim long sanapim sikspela nupela klasrum bikos mak bilong ol sumatin i wok long go antap moa.

Em bin tok tenkyu i go long ol lida na ol papamama insait lonf skul long go het na wokim plen long painim mani ol yet na i no wetim gavman long givim mani long ol.

Em bin tok tenkyu i go long ol lida na ol papamama insait lonf skul long go het na wokim plen long painim mani ol yet na i no wetim gavman long givim mani long ol.

Em bin tok tenkyu i go long ol lida na ol papamama insait lonf skul long go het na wokim plen long painim mani ol yet na i no wetim gavman long givim mani long ol.

Em bin tok tenkyu i go long ol lida na ol papamama insait lonf skul long go het na wokim plen long painim mani ol yet na i no wetim gavman long givim mani long ol.

Em bin tok tenkyu i go long ol lida na ol papamama insait lonf skul long go het na wokim plen long painim mani ol yet na i no wetim gavman long givim mani long ol.

Paia bagarapim bilding long yuni

HILDA WAYNE i raitim

PAIA i kukim wanpela haus bilong Yunivesiti ov Papua Niugini na i luk olsem ol samting mak bilong planti mani tru i bagarap long dispela paia.

Paia i stat long 5 kilok long moning taim na kukim bilding i go na ol sampela sumatin na sekyuriti bilong yuni i bin wok hat tru long stapim paia inap paia kar i kam na stapim paia long kukim olgeta hap.

Dispela bilding we i paia em Staf Dvelopmen Yunit na olgeta samting insait long bilding i paia.

Klostu tru em i kalap i go olgeta long ol opis bilong ol hetman na ol narapela hap tu tasol ol i bin stapim. Long Tunde moning taim bilong wok ol woklain long edministresen i stapim wok na ol i klinim na stretim ol buk samting bilong ol we paia i bagarapim na wara i wasim long em. Nogat pawa bilong givim lait long olgeta opis long opis bilong yuni edministresen na ol i wet yet inap ol i ting em i orait long ol i go bek long wok.



• Paia i bagarapim haus long Yunivesiti. Wok painimaut i go het yet.

Em i no klia yet wanem as dispela paia i stat na paia sevis i wok long painimaut husat o olsem wanem paia i bin stat. Nau long dispela taim ol studen i wok long stap long holide na dispela samting i mekim ol i wari tru. Sampela i tok klostu tru Rekot Opis we i save putim olgeta rekot na mak bilong ol studen tu i paia na ol i tingting olsem sapos dispela i bin kamap bai i hat tru long ol sumatin i save long ol mak bilong ol. Ol woklain bilong yuni yet i tokaut olsem nau long dispela taim bai nogat wok long sait bilong edministresen inap ol i stretim dispela wari pastaim.

Planti wok manmeri i pilim hevi tru olsem ol samting bilong ol em paia i kukim na ol i wok long stretim ples i stap yet.

Nogat wanpela toktok i kam long Vais Sansela Dokta Lesley Eastcott yet long amas mani i lus long ol samting we i paia tasol wok i go yet long ol woklain. Ol lain husat opis bilong ol i paia em ol i muvim ol i go long ol narapela hap long yuni yet.

Edministresen bai i no inap mekim wanpela toktok long dispela hevi inap ol i painimaut wanem as tru na dispela paia i bin kamap.

Ol studen i stap isi tasol na wetim wanem kain toktok edministresen bai mekim.

Long narapela hap nius bilong yuni, ol studen lida i bin stapim pinis hangre straik ol i bin mekim long las wik. Ol studen lida i no tokaut klia long wanem as ol i bin stapim o sapos gavman i bin bekim ansa bilong ol pinis tasol ol i stapim straik na kisim kaikai.

Planti ol tisa na woklain bilong yuni yet i bin sori taim dispela straik i bin kamap na ol i wok long toktok long ol studen lida i mas noken mekim ol samting bilong bagarapim ol yet.

Planti ol tisa na woklain bilong yuni yet i bin sori taim dispela straik i bin kamap na ol i wok long toktok long ol studen lida i mas noken mekim ol samting bilong bagarapim ol yet.

Planti ol tisa na woklain bilong yuni yet i bin sori taim dispela straik i bin kamap na ol i wok long toktok long ol studen lida i mas noken mekim ol samting bilong bagarapim ol yet.

Planti ol tisa na woklain bilong yuni yet i bin sori taim dispela straik i bin kamap na ol i wok long toktok long ol studen lida i mas noken mekim ol samting bilong bagarapim ol yet.

Planti ol tisa na woklain bilong yuni yet i bin sori taim dispela straik i bin kamap na ol i wok long toktok long ol studen lida i mas noken mekim ol samting bilong bagarapim ol yet.

Independent

FAX: 325 2579 - PH: 325 2500

EMAIL: word@global.com.pg

LINEAGE ADVERTISEMENTS

Lineage: Advertisements are charged at K5.60 per line of 23 letters incl. space. Photo K10.00 each and appear 3.5cms. All advertisements inclusive of VAT. See Rate Card for conditions.

Office Hours:

8.30 to 4.00 Monday to Friday

Classified Advertising Available in the following formats

Lineage: Available in single line, minimum two lines deep

Display: Available per single, double or four column wide, minimum size 3 cms deep.

Single Column Display Advertisement are charged K5.60 per single column centimetre. Costing is dependent on Logo and Artwork which may appear in the advertisement. Minimum charge is for 3cm x 1col.

Display Classifieds are charged at K5.96 per single column cm. They maybe double column, four column or full page with or without borders. Costing is dependent on space, logos and artwork which maybe requested. Minimum size is 3cm x 4 columns.

Independent is published on Thursdays.

Deadline for camera ready work is 12 noon Wednesday prior; all other 12 noon Tuesday.

Classified Index
AUTOMOTIVE

- Boating
- Motorcycles
- New & Used Cars
- Parts & Auto Spares
- Trucks & Tractors

NOTICES

- Electoral Notices
- Government Notices
- Law Notices
- Public Notices
- Tender

EMPLOYMENT

- Position Vacant
- Position Wanted

SEASONAL NOTICES

- Easter Greetings
- Father's Day Greetings
- Mother's Day Greetings
- Christmas Greetings
- Season's Greetings

GENERAL

- Amusement
- Auctions
- Business for Sale
- For Hire
- For Sale
- Going Finish
- Lost & Found
- Machinery for Sale
- Pets

GENERAL

- Wanted to Buy
- Wanted to Sell

PERSONAL

- Bereavement
- Birthday Greetings
- Births
- Condolence
- Deaths
- Engagements
- Funerals
- In Memoriam
- Wedding

PROPERTY/REAL ESTATE

- Factories
- Warehouses
- For Rent
- Share
- Accommodation
- Holiday Resorts
- Houses for Sale
- Houses to Let
- Industrial Properties
- Properties for Sale
- Investment
- Properties
- Leave House Rooms
- Board Vacant
- Wanted to Rent
- Overseas Investments

For your Classifieds adverts,

Call our Advertising Sales Team on

Telephone: 325 2500 or Fax: 325 2579

Special Features

are an integral part of news reporting.

And at Word Publishing, we do our best to present reports that are fair, informative as well as educational.

If you are celebrating an anniversary, launching a new product or opening a new building, call our supplement Editor or Advertising Manager on:

**PHONE: 325 2500 or
FAX: 325 2579**

Ol rebel katim foapela het



Pipel i no wanbel. Ol plisman i traim stapim ol manmeri husat kamap wanpela protes mas. Dispela mas em long tokim gavman olsem ol i no laikim wanpela lo gavman i kamapim we i tok ol manmeri i ken go kalabus na bai i no sanap long kot. Ol manmeri i ting dispela lo i no givim fridom long ol manmeri. *Poto: The Weekend Australian.*

WANPELA rebel grup long Philippines i katim het bilong foapela manmeri ol i holim i stap na sutim i dai narapela logn wanpela reid.

Abu Sayyaf Rebel grup long wanpela ailan long Philippines i holim yet tupela man bilong Amerika na 19-pela ol Filipino i stap stap. Las wik Fonde ol i kisim 31 manmeri wantaim foapela pikinini husat i kristen. Ol rebel i save harim Muslim

lotu. Long Fonde, ol man husat save karamapim bodi bilong ol long blek klos i bin katim wanpela man long busnaip na lusim em long dai na tu kukim wanpela skul bipo long ol i ronawe. Dispela man ol katim i dai long haus sik bihain. Ol plis painim bodi bilong foapela man wantaim nogat het klostu long ples birua i kamap. Plis i kisim bek 11 manmeri tasol 16

stap yet wantaim ol rebel lain.

Dispela em nambawan taim ol rebel i mekim dispela kain pasin bihain long ami i strong na laik rausim ol.

Nau dispela rebel grup i askim gavman long rausim ol ami bai ol i noken kam bihainim ol tumas.

Ol i tok sapos ami na gavman i no harim tok, ol bai kilim olgeta kristen manmeri ol i painim.



Ol wokman na ka we?

• Dispela ples i save pulap stret long ka bilong ol wok man bilong Mitsubishi fektori long Adelaide, Australia. Ol man i stap long straik na nogat wanpela man i kamap long wok olsem na dispela hap ples i stap nating. Taim bilong wok, dispela hap ples i save pulap long ka stret. *Poto: The Weekend Australian.*

Ikonomi bilong Australia tu i go daun

GAVMAN bilong Australia i tok olgeta samting bai orait tasol ol bisnis i no moa kisim ol nupela wok manmeri i go insait na dispela inap kamapim sampela hevi.

Moa long 6405 wok manmeri husat ol i askim i tok olsem kampani bilong ol i no moa kisim ol nupela wok manmeri.

Tasol wankain taim gavman i tok olgeta samting bai orait na planti manmeri bai kisim wok long ol ya i

kam. Bikpela bisnis sait em long infomesen teknoloji na dispela hap i kisim bikpela bagarap liklik.

Tasol i gat bilip olsem gavman i wok hat nau long lukim olsem nogat wanpela samting i rong na olgeta samting i ken kamap gut gen.

Gavman i no inap mekim wanpela samting bikos dispela kain hevi i kamap long olgeta hap bilong graun na i no Australia tasol.

Mugabe i kisim graun bek

PRESIDEN bilong Zimbabwe Robert Mugabe i tok em bai kisim graun bek yet long ol wait fama husat i kam stap long hap.

Gavman i tok em bai kisim graun bek na givim long ol blek manmeri na larim ol i yusim.

Kot long kantri i tok olsem wanem samting gavman i laik mekim i no bihainim stret lo

bilong kantri na em i mas noken mekim olsem.

Agrikalsa Minista bilong em Joseph Made i tok olsem ol bai kamap polisi na kisim moa graun bilong ol blek manmeri i ken sindaun na kamapim fam.

Dispela kros i stap longpela taim tru namel long ol wait manmeri bilong kantri na ol belk

man. Tumbuna bilong ol wait manmeri i bin kam long kantri long taim bipo na nau ol dispela manmeri i ting olsem graun em bilong ol na bilong wanem gavman i laik rausim na kisim graun bilong ol olsem.

Ol blek manmeri i ting olsem graun bilong ol tasol ol wait manmeri i kam na stilim long ol.

Bel isi bai hat, Israel praim minista i tok

PRAIM MINISTA bilogn Israel Ariel Sharon i tok bel isi wantaim Palestain bai hat bikos Yaser Arafat hgsat i lida bilong paletsain i sutim tok olsem ami i wok long kamapim moa birua na laik kilim ol yet.

Praim Minista Sharon i tok olsem ol Palestain i kirapim pait na ol Palestain i tok olsem ol ami bilong Israel tasol i mekim nabaut long ol pipel.

Ol Palestain i kilim foapela man bilong ol yet husat ol i bilip i givim toktok olong ol Israel i ken kilim ol man bilogn Palestain.

Birua i luk olsem em bai go het yet bikos tupela sait wantaim i les long sindaun na toktok gut.

Wanpela bas draiva i luksave long wan-

pela Palestain boi husa traim karim wanpela bom i go antap lng wanpela ka na traim tromoi long ol pasindia. Ol ami i kisim dispela bom i go na brukim long ausait.

Israel i ok yet olsem Palestain mekim birua na Israel i ting wankain na Israel tambuim ol man aninit long 40 krismas i noken go isnait long haus lotu bilong prea bikos ol i pret olsem birua inap kamap sapos dispela kain pasini kamap.

• Ol Palestain manmeri belhat long Israel na kukim wanpela fleg bilong Israel long Damaskas..



Ol telepon kampani i save long wanem samting yu mekim

WANPELA papa bilong mobail telepon i tok aut olsem emi no wanbel olsem ol telepon kampani i ken save long wanem hap bilong graun yu stap long en.

Dispela mani bin mekim wanpela raun i go long Italy na long hap em i kisim toksave olsem ol i salim wanpela samting long stua i stap klosu na em mas go insait long

lukim. Em i tok olsem ol maneri i no inap gat praivet laip bilong ol wantaim telepon bikos ol bai save wanem hap tru yu stap hariap tru.

Ol telepon kampani i save wanem hap yu stap na yu bai i no inap hait. Long wankain taim nau yu ken kolim Coca Cola kampani long telepon na oda long dring

Yu bai baim dring tasol na yu no inap peim telepon bil. Dispela i kamap bihain long Coca Cola na telepon kampani i pasim tok long wok wantaim.

Giaman kampani paulim mani

Planti giaman kampani i bin giamanim planti manmeri olsem ol lain bilong mani ren i bin mekim long PNG.

Ol dispela bikpela giaman kampani i save kolim ol bikpela bisnis man na askim ol long baim kampani sia long liklik mani na kamapim bikpela win moni na taim ol i baim, ol i save paulim dispela mani.

Wanpela wok bung namel long Australia na Hong Kong i bungim na autim wanpela pasin olsem.

Wanpela waitman bilong Australia na Hong Kong i bin stap insait long wanpela kain giaman pasin olsem na mekim planti mani tru. Ol plis i wok bung wantaim na kisim ol dispela man wantaim bos bilong ol na holim i stap.

Planti manmeri husat i lumim bikpela mani tru long dispela kain pasin na ol i no wanbel tasol ol bai mekim wanem, ol i asua pinis



Sik bilong binatang

• Dispela ol ami i werim klos bilong abrusim binatang nogut bilong kilim man i pas long skin. Tupela man ya i bilong Uganda long Afrika, tambu bilong tupela i dai long binatang ol lain saintis i kamapim. Nau i gat bikpela birua long dispela kain birua na em i wankain olsem ol bikpela bom. *Poto: The Weekend Australian.*



Ol Australia bai stap Australia yet

MINITSA bilong Imigresen long Australia i tokaut olsem ol Australia manmeri husat wok na strap long narapela kantri na laik kamap sisisen long dispela hap bai i stap manmeri yet bilong Australia.

Ol manmeri bilong narapela hap husat kam long Australia i ken kisim sitisen tu na sapos kantri bilong ol tok orait ol i ken stap sitisen bilong dispela kantri tu.

Bipo lo i save stap olsem sapos yu

go kamap sitisen bilong narapela kantri bai yu no moa stap sitisen bilong Australia.

Tasol nau em i orait tasol sapos yu laik stap Australia yet, yu mas senisim sitisen pepa bilong yu na holim tupelao tripela sitisen wantaim.


Dispela em i min olsem sapos yu maritim man o meri long narapela kantri o yu marit long Australia bai yu kamap sitisen long hap tu.

Yangpela dai olsem wanem?



Dagged: The O'Maras, and Max, right, only weeks before he died
Main picture: Alan Pryor

• Tupela papamama i no klia wanem rot yangpela manki (inset) i dai. Em i gat faipela krismas na i bin stap wantaim sampela wasman long wanpea skul taim em i painim birua. Manki i dai tasol gavman i no mekim wanpela samting long toksave wanem rot em i dai. Dispela birua i kamap long Finland na boi dai i bilong Australia. Nau i gat bikpela kros namel long tupela kantri bikos ol polis na opisal bilong kantri i no laik kamaut na tok klia long wanem samting i kamapim dispela birua. *Poto: The Weekend Australian.*



NATIONAL WEEKLY HIT PARADE

28/07/2001 SPONSOR: TRADEWINDS

TW	SONG	ARTIST	TW	SONG	ARTIST
1	PONDO PONDO	Felix Yausi	11	VUVU AI	NaviMarona
2	O ULAMAGI	Demas Saul	12	O SINE	Demas Saul
3	NONGA BASE	Anslom	13	WOPA KANTRI	K-Dumen
4	TE-AROHA	X-Vibes	14	WARA SEPIK	Felix Yausi
5	AKA BAI TEKE	Anslom	15	TOMARTIN	Patti Doi
6	50,000	Lista Serum	16	KEKENI E	Kelis Garona
7	ELISON	Kabu Rita	17	10,000	K-Dumen
8	BALUS IRON ANTAP	Split Image	18	TAVINE	K2-Biis Band
9	SHANNA	Patti Doi	19	WARIAMBO	Kanage
10	SORI VADA LASI	Demas Saul	20	BAUNSIM BAUNSIM	K2-Biis

IN: NIL OUT: NIL

SOURCES: YUMI BELO SHOW
LAIK BILONG ANKOL E.T
COCOA COLA GARAMUT
FLAME CULTURE & PHONE ENQUIRES



NATIONAL STATISTICAL OFFICE
OF PAPUA NEW GUINEA




PAPUA NEW GUINEA 2000 CENSUS PRELIMINARY FIGURES

Table 1: Population and Household Distribution by Region and Province, 2000 Census, PNG.

PROVINCE	2000 Census Hand Counts				% of Total Population	Crude. Pop. Density/sq. km
	Household	Persons	Males	Females		
PAPUA NEW GUINEA (PNG)	995,376	5,130,365	2,661,091	2,469,274	100.0	11
SOUTHERN REGION	181,504	1,034,507	545,753	488,754	20.2	5
Western	25,004	152,067	78,639	73,428	3.0	2
Gulf	17,696	105,050	54,621	50,429	2.0	3
Central	31,937	183,153	95,714	87,439	3.6	6
National Capital District	42,512	252,469	138,182	114,287	4.9	1052
Milne Bay	41,686	209,054	108,941	100,113	4.1	15
Northern	22,669	132,714	69,656	63,058	2.6	6
HIGHLANDS REGION	410,673	1,960,992	1,007,422	953,570	38.2	31
Southern Highlands	95,793	544,352	277,360	266,992	10.6	23
Enga	51,456	289,299	150,298	139,001	5.6	23
Western Highlands	100,742	439,085	224,156	214,929	8.6	52
Chimbu	57,631	258,776	134,504	124,272	5.0	42
Eastern Highlands	10,5051	429,480	221,104	208,376	8.4	38
MAMOSE REGION	267,760	1,427,095	735,190	691,905	27.8	10
Morobe	10,2180	536,917	279,078	257,839	10.5	16
Madang	63,749	362,805	189,137	173,668	7.1	12
East Sepik	68,466	341,583	171,200	170,383	6.7	8
West Sepik	33,365	185,790	95,775	90,015	3.6	5
ISLANDS REGION	135,439	707,771	372,726	335,045	13.8	12
Manus	8,792	43,589	22,489	21,100	0.9	21
New Ireland	24,474	118,148	62,944	55,204	2.3	12
East New Britain	42,904	220,035	115,872	104,163	4.3	14
West New Britain	33,639	184,838	99,300	85,538	3.6	9
North Solomons (NSP)*	25,630	141,161	72,121	69,040	2.8	15

* NSP 2000 Census figures exclude some areas.

Figure 1. Percentage Population Distribution by Regions, 2000 Census, PNG





NATIONAL STATISTICAL OFFICE
OF PAPUA NEW GUINEA




PAPUA NEW GUINEA 2000 CENSUS PRELIMINARY FIGURES

Table 2: Annual Population Growth Rates 1980-2000 by Region and Province, PNG.

PROVINCE	Total Population			Annual Growth Rates (%)		
	1980	1990	2000	1980-2000	1980-1990	1990-2000
PAPUA NEW GUINEA (PNG)	3,010,727	3,761,954	5,130,365	2.7	2.2	3.1
SOUTHERN REGION	588,700	771,193	1,034,507	2.8	2.7	2.9
Western	78,575	110,420	152,067	3.3	3.4	3.2
Gulf	64,120	68,737	105,050	2.5	0.7	4.2***
Central	116,964	141,195	183,153	2.2	1.9	2.6
National Capital District	123,624	195,570	252,469	3.6	4.6	2.6
Milne Bay	127,975	158,780	209,054	2.5	2.2	2.8
Northern	77,442	96,491	132,714	2.7	2.2	3.2
HIGHLANDS REGION	1,121,258	1,373,673	1,960,992	2.8	2.0	3.6
Southern Highlands	236,052	317,437	544,352	4.2	3.0	5.4***
Enga	164,534	235,561	289,299	2.8	3.6	2.1
Western Highlands	265,656	336,178	439,085	2.5	2.4	2.7
Chimbu	178,290	183,849	258,776	1.9	0.3	3.4
Eastern Highlands	276,726	300,648	429,480	2.2	0.8	3.6
MAMOSE REGION	857,773	1,027,600	1,427,095	2.5	1.8	3.3
Morobe	310,622	380,117	536,917	2.7	2.0	3.5
Madang	211,069	253,195	362,805	2.7	1.8	3.6
East Sepik	221,890	254,371	341,583	2.2	1.4	2.9
West Sepik	114,192	139,917	185,790	2.4	2.0	2.8
ISLANDS REGION**	442,996	589,488	707,771	3.0	3.3	2.6
Manus	26,036	32,840	43,589	2.7	2.3	3.0
New Ireland	66,028	86,999	118,148	2.9	2.8	3.1
East New Britain	133,197	185,459	220,035	2.5	3.3	1.7***
West New Britain	88,941	130,190	184,838	3.7	3.8	3.5
North Solomons (NSP)*	128,794	154,000	141,161	n/a	n/a	n/a***

* NSP 1990 figures are NSO estimates and the 2000 Census excluded some areas. ** Islands Region growth rates estimate excludes NSP population
*** NSO prefers regional growth rates for these province Note: Growth rates are based on total population.

Figure 2. Regional Population Growth Rate, 1980 - 2000, PNG



Tambul i gat namba long groaim fres gaden kaikai

SAPE METTA i raitim

PRAIS bilong ol kaikai samting long stua i go antap tru na sapos wanpela lokel man o meri i laik subim het na i go i stap na raun anting long ol taun o siti, sori tumas sindaun bilong yu bai bagarap stret. long wanem dispela man o meri bai i ken pilim tru strongpela laipstail bilong i stap long taun na siti. Long tokples bilong ol waitman (tok Inglis) ol i save tok (only the fittest will survive). Dispela hap tok long tok pisin i tok,

yu husat i fit tru bai i ken i stap laip. Sapos yu husat i no holim wanpela wok na i stap raun nating long taun o siti, ating moabeta yu mas stretim tingting bilong yu na i go bek long asples bilong yu. Yumi olgeta i gat wanwan asples bilong yumi na yumi i gat hap hap graun bilong yumi we ol tumbuna bilong yumi i makim na i stap pinis bilong yumi na ol pikinini bilong yumi long yusim. Ol i mekim olem na watpo bai yumi long long na paul raun na i stap nating long taun na siti.

Sapos prais bilong ol kaikai samting long ol stua insait long ol taun na

siti i go antap tru, ol kaikai samting insait long ol gaden long as ples bilong yumi stret bai i no inap kamap dia tumas, long wanem ol kaikai ya em yumi yet i planim na kamapim long kaikai na i stap.

Nau yet planti lain man na meri husat i save wok long taun na siti i wok long kamap wantaim tingting bilong i go bek long asples bilong ol long wanem ol i luksave pinis olsem laip nau long taun na siti em i hat na iida tumas. So olsem wanem. Ating em i taim long yumi mas i go bek long asples bilong yumi na is tap long hap. Sapos yumi mekim olsem na lusim tingting long laipstail bilong taun na siti, yumi i no inap komplem long hai prais bilong ol stua samting na yumi i ken painim isipela na gutpela sindaun long ples. Wanpela gutpela piska em bikples Tambul we i stap insait long Westen Hailans provins. Na dispela nem Tambul bai i no inap pairap tumas long maus bilong planti ol man na meri. Tasol long sait bilong wok hat na groaim ol kinkain fres gaden kaikai, Tambul i gat bikpela namba long mekim dispela wok.



• Ol lokel fama i wok hat tru long klinim na stretim gut pota-to fam bilong ol long Tambul. Tasol tingim, taim dispela ol pota-to i redi, ol bai kisim hat taim stret long trenspotim i go long bikpela maket long Mt Hagen siti long wanem rot bilong ol i bagarap stret.

wok long bungim em kondisen bilong rot we ol i save trenspotim kaikai bilong ol i kam long bikpela maket. Na dispela wanpela rot we i save bungim Mt siti na Tambul. na taim ren i save pundaun, dispela rot i save bagarap tru na mipela ol lain long Tambul i save kisim taim stret long karim ol gaden kaikai bilong mipela i go long bikpela maket long Mt Hagen siti."

dispela rot. Tasol dispela planti nois ol i save mekim i no save karim kaikai. Save o nau i tap long ol lokel lain bilong Tambul. Sapos ol i laikim gutpela rot na gutpela sevis i go insait long Tambul, ol i mas lukluk, glasim na skelim gut ol kendidet na givim vot long ol.

Em i tok ol lokel lain long Tambul i bin kamap wantaim planti komplem we ol i bin kisim dispela hevi i go long ol lida na memba bilong ol, tasol ol i no kamapim wanpela samting long stretim dispela wanpeal bikpela hevi bilong ol.

Nogut ol i go het na tromoi vot bilong ol i go nating na rot bilong ol bai i stap wankain yet. Em long sait bilong hevi bilong rot. Tasol long sait bilong kaikai, olgeta gutpela kaikai i save i stap long hap. Na tu prais bilong ol dispela kaikai i no dia tumas. Sapos mi wanpela asples man Tambul na mi i stap long taun o siti na bungim planti hevi bilong strongpela kain laipstail, aste yet em mi i lusim pinis taun o siti ya na i go bek pinis long Tambul. Long wanem Tambul em i gat namba na em i namba wan pels we olgeta kinkain fres gaden kaikai i stap long en.


Mekim olsem i go yet na Mista Miki i askim. sapos ol lida na memba i no inap long lukluk long dispela hevi, husat tru bai mekim? em i tok taim bilong nesanel ileksen i kam klostu nau na planti kendidet bai i ken mekim planti nois long stretim



• Peke Miki husat i wanpela lokel agrikalisa fama i sanap wantaim ol brokoli we em yet i save groaim long Tambul insait long Westen Hailans. Tambul i save saplaim olgeta kain kain fres gaden kaikai i go long bikpela maket long siti em i hat tru ong wanem rot namel long Tambul na Mt Hagen i bagarap stret. Na i nogut wanpela gutpela helpim i kamap yet long stretim dispela rot.




• Ol man na turangu ol pikinini tu i save wok hat tru long groaim ol kinkain gaden kaikai long Tambul insait long Westen Hailans. Hia em ol i sanap long fran bilong wanpela pota-to stoa haus long Tambul.



HITS & MEMORIES
FM 100

RADIO NETWORK



PORT MORESBY FM 100.3	MT. HAGEN FM 100.4	TABUBIL FM 100.3	ALOTAU FM 107
BOROKO FM 100.3	LAE FM 100.3	WEWAK FM 100.8	BOREGORO FM 107.7
GOROKA FM 100.2	POPONDETTA FM 100.5	MADANG FM 100.8	HOREALOA FM 107.5
KAVIENG FM 100.2	RAMU FM 101	KOKOPO FM 100.8	WATERHOLES FM 107.3
LORENGAU FM 100.3	KUNDIAWA FM 101	BUKA FM 100.3	KAINGUMA FM 107.1
KIMBE FM 100.3			DIMODIMO FM 107.7

When you advertise on FM 100, you can rest assured that your message is being heard in and around these locations on these frequencies right around PNG. Just call 300 4300, fax 300 4399 or email us at kalang@tiare.net.pg & we'll take care of all your advertising and promotion needs

Kaving kamap gutpela bisnis long lowa Ramu

FUZO PAUL i raitim

OL ples insait long Lowa Ramu eria bilong Bogia distrik insait long Madang provins i lusim pinis ol lain kokonas bilong I na nau i wok long kism mani long ol as diwai nating.

Ol ples long Lowa Ramu eria olsem Marangis, Bodbos, Gamai, Garik, Ndamuk, na Boro i go insait nau long kaving bisnis. Kaving insait long ol dispela ples bilong Lowa Ramu eria i nupela na i no planti lokol man tumas i gat save long ol rot bilong strongim dispela bisnis we inap pulim ausait invesmen na turis.

Kaving long tumbuna taim yet, i bun tru bilong kalsa bilong ol planti ples insait long Lowa Ramu eria bilong Bogia distrik. Pasin bilong sapim Kaving olsem mask long makim ol tewel o ol tumbuna em i gat dispela tambu na pawa long laip na kalsa bilong Lowa Ramu pipel wantaim olsem ol Sepik, ol Lowa Ramu pipel i gat tumbuna stori bilong Masalai bilong lon sap. Tasol wanpela samting we i putim ol Sepik antap long planti ples insait long Papua Niugini em turism promotim. Gavman bilong Sepik i putim bikpela helpim long



• Wanpela lapun Karua bilong ples Boro i (liklik ples Ndainbin) i soim ol kaving bilong em long ol Wantok niusman Fuzo Paul taim Wantok i go raun long Lowa Ramu eria. Em ol pes tumbuna na ol liklik tewel spirit pinga. Foto: Fuzo Paul.

sapotim kaving bisnis na long wankain taim i promotim we, dispela i kism bikpela luksave long ovasis we i bringim invesmen na turism.

Tasol, sapos yumi putim kaving bilong ol Sepik na kaving bilong ol Lowa Ramu pipel, tru tumas kaving bilong lona Ramu pipel bai stilim lewa bilong yumi.

Nau yet, kaving bilong Lowa Ramu pipel i nogat luksave, planti pipel bilong Papua Niugini em bilip i no lukim ol kaving bilong lowa Ramu arere, em bilong wanem. I nogat promosen i kam long Madang atoriti.

I nogat tu ol lokol promosen, na bikpela samting em. Planti ol kav-

hait stori long em na salim. Ol pes tumbuna we i save hait tasol long haus boi tasol, i wok long kalap ples klia long naip bilong ol kavas. Ol yangpela man tu wok long lainim long sapim na salim kaving bilong wanem prais bilong kaving em i winim kopra prais.

Nau, kaving bisnis i wok long go bikpela insait long Lowa Ramu. Planti man nau insait long ol ples bilong Lowa Ramu eria i save spendim bikpela taim bilong ol long apim kaving na liklik taim tasol insait long lan kokonas bilong ol.

Kaving bisnis insait long Lowa Ramu eria inap groa o go bikpela sapos gavman bilong Madang inap helpim i.a prodaksen na maketim. Long wankain taim i gat save bilong ol ausait lain tu i ken bagarapim na brukim ol lain bilong tumbuna na gavman long we i bai giamanim pipel long stil pasin o brukim banis bilong ol tumbuna samting. Kaving bisnis i ken bagarapim tu kalsa na tredisen bilong Lowa Ramu pipel sapos i nogat gutpela banis long protekim dispela bisnis.

Nau yet i no gat lokol baia biang ol lowa Ramu kaving tasol i gat sampela ol waitman i save go ong ol ples na baim kaving planti pipel i ting waitman i save trikim ol long prais bilong baim kaving.

Ol i ting waitman i save salim gen long bikpela mani long ovasis

Kugark kamapim woksop na opim pri skul

SAPE METTA i raitim

TAIM ol liklik pikinini i statim skul long pri skul level na i groa, ol i ken groap wantaim gutpela save, long wanem ol i lainim ol samting long taim ol liklik yet. Na long lainim ol liklik pikinini long taim ol liklik yet, em i bikpela samting.

Tasol ol pikinini bai i no inap tru long lainim wanpela samting sapos i nogat ol tisa o trena i stap long lainim na trenim ol. Long olgeta pri-skul, maski sapos ol i stap long siti, taun o long ol viles komyuniti, ol i mas i gat ol trena na tisa husat bai i ken mekim wok long go het na lainim ol pikinini. Sapos nogat ol pikinini tu bai i no inap long kism wanpela save.

Dispela em i sampela toktok Esther Alfred husat i bin i go pas long trenim ol pri skul tisa na trena long wanpela woksop we i bin kamap long EBC misin stesin long Kugark insait long Minj distrik, Westen Hailans long mun i go pinis.

Misis Alfred long taim bilong greduesen i tok dispela tu wik woksop i bin kamap gut we 18 manmeri, 8-pela long ol em ol man na 10-pela em ol meri husat i kam yet long sait bilong Panjin, Anglimp na ol arapela lokol viles insait long Saut Wagi long sindaun insait long dispela woksop.

Em tok dispela woksop i no inap long kamap, tasol wantaim bikpela helpim bilong Kugark Wimens Asosiesen na sapot bilong Westen Hailans Kaunsil ov Wimen, dispela woksop i go het na kamap.

Tasol dispela tupela wimens grup o wimens asosiesen i no sapotim na kamapim tasol dispela woksop. Tupela i pait hat tru na kamapim Kugark Wimens Asosiesen fri skul we ol i bin opim tu long sem taim we ol pri skul tisa na trena i bin greduet.

Meri husat i go pas long kamapim dispela woksop na kirapim

Kugark pri skul na presiden bilong Kugark Wimens Asosiesen, Wukum Dorum i tok skul bilong ol pikinini em i bikpela samting olsem na taim asosiesen bilong em i bin kism liklik baset bilong ol i kam long Westen Hailans Kaunsil ov Wimens, em i bin putim i go stret long kirapim displa pri skul na sem tiam putim kamap dispela woksop.


Antap long dispela presiden bilong Westen Hailans Kaunsil ov Wimen, Paula Mek husat i sapotim tru wok bilong Misis Dorum i tok skul bilong ol pikinini na ol bikpela man na meri i no stap long hia.

Edukesen em bilong yumi olgeta, maski yumi liklik pikinini o bikpela manmeri, edukesen o skul bilong lainim ol samting em i stap na sanap yet," Misis Mek i tok.

Em tok Westen Hailans Kaunsil ov Wimen i laik helpim na sapotim tru ol meri husat i ken muv na kamapim ol samting. Na gutpela piksa em Kugark Womens Asosiesen tingting long kamapim ol samting insait long ol distrik bilong ol, mani i stap we ol i ken kamap na dinau long en na mekim ol wok.



• Long sem taim bilong pri-skul tisas greduesen, Kugark Womens Asosiesen i opim tu wanpela nupela pri-skul insait long Kugark viles. Long poto em (1-r) em Wukum Dorum (Presiden bilong Kugark Womens Asosiesen), Janet Ngants, Paula Mek (Presiden bilong Westen Hailans Wimens Kaunsil) na trena bilong ol pri-skul tisa Esther Alred bihain long ol i bin opiseli opim Kugark wimens asosiesen pri-skul long Minj long mun i go pinis. Foto: Sape Metta.



• Ben Ketawo i soim ol kaving bilong salim long waitman long baim na wanpela em yet i sapim.

ing bilong ol sampela ples olsem Bory Garie na Ndamuk em samting bilong haus boi o samting bilong ol tumbuna na bai bikpela tambu long kism na soim ples klia.

Ol garamut, kanu, ol pes tumbuna, ol liklik tewel man, o Dar pul bilong kanu i save soim narakain mak, bilas, na disisen we yumi bai i no inap lokol turis long ol narapela ples insait long kantri o wok. Tasol nau mani i wokim na planti ol pes na hait disisen bilong ol Lowa Ramu kaving i wok long kamap ples klia. Pipel bilong Lowa Ramu kaving i wok long kamap ples klia. Pipel bilong Lowa Ramu nau i stat long Sawai kaving bilong wanem ol kaving baia i wok long go insait long ol pes bilong ol long baim ol kaving. Ol man bilong sapim kaving tu i wok long sapim ol tumbuna pes kaving na ol pes we i gat ol

olsem na ol pipel yet i laik salim ol kaving bilong ol yet long ovasis maket, tasol sori ol i no gat save long ol rot bilong kamapim na holim kaving eksport bisnis.

Pipel i ting waitman i stil na wokim bisnis long tumbuna na kalsa bilong ol. Ol i ting waitman i nogat interes long kalsa bilong ol tasol i interes long mani we kaving i ken kamapim.

Tasol nau, pipel i nogat narapela rot long salim ol kaving biong ol tasol ol i mas salim tasol long waitman.

Lowa Ramu eria gat bikpela histori bilong bas wantaim pasin tumbuna bilong Tumbuna, c "Tumbuna mask kalsa" we wol i gat luksave long em, olsem na dispela i soim tru longpela histori bilong kaving, insait long dispela eria.

Lukautim ol sik AIDS manmeri

PEKU PILIMBO i raitim

UMI mas lukluk na stretim sindaun bilong ol manmeri wantaim sik HIV/AIDS. Planti manmeri namel long yumi i gat sik na i stap. Planti manmeri i no save laikim ol na kros nating. Planti i pret olsem sapos ol i tasim ol i toktok wantaim ol bai ol i kisim sik nogut tu. Ol manmeri wantaim sik i kisim bikpela sem na i no amamas long stap laip long dispela graun. Em i gutpela sapos yumi manmeri i sindaun stori wantaim ol na mekim ol amamas long liklik taim ol i gat wantaim yumi. Planti taim wari i save kilim ol manmeri wantaim sik AIDS.

Husat gat sik?

Bai yumi no luksave taim ol i kisim dispela sik. Dispela binatang bilong sik i save stap longpela taim insait long bodi bilong manmeri bipo long em i kamap kliā. Taim sik i laik kamap ples kliā, bai yu k̄isim pekpek wara klostu klostu. Het gras bai bruk na pundaun nating olsem ol sik dok i save kamap. Olgeta wara long bodi bai pinis na ol manmeri bai stat kamap bun kakaruk olgeta.

Skin bilong ol bai les na ol i nogat strong moa. Ol bai slip tasol planti na wanem haus sik o marasin ol i kisim bai ol i no inap orait.

Planti manmeri wantaim sik i ken raun olsem ol manmeri. Ating yu tu mas gat sampela binatang bilong sik AIDS ol i kilim long HIV. HIV em wanpela binatang bilong AIDS.

Long bodi bilong yumi i gat wanpela kain grup bilong blut i stap. Wok bilong dispela blut grup em bilong kirapim pait wantaim sik na wanem pipia i laik go insait long bodi bilong yumi.

Taim ol narapela sik i go insait long bodi, ol dispela blut i save mas olsem ami i go na daunim stret dispela binatang bilong sik. Dispela blut grup, wok bilong ol em long paitim sik tāsol.

Taim HIV i binatang bilong AIDS i go insait long bodi. Em i save kilim dispela blut grup we i save helpim yumi manmeri. Wan bai wan em i kilim isi isi i go. Ol blut grup mi tok long en i olsem ami na ol i save traim pait bek tasol strong bilong HIV i bikpela tru na save winim ol.

Taim HIV i kilim olgeta dispela blut grup nau, wanem narapela sik i go insait long bodi bilong yu bai kilim yu bikos bodi bilong yu i nogat dispela blut grup long helpim na pait wantaim sik i kam.

Taim HIV i kilim tru ami blut long bodi bilong yu, dispela nau i kamap AIDS. AIDS em taim ol manmeri i laik i dai taim. HIV i bagarapim pinis blut bilong ol na ol i stap tasol long dai.

I no long taim bai yu lukim wanpela wantok bilong yu stret i dai. Bai yu mekim

wanem. Yu mas traim lukautim ol.

Pasin bilong ol manmeri

Planti manmeri i save pret nating taim ol i harim olsem dispela man o meri i gat sik AIDS. Ol i no save sindaun wantaim, kaikai, sekan, holim pasim ol, toktok o go klostu long ol. Ol pipel i save pret nogut tru taim ol save man o meri i gat sik.

Tasol i no gutpela long yu pret nating. Sik i no inap kalap nating taim yu sindaun, toktok o mekim wanem wantaim sik manmeri.

Yu noken mekim laip bilong ol hat. Ol i gat sotpela taim tasol long stap wantaim yumi long graun. Mekim ol amamas na noken tok bek-sait na mekim nabaut we inap mekim laip bilong sik manmeri i hat tru long stap.

Yumi olgeta mas luksave na kliā olsem sik i no inap kalap nating. sik i save kamap long blut tasol. Sapos blut bilong yutupela i bung long sampela rot, olsem haus sik blut, taim bilong koap o sutim makmak long bodi wantaim wanpela nidel, bai yu kisim sik.

Taim sotpela taim em i stap, yu mas mekim em amamas. Noken surik na ronawe taim sik manmeri i kamap. Noken mekim mekim toktok bilong pretim ol narapela manmeri i go klostu long sik manmeri.

Planti pipel i no kliā gut long wanem samting em sik AIDS. Yu husat save long rit na rait, God i givim bikpela sans long yu ken mekim ol dispela samting. Yu mas sanap nau na tokaut long husat manmeri i no save rit na rait long wanem gutpela samting yu inap mekim bilong amamasim laip bilong brata o susa husat stap wantaim dispela sikman.

Yumi PNG i no kamapim dispela sik. Ol narapela manmeri i karim dispela sik i kam insait long kantri bilong yumi nambawan taim long 1987. Long dispela taim i kam inap nau, moa long planti tausen manmeri i gat dispela sik.

I no long-taim bai wanpela wantok, ankol, kandere o lewa tru bilong yu i stap wantaim dispela sik.

Sapos ol lewa tru long famili i painim dispela sik, yumi manmeri i noken ronawe lusim ol na ol i stap turangu wan yet na dai olsem ol animel i save mekim.

Yumi mas-sindaun wantaim na amamasim em long wanem liklik rot yumi ken. God i givim yumi wanwan laip na sapos em i laik kisim bek, em orait, wanem sotpela taim em givim yumi wantaim wantok, yumi mas yusim gut na laikim ol olsem manmeri bipo long ol i go. Bilong wanem yu ronawe na les long ol?

Wanpela skul mi kisim

I no long taim i go pinis mi bin sik nogut tru wantaim malaria na taipod na slip long wanpela bikpela haus



sik. Long narapela bet i bin gat wanpela man i slip na mi slip long hapsait.

Long ol stori mi kisim, mi save olsem man ya i bin slip long haus sik inap tripela mun. Liklik brata bilong em i lukautim em long dispela taim. Man ya i bin nating tru na nogat wanpela mit long bodi bilong em. Olgeta skin i go na pas tru wantaim bun na taikm mitupela i go sindaun long san, olgeta bun i save kam aut na sanap ples kliā. Mi save liklik long mak bilong sik AIDS na luksave olsem man ya bai dai long dispela sik. Tasol brata bilong em na ol lain bilong em i no save. Ol gutpela dokta bilong haus sik i givim kainkain marasin na traim sevim laip bilong em tasol i hat.

Nogat narapela wantok bilong man ya i save kam long lukim em o karim wanpela liklik kaikai i kam. Man ya i dai pinis tasol ai bilong em tasol i stap yet. Olgeta taim ol lukim em wok long lukluk long dua. Taim wanpela man o meri, ol nes o dokta i go insait. Em i ting wanpela wantok bilong em i kam tasol nogat.

Brata bilong em tasol wantaim meri bilong em i lukautim em. Taim meri i slip, man bilong em i go long haus. Taim man i slip wantaim sik man, meri save go long haus. Dispela pasin i kamap inap tripela mun olgeta.

Ating olgeta lain bilong sik man ya i save olsem em i gat sik AIDS. Ol i no wanbel na i les long kam lukim em long haus sik.

Planti manmeri i laik karamapim na tok olsem ol lain bilong ples i posinim man ya tasol ol dokta na nes i save. Ol skul manmeri i ken luksave olsem em i dai long sik AIDS. Sampela taim dokta, wanpela waitman i save kam holim han bilong sik man na em save mekim

sampela toktok long em bikos nogat wanpela manmeri i stap wantaim em olgeta taim.

Wanpela moning mi kisim marasin pinis na wasman bilong mi pusim wilsia bilong mi na karim mi go sindaun long san. Sik man ya tu i stap klostu na mipela kisim san i stap. I no long taim na mi no save tasol liklik brata bilong sikman, husat was long em i stat long kros na tok:

"Yu lai k dai yu dai ya!

"Yu lukim olsem mi westim olgeta mani. Olgeta samting long huas mi salim pinis na mi no inap kam lukautim yu long haus sik moa.

"Mi gat famili long lukautim!

"Nogat wanpela pren o famili bilong yu i kam lukim yu. Mi stap tripela mun long dispela haus sik na marasin yu kisim tu i no inap.

"Bilong wanem yu westim taim bilong mi. Yu laik dai yu dai hariap. Nogat wanpela matasin bai helpim yu," wasman bilong em i singaut na krosim em nogut tru.

"Olgeta taim mi westim mani i go na mi nogat wanpela samting moa," em i tok.

Mi sori nogut tru long tupela wantaim. Narapela i gat laip i stap yet na narapela i laik dai klostu. Tupela wantaim i gat hevi.

Sikman i no lukim wanpela wantok na tu em i no laik dai hariap. Brata bilong em i kros nogut tru na wankein taim em i askim brata bilong em long dai.

Wasman i gat meri pikinini i stap, laip bilong em i stap na bihain long tripela mun em i luksave olsem nogat wanpela senis bai kamap, em i belhat.

Long moning mi lukim ol nes i kam putim bodi bilong man ya antap long wanpela troli bilong haus sik na kisim em i go long mok. Man ya i bin dai long nait bihain long

dispela kros wantaim brata bilong em.

Bikos nogat wanpela famili, pren o wantok i kam lukim man ya, em stap i go na wari i kilim em na em i dai. Dispela nait meri bilong em i lukautim i stap na brata bilong em i go long haus. Moning em kam painim meri bilong em i krai i stap na em i tok: "Gutpela, em givim planti skin pen long mi. Mi amamas olsem em i dai."

Mi sori long yangpela man ya tu.

Nogat wanpela wantok bilong em i bin lukautim na helpim em taim em i stap long haus. Wan men em stap lukautim em long tripela mun olgeta.

Brata bilong em i save olsem man ya i dai long sik AIDS. Em i tok planti manmeri long ples i no laik kam lukim em bikos em i gat AIDS. Em tu i bin pret pas-taim tasol sampela nes na helt wok manmeri i bin tokim em olsem em mas noken pret na lukautim brata bilong em.

Em i bin lukautim i go na nau em i dai. Em i tok sori bilong em i pinis long taim i go pinis na em amamas tasol long kisim bun nating bilong brata i go planim long ples.

Dispela em wanpela samting mi lukim. Na mi save olsem wankein pasin i mas kamap long olgeta hap bilong kantri.

Yumi manmeri i no kliā wanem samting em sik HIV/AIDS na save mekim planti giaman toktok nabaut. Man husat sik i brata tru bilong yu. Yu ken tok em pamuk man o meri. Yu ken tok asua bilong em tasol yu mas luksave olsem yumi olgeta manmeri bilong dispela graun. Yumi olgeta i save mekim asua.

Yu no inap mekim sapos yu save olsem yu bai dai long dispela pasin. Ating em pamuk o kisim sik long blut

long haus sik o katim makmak na kisim, dispela em ol samting nating.

Yumi olgeta manmeri bilong graun i mas stap wantaim na yu abrusim birua bilong sik. Sapos yu i nogat sik, wanpela manmeri yu save long em bai dai long dispela sik nogut long ol yia i kam. Yu noken sanap long we na poinim pinga na tok: "Em asua bilong em na larim em dai."

God i kamapim yumi wanwan na em tasol bai kisim yumi bek. Yumi olgeta i mas stap wantaim na karim dispela hevi. Em i mas wanpela mekimsave i kam long God na yumi no inap stapim. Wanem samting yumi ken mekim em long lukautim wanem man o meri God i traim long mekim-save.

Yumi yet noken opim maus na tok em asua. Em i asua na yu tu ken asua long sampela taim tu.

Dai bai kisim yu wanpela taim na wanem gutpela samting yumi mekim bilong helpim ol manmeri ol i nidim stret dispela help taim ol i sik AIDS.

Bihain taim bilong kot, God askim yu long wanem gutpela samting yu mekim? Bai yu tok wanem? Ating pasin bilong laikim narapela bratasusa em bikpela samting long laip bilong yumi PNG manmeri. God tu i wanbel long dispela pasin. Long Baibel Jisas i tok: "Nambawan komanmen i winim olgeta arapela em long laikim ol narapela olsem yu laikim yu yet."

Yumi mas sanap wantaim. Sapos wanpela man o meri i gat dispela sik an em i stap long hap bilong yu. Moa gutpela sapos yu skelem wanem liklik taim wantaim em. Em bai go pas tasol yu bai bihainim tu bikos nogat wanpela man bilong graun bai abrusim dai.

Ol meri tu i wok long kirapim kantri

JAMES NAI KIM i raitim


INSAIT long Papua Niugini i mas gat luksave nau long ol kain kain wok ol meri i save mekim insait long wan wan komyuniti na haus. Sampela i save mekim ol kain liklik bisnis long wokim klos na salim. Ol sampela i save wokim gaden, huk long kisim pis na salim. Na ol narapela is ave wokim ban, aiseblok na arapela samting bilong salim.

I gat tu ol planti kain bikpela wok ol man i save wokim, em ol meri tu save wokim na na sampela taim ol meri i save winim taim tru long wok abrusim mak bilong ol man. Planti taim ol meri i save wokim wok ausait na taim ol i pinis ol i save go bek long haus na wokim wok i stap long haus. Dispela i mekim mak bilong wok bilong ol meri i winim ol man long wok. Na tu ol meri i save amamas long wok bung insait long ol komyuniti bilong ol yet olsem long sait bilong ol kain wok projek long ples we i save kamap.

Planti meri i save kamapim wanpela grup bilong ol yet long wok insait long wanwan ples ol i stap long en. Dispela i mekim ol meri i gat sans long kamapim planti gutpela senis long sindaun na laip bilong komyuniti long ol kain gutpela wok ol i save kamapim bilong helpim sindaun bilong ol yet na tu ol narapela wantaim.

Planti kaikai, klos, abus na ol basket em ol meri i save mekim ol kisim na salim long ol maket ples. Na tu long maket em olgeta meri tasol is ave sindaun na salim ol samting. Ol i bringim kamap planti kain samting bilong lukautim laip na sindaun bilong famili long ples na haus.

Tasol nau yet i no gat gutpela luksave tumas i save kam long komyuniti long ol disepal kain hatwok em ol meri i save kamapim insait long komyuniti na ples. Yumi ol pipel insait long komyuniti i save lusim tingting tumas long ol dispela ki wok ol meri i save mekim bilong lukautim laip na sindaun bilong yumi olgeta insait long komyuniti o ples yumi i stap long em.



• Ol meri lida bilong Westen Hailans provins i opim nupela pri skul long Minj Distrik. Dispela em wanpela bikpela projek ol womens kausil i kamapim. Foto: Sape Metta

Em taim nau ating bai yumi i mas traim long givim sampela taim long luksave na tu yumi mas givim sapot long ol meri na lukautim ol long wanem kain helpim ol i nidim long karimaut ol gutpela kain wok insait long komyuniti na ples bilong

yumi wanwan.

Long planti yia i kam inap long nau: ol meri i bin storn long bringim planti senis, developmen, na projek insait long sosaiti bilong yumi. Dispela i helpim tru long mekim yumi kamap long mak we

nau umi stap long em.

Tru tumas ol meri tu i hap bilong dispela laip long ples graun na sapos ol i no i stap, ating bai i no gat ol gutpela kain sevis, wok, developmen, bisnis na pawa o biknem nau yumi gatim. Bikos long planti ol wok helpim i save kam long sait bilong ol meri yumi kisim planti gutpela sindaun na amamas long laip bilong yumi long dispela graun.

Nau bai yumi ken luksave tru oslem ol kain pasin bilong pait na egensim raits bilong ol meri em i rongpela samting yumi i save mekim. Gavman na pipel bilong Papua Niugini i mas skelim na luskave long dispela ol raits bilong ol meri na wok bung wantaim ol long kamapim moa gutpela sindaun bilong ol famili insait long komyuniti na ples.

Gutpela sindaun bilong wanwan famili na komyuniti i stap tu long han bilong ol meri olsem na yumi mas rispektim na lukautim raits bilong ol meri insait long ol komyuniti na ples we yumi i stap long em.

Pipel i gat pawa long ileksen taim

HILDA WAYNE i raitim

ILEKSEN em wanpela taim long kantri we olgeta lain husat i rejistaim nem bilong ol long komon rol i gat sans long makim wanem lida ol i laik bai makim ol long palamen long faivpela yia olgeta.

Long sampela hap bilong Papua Niugini taim bilong ileksen em taim bilong planti mani na ol pipel i save kisim planti samting long ol kendidet husat i laik sanap resis long ileksen. Ileksen em taim bilong kilim pik na mekim pati long amamas long traim winim bel na tingting bilong ol manmeri. Planti ol manmeri i save traim long mekim planti mani tru long dispela taim na ol kendidet i no save wari long amas mani ol i ken lusim taim ol i go raun long ol ples na mekim ol kempain nabaut. Nupela kar o helikopta, na ol narapela we ol i save yusim long mekim ol pipel i mas votim ol i go long palamen.

Sampela memba husat i laik go bek ol i save kisim bikpela taim tru long tingting bilong ol we ol i save porek nogut ol i lus long ileksen, na nogut nupela man i win.

Palamen i stap bilong ol lida i ken go insait na mekim ol disisen long helpim ol lain bilong ol long kamapim ol sevis na lukim tru developmen i kamap long kantri.

Tasol yumi lukim nau long planti ileksen i go pinis tingting bilong wanwan gutpela lida tasol i save stap wantaim ol pipel na tru developmen na sevis i save go insait long olgeta hap eria bilong kantri.

Gris mani samting bai paulim tingting bilong yu

Long dispela taim nau planti moa memba bilong palamen na ol kendidet i

wok long raun long ol ples na givim kainkain toktok long yumi ol pipel. Sampela i tokaut pinis long ol tingting bilong ol long sanap long ileksen na sampela olpela memba i stap long palamen nau i wok long tingting planti bai ol i go bek gen long palamen o nogat.

Long dispela yia i go inap naks yia taim yumi stat long votim ol lida bilong mipela bai yumi lukim ol man i karim ol gris mani na samting nabaut long pulim tingting long kisim vot bilong yumi. Sampela i save man bilong yunivesiti o bisnis man o nau siting memba. Sampela ol lida man bilong ples tu i laik traim resis long 2002 ileksen na pasin bilong pulim tingting long vot i stat pinis. Yumi mas tingting gut sapos yumi laikim trutru senis i kamap long kantri, provins na komyuniti na viles bilong mipela na givim gut vot.

Nau yu stap noken ting olsem taim bilong vot i kam bai mi vot na maski long toktok long ol lida. Dispela kain tingting bai i no inap helpim kantri. Yu mas lukim long niuspepa na lukim long ai bilong yu yet na askim yu yet husat i gutpela na trutru lida mi mas makim 2002 ileksen.

Askim yu yet bai mi makim bisnismen, saveman, lidaman bilong ples o larim olpela memba i go bek gen long palamen.

Ol gutpela lida bilong pipel

Taim yu askim yu yet planti tingting long painim gutpela lida bai yu kila long husat man yu laik votim.

Long Hagen planti manmeri na yangpela husat i gat nem i stap long komon rol i save kisim planti moa mani tru. Ol kendidet i save salim ol kempain menesa bilong ol

i go raun long ol ples wantaim bek mani. K50 pepa mani i save raun olsem K2 stret na ol mani meri i save amamas tru long taim ileksen i save kamap. Ol pipel sampela bilong ol i no save bisi long wok gaden nabaut bilong wanem mani save kam nating long ol.

Long Hagen i go olsem long Enga na Sauten Hailans ol nupela Toyota Len Krusa i no save isi long givim i go i kam na singsing tumbuna na kalap i no save isi. Yumi i no save sotwin long kaikai pik olgeta taim long wanem ol kendidet i save kilim pik klostu klostu. Long Enga planti manmeri husat i save lotu gut i save lusim lotu na ai bilong ol i save op na tingting i paul taim ol i lukim mani ol kenidet i save kisim i go long liklik ol haus lain bilong ol long pulim na grisim tingting bilong ol. Planti kain pasin i save kamap na tingting bilong planti i save paul olgeta. Yes, em laik bilong wanwan manmeri na mipela i ken mekim wanem kain pasin yumi laikim tasol yumi mas tingting gut insait tru long bel na lewa bilong mipela tru em yumi mas tingim olsem pawa bilong bilong mipela taim yumi kamap long balet boks na redi long putim mak long nem bilong lida.

Siting memba em gutpela o nogat

Siting memba bilong mipela em yumi bin tingting na makim em long las ileksen long em i ken makim maus bilong mipela na go long palamen. I orait long yumi givim em wanpela moa sans long go bek long palamen o nogat. Tingting gut sampela taim ol i go long palamen bhain stret long ileksen ol i no save tingting

long yumi ol pipel. Ol i save go hait long ol dak glas kar na kisim planti kain bisnis tru na meri i no save isi. 1997 i go 1998 na 1999 na 2000 yumi save lukim planti bilong ol i save hait gut tru na namba bilong nupela kar, bisnis na meri tu i save go antap tru. Em samting bilong em na yumi noken toktok long dispela tasol yu gat rait long askim, 'dispela memba bilong mi i bin tingim mi na givim ol sevis long mi na ol pipel bilong em o nogat.' Em i save kisim mani long gavman na mekim gut ol rot na ol haus sik na ed pos na skul o nogat. Nogut mi hat wok raun long rot nogut na karim ol kaikai bilong mi go i kam long bikpela siti na rot i wok long bagarap yet.

Memba i save kam long ples na lukim mipela ol pipel o em i save hait long Mosbi tasol na tingting long bisnis bilong em yet. Askim yumi yet em i save karim tru hevi bilong mipela ol pipel na toktok hat long palamen long gavman i mas kisim sevis i kam long eria bilong mipela o nogat.

Yumi mas askim yumi yet ol dispela kain askim bilong wanem yumi yet ol pipel i save rong long pasim ai na tingting bilong mipela long givim nating vot long ol pipel na i gutpela sapos yumi i ken tingting gut na mekim ol samting.

Kain ol nogut tingting bilong mipela em yumi save kisim na yumi no save tingting long wanem samting-bai i kamap bhain. Nau yumi wok long painim bel hevi na ol memba i no save mekim wok tasol rong i save stap long mipela taim yumi save lukim ol K50 het bilong Somare na nupela kar na seksek nating long gris bilong ol na vot bilong yumi i

save kamap wara nating. Vot bilong yumi mas kamap olsem wanpela ston i stap long wara na i no save muv maski gris bilong mani o gutpela samting i kam yumi mas tingting gut na luksave olsem yumi gat pawa long mekim senis taim yumi tingting gut.

Givim sans long ol nupela kendidet

Planti yunivesiti man o ol bisnismen nabaut bai i gat dispela tingting long sanap na resis long nek yia ileksen na em i no ol nupela kain pasin na ai bilong yumi i op na tingting planti. Olsem planti lain i save tok 'samting bilong traim na laik bilong wanwan' na yumi yet i mas tingting gut. Planti ol yunivesiti sumatin i gat ol gutpela save na save bilong ol em ol i laik yusim long traim helpim komyuniti bilong yumi. I gutpela long yumi ken givim sans long ol tu na larim ol traim. Planti ol gutpela lida nau em ol bin sumatin bilong ol yunivesiti na ol i bin gat bikpela save na dispela i bin helpim ol long mekim ol gutpela disisen long bringim developmen i go insait long olgeta hap eria bilong provins bilong ol. Nau long dispela taim yumi mas gat ol gutpela saveman tu long palamen bilong wanem ol narapela man bilong ol narapela kantri i noken kam insait na mekim ol giaman pasin na paulim mipela na ol lida bilong mipela. Taim yumi gat ol gutpela saveman bai ol ovasis lain husat i laik mekim ol wok long kantri i tingting gut na kam insait na wok. Tasol tingim gut i no olgeta save man i wankain. Sampela i save ting save Qa ol i lusim wok gaden taim ol i go long ples. Ol i no save go kisim pis; o dikim barek bilong planim kaikai long gaden. Ol i save putim han was na laik stap klin tasol hat wok bilong kisim kaikai

em samting bilong ol papamama lain bilong ples. Dispela kain ol save man em yumi yet i mas skelim gut. Nogut yumi votim ol i go long palamen na ol i no inap tingim yumi ol drasrut lain.

Olsem na mi tok gen olsem noken seksek tasol sanap strong na tingting gut taim yu laik vot. Vot bilong yu i gat pawa na maski ol save-man olsem wanem bai ol i tingim mipela ol liklik pipel bilong ol sapos ol i no save mekim ol pasin mipela i save mekim.

Ol bisnis man tu em taim bilong ol tu long traim sanap long ileksen. Ol bai i no inap isi long karim mani raun na tru tumas planti i save winim vot long mani tasol. Dispela tingting bilong mipela long seksek long mani i mekim na yumi i save makim ol rong man tru i go long palamen. Sampela i save putim olgeta bisnis bilong ol i stap na lewa bilong ol i save pas wantaim pipel stret na ol i save givim sevis long ol pipel gut tru maski ol i bisnismen o meri.

Taim pipel i save givim pawa long ol, ol i save karim tru hevi bilong ol pipel na makim maus bilong ol pipel long palamen na wok hat long sevis i mas go long ile-toret bilong ol. Sampela bisnis man em ol i laik go long palamen long pulim pipim poket bilong ol moa yet na kisim moa nupela kar na kamapim bisnis bilong ol yet long sait. Ol i save mekim ol sait dil bilong ol yet na turang mipela ol pipel i save kisim taim long lukim olsem ol sevis i no save kam long ples. Haus sik i pas o nogat marasin na pikinini, man o meri i sik i ken dai nating.

Pen em yumi save pilim stret olsem na mi tok gen pawa em stap long han bilong yu na noken larim grismani bilong bisnismen i mekim kamap wara nating.

Tupela brata Wali na Pinjip Puhim



BIPO BIPO tru tupela man i bin i stap. Nem bilong tupela em Wali na Pinjip Puhim. Pinjip Puhim i stap longwe long Wali. Pinjip Puhim em man bilong wok gaden. na long gaden bilong em, banana, singapo, taro na kaukau na kumu na suga i pulap stret.

Na haus bilong Pinjip Puhim, em wokim wantaim bal bilong tumbuna em i bin pulapim long longpela mambu. Na paiawut i pulap bikos em i yusim kapul muruk na kain kain abus olsem paiawut.

Taim yumi laik wokim paia yumi save putim ston arere long paia ya em save putim aut bilong tumbuna.

Em i no man bilong pekpek na pispis. taim em laik pekpek o pispis em save sanapim tupela diwai long sait sait na krosim wanpela namel na em save go antap sindaun na save pulim win i go insait na slekim gen i go ausait.

Orait wanpela taim stret em tingting long go ka... gras long wokim nupela gaden. Em lokim stret nau em kisim tamiok bilong tumbuna na em fekov. na sem taim stret brata bilong em Wali kamap

Wali lukluk go kam long gaden na gaden kaikai ya i no isi isi. Orait em i opim dua na i go insait na lukim ya plis traipela sol arere long paia. Na lukluk go antap long paia bilong haus ya em lukim longpela mambu wantaim wel. Na em lukim hap paia nabaut ya em lukim lek bilong kapul muruk na ol kain kain abus brata i save yusim olsem paiawut.

Em tingim tasol na rausim haus na sol na wel na abus. Nau em wokim nupela haus tru.

Orait em i kisim ol gaden kaikai na bungim. Na em i kukim gras bilong kapul, muruk na sampela em i rausim long han.

Pinis long ol dispela samting nau em i wokim paia na kukim san, nau em i wokim traipela muruk stret. Em i mumum pinis ol kaikai ol kaikai nau em bihainim brata brata bilong em Pinjip Puhim go.

Isi isi tasol em harim i go na turangu Pinjip Puhim singaut na tok ayo . . . aiyo aiyo.

Man Pinjip Puhim supim narapela lek bilong en aninit long gras nau arapela lek kuraunm ras nau katim gras antap long lek bilong en.

Tarangu man ya pilim pen na singaut i stap. Brata bilong em Wali sori stret long em na katim wanpela longpela diwai kam na tok, "Brata yu olsem waneem?" Na Pinjip Puhim tok mi laik wokim gaden na mi katim gras ya.

"Hey ol i no save katim gras olsem." Nau Wali tok, "yu rausim lek bilong yu long gras." Longpela diwai go aninit long gras na em i katim sampela gras. Na tokim em long katim olsem. Nau tupela go long haus. Brata bilong en Puhim tok, mi laik go karim paiawut na yu go pas long haus.

Olsem na Wali hariap tasol go na rausim mumu. Na brata bilong em i kamap na kros long paiawut bilong em. Wali i tok brata dispela i no bilong wokim paia. em i gat gutpela mit em samting bilong kaikai. Na dispela sol yu save putim arere long paia ya. Em sol na Oil mambu ya em tu bilong tanim wantaim na kaikai.

Orait Wali putim sol na wel go danu na Puhim ya em daunim spet na em traim long kaikai. Tupela kaikai go na bel bilong tupela pulap stret.

Puhim wok long tanim tanim i stap. Wali kirap tok, "Yu save go long en ya tu yu no laik gol".

Puhim isi tasol kirap go sindaun long diwai bilong em ya, ogat, diwai bruk na sindaun antap long tupela sap diwai Wali sanap long en.

Nau pispis pekpek na blut i no isi isi na Puhim kirap tok, "Wali, O e mo komba komba pu mo komba komba" long tok pisin, Wali yu man bilong opim we bilong pispis na pekpek.

Markus Terry
Kimbe, Wes Niu Briten provins.



Nem: Joseph John
Krismas: 17 (man)
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Watchim TV, pilai tas, wokim fani, na raun long narapela provins.

Nem: Gilbert Pundu
Krismas: 17 (man)
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Watchim TV, pilai tas, tok fani na raun long narapela provins.

Nem: Tonny Waim
Krismas: 18 (man)
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Go long lotu, pilai ol gem, watchim TV, requestim pen pren bilong narapela.

Nem: Charlies Mondo
Krismas: Pilai ragbi task, ritim buk, rait bek long pen pren.
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Pilai ragbi tas, ritim buk na rait bek long pen pren.

Nem: Kewa Topa
Krismas: 17 (man)
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Go long skul, pilai gita, wokim pen pren wantaim ol meri.

Nem: Paul Arapia
Krismas: 16 (man)
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Danis, tok fani, mekim pren na pilai wantaim ka pats.

Nem: Timothy James
Krismas: 17 (man)
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Pilai ragbi tas, harim ol pop musik na watchim TV.

Nem: Francis Raken
Krismas: 18 (man)
Adres: Ogelbeng Specialist Training Centre, P.O. Box 1157, Mt Hagen, WHP.
Save laikim: Mekim pren pren wantaim ol meri na bekim pas bilong ol.

Nem: Sebastian Jirahi
Krismas: 17 (man)
Adres: C/- Robin Humori, Tega Wreckers, P.O. Box 1259, Mt Hagen, WHP.
Save laikim: Harim musik, ritim niuspepa, pilai soka na raunim pas long pren meri.

Nem: Gilbert Ruben J.
Krismas: 17 (man)
Adres: Kapiuro Plantation, Kautu Two, P.O. Box 451, Kimbe, WNB. PNG.
Save laikim: Harim gospel musik na pilai gems, wokim gaden.

Nem: Nuk Yambut
Krismas: 24 (man)
Adres: P.O. Box 905, Kimbe, WNB. PNG.
Save laikim: Go long sios, serim idia, senisim poto, musik na raun, mi bai amamas tru bekim olgeta pas mi kisin.

Nem: Marx Nerim
Krismas: 24 (man)
Adres: C/- Livai Houromo, P.O. Box 606, Madang, Madang Province.
Save laikim: Wok gaden, ritim ol buk, pilai soka, wok pren na planti moa.

Nem: Sanny Boy Tanga
Krismas: 24 (man)
Adres: Kuruk Catholic Church, P.O. Box 247, Mt Hagen, WHP, PNG.
Save laikim: Pilai spot, mekim wok yut, wok misin, pilai gita singim lotu singsing, go lotu long Sande, raunim pas long narapela provins na bekim olgeta pas bilong yu.

Man i save paul tumas

Dia Laiplain,

Mitupela man bilong mi i kisim gutpela skul na wok i stap lukautim tripela pikinini bilong mitupela.

Tasol long sindaun na laip bilong mi, mi no stap amamas bilong wanem man i save lusim mi na ol pikinini na pinisim laik raun wantaim ol wantok bilong em. Em i save raun na paul wantaim ol yangpela meri na tokim ol olsem em bai i lusim mi na maritim ol. Taim em i dring spak em i save tromoi ol tok nogut long mi, paitim mi na tokim mi olsem em bai lusim mi.

Mi no laik lusim ol pikinini bilong mi na stap long narapela hap o painim nupela man. Tasol taim mi harim ol kam toktok bilong em na tu lukim ol pas long gelpren bilong em, mi save belhat tru na kros pait wantaim em.

Dia Pren,

Mipela i luksave long bel kros yu gat long ol samting we man bilong yu i save mekim. Moa yet yu wari long ol toktok we man



bilong yu i mekim long lusim yu bikos dispela bai i brukim famili na bagarapim gutpela sindaun long yu na ol pikinini.

Yu klia olsem gutpela sindaun long marit em i bikpela samting long famili. Na samting we yumi i lukim olsem em i gutpela em yumi bai lukautim. Dispela i nidim hatwok na sekriifais. Yumi ken ting olsem gutpela marit bai i kamap nating tasol, nogat ya. Tupela marit i mas wok hat long mekim marit i ron kamap na stap gut. Ol bai mas redi long mekim sampela sekriifais.

Wanpela hevi we mipela luksave stap long planti man na i hat long ol hevi insait long marit

laip long en em hevi long komyunikesen moa yet long autim tingting bilong tupela man na meri. Hevi bilong yu i no save amamas long sampela samting we wanpela patna i mekim o toktok long en. Yutupela sutim ol dispela kain hevi we i kamap namel long yutupela? Moabeta yutupela bihainim dispela rot long stretim ol samting sapos yutupela i no dispela olsem yet.

Mipela i edvaisim yu olsem moabeta painim rot we yu na man sindaun na toktok long ol tingting na filings bilong yutupela. I moabeta long makim wanpela taim yutupela i sindaun gut na i no kros na bai yutupea i ken sindaun na toktok gut. Tokim man bilong yu long ol samting we em i mekim na yu no wanbel no amamas long en. Long wankain taim tu, strongim em long tokaut long ol samting we yu wokim na em i no wanbel long en. Sapos yutupela i bihainim dispela rot bai yupela i klia gut long ol samting we i wok long kamapim ol hevi na bai yutupela i painim rot long daunim ol. Tu long bihain taim bai yutupela i

abusim ol asua we i save kamapim ol hevi long marit laip bilong yutupela.

Dispela rot bai helpim yutupela long toktok (komyunikesen) wanpela yutupela na long toktok wantaim yutupela na long wankain taim strongim luksave olsem yumi wan wan man inap long asua na yumi mas pogivim wanpela arapela long ol rong we yumi wokim.

Yu na man bilong yu inap long wokim rong tu. Sapos yutupela i luksave long dispela, yupela bai redi long pogivim rong bilong ol wanpela arapela.

Sapos yu painim hat long kamapim pasin bilong sindaun na toktok gut long ol hevi, wari, na ol arapela samting we i kamap long laip bilong yu na man bilong yu, i moa beta long ol i painim wanpela gutpela man/meri long helpim yu. Dispela em ol lain olsem ol pater, pasto, wanpela hauslain bilong yu o wanpela pren bilong yu husat i bai helpim yu long stretim wari na hevi.

LAIPLAIN

KANAGE



i dai nau ol i askim wanem man bilong yu em i tok nem bilong em. Em poinim i dai ol asples paitim em na pulim em i go insait long ka. Sem taim i dai i kam ausait na ol askim em, "Yu painim husat?" Na em na em i bekim, "Painim Indai." Ol i putim em na tromoi i go long ka. Kanage tok olsem na ol manki i lap i dai.

Robert Les Endini

Kanage em bilong ples Ramale insait long Rabaul, Is Nu Briten provins. Long wanpela apinun Kanage draivim wanpela ka na long dispela taim Kanage spak nogut tru. Olgeta lapun man ol i stap antap long dispela ka Kanage i draivim. Na taim Kanage i lukim tripela yangpela meri i wokabaut long rot na em i putim mi long wanpela bilong ol meri na Kanage kirap tasol singautim meri ya. Tasol meri yah tasol kirap na wokabaut tasol i go. Na Kanage lukim meri i wokabaut na em i kirap tasol na rivisim ka na olgeta lapun man sindaun antap long ka i kirap nogut. Kanage rivisim ka. Na Kanage belhat na tokim meri na olsem. Em i tokim em olsem go pas bai mi kam bihain taim meri ya harim olsem Kanage bai kam bihain. Na meri ya kirap tokim Kanage yu lapun pinis na ran i go daun pinis. Kanage bekim tok bilong meri olsem, "So I'm not are lapun, mi namel man tasol yah. Las yia I'm the strong man in the world."

Kanage Pren Rabaul

Kanage stap long Bunumuwo ti plentesen long Banz. Em i save fultaim wantaim ol dalix. Wanpela taim ol manmeri bung long hausman na laik sindaun stor long balm meri na wokim moka. Tasol nogat lait kolmen lait. Burim paim kolmen masis stik. Long tudak Burim man opim kerosin isi isi na kerosin planti nols kamap long hausman na kanage i no save olsem kero i sut aut. Taim bagaros ya strakim masis paia i kirap na Kanage kirap nogut na kapupu pairap. Ol manmeri lap na manki Simbal sem na painim burum man tasol dalex

i tekov long wara Bongil.

Matt Dedeboh Banz

San i hat na Kanage i go waswas long wara Wagi istap. Em i waswas as nating na rabim sop pinis taim sampela ol meri Numkusi panim kumu na pitpit i kam. Kanage rabim sop pinis long pes na haitem pes tasol as istap nating. Man ol meri Numkusi bikmaus na tok "Aiya plis devel o moran".

Kanage harim tasol na kalap i go insait long wara olsem pis i suvim na kalap kalap.

Matt Dedeboh Banz

Kanage save laik tru long sindaun long kona tru bilong ol trak na spin raun.

Wanpela Sarere kampani pei dei em go raup long Kimil na laik kam bek long Sigiri. Planti man na meri pulap tru long wanpela daina trak na Kanage stalim long kona ain stap. Taim trak ron kamap long wanpela bikpela hol kar i toromel kanage aut. Poro ya go pundaun long wesian na tupela tit bilong em i lus. Wesian i go insait long nus bilong em na em putim lek antap long pepek bilong wanpela dok. Ol pasindia i lap nogut tru na Kanage putim nek i go daun na tok, "Laki i am did not kick the bucket."

Matt Dedeboh Banz

Kanage save pikim kopi long Banz. I no long taim i go pinis na ol wokman bilong lleksen 2002 i bin kam long eria em i stap long en na stretim komon rol buk. Wanpela opisel bilong tim nem bilong Kuadua i askim sampela kwestens olsem Nem bilong yu? Na bekim olsem "Mi Tanage, Yu save skul o nogat?" Mi Tanaka, yu bilong we? Mi bilong Sipu. Man, maus bilong en i popala na toktok i em kila tumas. Samting tru Kanage inap long tok "Mi Kanage, mi kanaka, mi bilong Simbu". Soroi ol lleksen opisel i painim hat taim.

Matt Dedeboh Holeyah Banz

Kanage em i wanpela bun nating man tru long dispela yia 2001 em kaikai sampela rong i kaikai na em groa narakain tru. Dispela i mekim ol man i tingting paul na wari i kisim ol. Wanpela taim Kanage raitim wanpela pas i go long gelpren bilong em. Em rait olsem: Mi lovum u not like bipo. Tete I want to story to you what I kaikai. I buy kakaruk marasin and eat. This mekim mi grow fat and people i pret long mi. Yu will painim hat to tackle mi. Bipo was taim nogut tasol nau i good one ya." Man, gelpren ritim pas bilong Kanage wantaim ol gels na tok "stupid in the village" long Kanage. Kanage i ting em rait tasol longlong i kisim em na bagarapim sindaun wantaim wari ya.

Matt Dedeboh Banz

Kanage i man bilong raun long bus tumas. Wanpela taim ol i tok long soim piksa na em i go long haus piksa na ol i soim "Sky Diver". Em i lukim ol waitman i flai long parasut. Em i lukim pinis na kam long haus na tokim meri bilong em olsem, mi lukim piksa na ol waitman i plai long ambrela. Yu givim sampela moni na mi baim wanpela ambrela na plai olsem ol waitman i plai. Na meri bilong em givim mani na em i go long taun na baim wanpela na karim i kam long haus. Neks moning biknait, no tulait yet em i kirapim meri bilong em na tupela kisim ambrela na go long wanpela maunten i gat wanpela diwai i stap. Kanage i tokim meri bilong em long weaninit na em i kisim ambrela na go antap long diwai. Na em i tokim meri bilong em long lukluk go antap. Meri lukluk go antap na Kanage kalap kam daun i kam namel na em i laik opim ambrela ya. Win i kisim i go antap na em bruk na sorl tarangu Kanage pundaun na givim as bilong em nabaut long bus na nus na pes bilong em kam go long baksait na em i dai.

Graham Philip Palau Mt Hagen



Painim han mak

Dia Edita,

Mi wanpela manki jika Mukuk insait long Westen Hailans provins. Mi laik sapotim brata Don na Westen Kondis long Julai 5, 2001.

Brata yu bin tok olsem Pater Lak i westim taim bilong em. Mi no lukim wok bilong em o han mak bilong em i stap long Westen Hailans provins.

Mi lukim han mak bilong Paias Wingti tasol i stap long Westen Hailans provins. Wingti bin wokim nupela klasrum komputa sistem, tisa haus, rot sistem na fri edukesen. Mi sapotim Paias Wingti han mak bilong em i stap long provins na Wingti long go bek long palamen.

**Anis Moia
Mt Hagen, WHP.**

Was long ol pikpoket

Dia Edita,

Mi i no amamas long ol stilman i holim pas wanpela man Tari insait long smok ples na kisim mani bilong em. Em long ai bilong olgeta manmeri i stap long maket.

Interim Atoriti bilong Mt Hagen taun maket ol i no lukluk o helpim ol grasrut lain i kam baim kaikai.

Tasol ol i surik liklik long kam insait long maket. Em ol asples bilong taun yet pikpoket. Dispela pasin stil i no gupela tru. Mi i komplem moa long Wantok Niuspepa na i go long Interim Atoriti long taun maket i mas was gut long ol stilman nogut long provins bilong yumi.

**Nathanael S. Wek
Mt Hagen, WHP.**

Makim saveman

Dia Edita,

Mi wanpela manki Marawaka. Mi laik tokim yupela olgeta manmeri bilong Marawaka distrik olsem ol Wonenara wantaim Simbari, Antekonbi, Usiranbi, Ante Marawaka yupela tingting gut long 2002 nesanel ileksen long man asples Marawaka stret. Tasol tingim gut olsem man nogat gupela save boi i no inap wok gut.

Taim em i go long i palamen em i stap baksait tru long ol arapela memba olsem bek bensa olsem na tingting gut na votim saveman tru bilong yumi yet.

**Lucas Pully
Goroka, EHP.**

Malolo long wok

Dia Edita,

Mi laik autim wari bilong mi olsem long Kimbe mi lukim i gat bikipela sistem tru long sait bilong wok.

Yupela ol bosman long opis i maloloim ol man long wok. na long wok na seim taim kisim nupela man long wok so dispela pasin em i no gupela tumas.

Na sapos yupela maloloim ol wokman, yupela mas tokim ol stret olsem yupela malolo tasol na bihain bai yupela i kam bek long wok.

Sapos yupela maloloim ol i stap 2 o 3 mun na bihain ol i kam bek long wok bai yupela tokim ol gen olsem nogat yupela pinis long wok olsem.

Dispela pasin mi lukim em i no gupela pasin yupela mekim long ol tarangu wokman.

**Jacob Joe
Kimbe, WBNP.**

Makim man bilong ples

Dia Edita,

Mi laik salim dispela toksave igo long ol pipel bilong Erap, Waing and Bukawa. Yes mi wanpela man Sauten Hailans tasol nau mi stap 15 yia long Erap, Morobe provins.

Bilong wanem na yupela save givim vot long ol namak tasol? Yupela i no gat sampela skul man long ples bilong yupela? Em asua bilong husat? Em bilong yupela yet.

Husat man i stap wantaim yu long ples na em laik resis long ileksen, votim dispela man tasol. Bikos, em save long hevi na wari bilong ol pipel, na tu, em yet save karim hevi wantaim yumi ol manmeri bilong ples tu.

Erap na Bukawa, ol Nabak save tok, het i stap long Erap na teil i stap

long Bukawa na namel mi kaikai na bel bilong mi solap istap. Em Nabak save tok olsem.

Olsem na tingim gut man na makim wanpela man bilong ples stret. Maski kaikai long het bilong yu na pikinini antap tru long nek, em yu tingim tu? Sapos yu tingim orait votim man bilong ples.

Erap, Waing na Bukawa, tingim yu yet na tingim ples bilong yu. Yu save ran long ka o yu save wokabaut olsem donki, karim hamas bilum kaikai long het bilong yu na pikinini antap tru long nek, em yu tingim tu? Sapos yu tingim orait votim man bilong ples.

**John Hella
Erap, SP.**

Komplem tumas long ol memba

Dia Edita,

Mi wanpela manki mi save ritim Wantok niuspepa olsem ol manmeri save komplem tumas long senis mas kamap long ilektoret bilong ol.

Em i asua bilong husat? Yupela save makim long tinging

na save bilong yupela na bilong wanem na yupela save krosim ol memba bilong yumi?

Em ol lida bilong yumi long wan wan ilektoret so traime na yusim het bilong yupela ol manmeri na no ken krosim ol tumas. Sapos ol sik o dai bai yu sutim

tok long husat? Em maus bilong yu tasol ya olsem na no ken opim maus na bagarapim lida bilong mipela.

**Vii Timothy
Pangia, SHP**

Politik bilong Lumi

Dia Edita,

Mi wanpela manki Lumi na nau mi stap long Lae. Mi save harim planti stori tumas long politik bilong yumi long Aitape/Lumi Open sit. So mi gat kwesten long ol man long Lumi kam na stori long politik bilong ol long 2002 ileksen long Lae.

Dispela em provins or ilektoret bilong ol Morobe ya. Sapos yumi laikim man long Morobe long resis em bai orait, bikos em provins bilong ol Morobe na ilektoret bilong ol, so yumi ken toktok long ern. Na yumi Lumi, yumi em narapela provins o ilektoret olgeta ya. Bilong wanem na yumi kam long narapela hap or provins na yumi sindaun toktok tumas long

politik bilong yumi Lumi.

So bipo ol man i no save long Tok Pisin na yupela ol bikipela top sot kam giamanim ol na yupela kisim ol i go na bagarapim ol na kisim vot bilong ol na yupela go slip kaikai gut tru long Mobsi. Yupela lus tingting olgeta long ol manmeri long ples.

So nau bai nogat olgeta. Yupela bai i no inap kam brukim het bilong yumi ol manmeri long ples. Bilong wanem? Bikos distrik bilong yumi Lumi i no develop na yupela ol kendidet i no save tanim lukim hangre blong ol pipel long ples na distrik.

**Jacob Towa
Lae, MP.**



Toksave i go long ol manmeri husat i save salim pas kam long Wantok Niuspepa. Sapos yu no putim nem tru bilong yu long pas bai mipela i no inap prinim pas bilong yu.

Stapim sik Aids

Dia Edita,

Mi wanpela manki long Pukutau insait long Erave distrik long Sauten Hailans provins tasol nau mi stap long Pot Mosbi siti. Mi laik autim bikipela wari na tingting bilong wokim strongpela lo bilong daunim hevi bilong sik Aids insait long kantri las wik tasol mi lukim long niuspepa olsem 5,901 pipel i gat sik aids na 249 pipel i bin dai pinis. Na sampela ol i wet tasol bilong dai na ol i stap long haus sik.

Dispela em bikipela namba tumas yumi Papua Niugini yumi nogat bikipela hevi olsem Saina, Amerika na sampela

kantri moa olsem na mi laik bai Praim Minista wantaim yu husat memba stap long palamen mas pasim tok na kukim olgeta kain pamuk bisnis haus wantaim olgeta bia haus klap na disko haus, kukim na pinis.

Mi save olsem dispela kain lo kirap bai inap long daunim sik Aids long kantri. Sapos gavman i no wokim olsem bai dispela sik nogut inap long kilim yumi olgeta na bai yumi pinis olgeta.

Narapela we bilong yumi laik abrusim dispela birua i olsem yumi yangpela manmeri mas marit stret na kamapim pikinini em bai orait olgeta na i nogat birua bilong aids bai lukim yumi nogat tru.

**Stanley Kaua
Hohola, NCD.**

Gavman kamapim moa hevi

Dia Edita,

Long lukluk bilong mi nau long dispela taim, gavman bilong Sir Mekere na ol memba bilong palamen i joinim Pati PDM i no moa tingting long pipel bilong Papua Niugini ol bagarap i stap insait long kantri.

Dispela gavman i bagarapim

bikipela mani bilong Papua Niugini wantaim Pati PDM, nau ol i pulap long man.

Olgeta mani ol i kisim long dinau long Wol Benk i go long poket bilong husat?

Olsem na mi apil long yupela long yupela olgeta manmeri bilong Papua Niugini, lus tingting long

dispela gridi memba. Husat ol memba i nupela na tu i no stap insait orait, votim nupela man.

Sapos yupela i salim ol nupela lain i go long palamen em ol bai bringim sevis i go long ol ples na provins.

Gavman bilong nau i krietim moa hevi. Save i stap long yupela wan wan.

**Lukas Maglum D.
Kundiawa, CP.**

Tok sori long famili

Dia Edita,

Mi wanpela manki Sauten Hailans. Tasol nau mi stap long Kujip long Westen Hailans provins. Mi laik salim tok sori i go long Wantok Niuspepa long 3-pela sumatin i lusim laip bilong ol. Mi i stap long-we long Mosbi na mi harim ol tok ol i egensim gavman na gavman sutim 3-pela sumatin i dai.

Mi sori tru long dai. Yumi manmeri bilong Papua Niugini olsem na mi tok sori long famili bilong 3-pela sumatin i lusim laip long en olsem na mi go insait long tok bilong God.

God i gat wanpela pikinini tasol. Em id ai long maunten kalvari long sevim ol manmeri bilong wol. Jisas em i dai bilong kisim laip i stap gut oltaim oltaim long ples heven. Na dispela 3-pela sumatin ol i dai long helpim yumi manmeri bilong Papua Niugini yumi ken i stap gut na slip gut na raun gut.

Tasol gavman bilong Papua Niugini rong long givim tok orait long ol plisman long sutim sumatin bilong Papua Niugini.

**John Pombo Nakisi
Kudjip, WHP.**

Nuku i nidim helpim

Dia Edita,

Mi wanpela mangi Sandaun long Nuku distrik na mi bilong liklik ples Gunamawom Gawe insait long Nuku distrik. Mi bin pinisim tasol gret 6 bilong mi long year 1991 long Wulbow 3 komuniti skul na mi stap long sampela hap long provins bilong Barike len.

Komplem wari bilong mi nau go long Memba bilong Nuku long maski long pasim ai na lukluk long wansait tasol. Plis opim tupela ai bilong yu na traime lukluk long yumi ol tarangu ol lain

long baksait.

Mi save amamas long baim Wantok Niuspepa long ridim nius na tu ridim ol komplem i kam long pas i go long edita. Long makim pas bilong olgeta pipel bilong Nuku em long rot sait tasol. Em i tru olsem mi gat bikipela wari tru long ples bilong mi i nogat senis o wok kamap. Sori na sori tru yumi yet olsem bipo ol papa tumbuna bilong yumi long bipo ol i stap asnating ol i no save long moni na tu ol i no save long kaikai rais.

Plis Andrew

Kombakor no ken bihainim pasin bilong olpela memba. Lus tingting na traime bihainim gupela plen bilong yu. Klostu bai ileksen bilong 2002 i kam nau. Olsem na ol pipel bilong Maimai wan wan lukluk gut na votim man, no ken longlong. Yes, mi gat bikipela wari long ples bilong mi na long provins na distrik bilong mi Nuku.

**Tom Fox Mathias
Rabaul, ENBP.**

Tingim man bilong ples

Dia Edita,

Mi wanpela manki long Pangia stap long Hagen na mi laik autim liklik wari bilong mi. Mipela ol pipel bilong Pangia-lalibu ilekoret.

Mipela salim memba i go long haus man long Mosbi, nogat wanpela senis bilong em i kamap long ilekoret bilong mipela i kam inap nau.

So stat long 2002 neks yia yumi mas makim wanpela raitman olsem mipela ol grasruts we i ken karim developmen. Na i ken stretim tingting bilong mipela ol pipel long ples. Tasol yu ting olsem dispela i no stret, em orait save stap long mi wantaim yu long 2002.

Sapos yu ting olsem dispela em i no stret na yu laik makim wanpela bisnis man o saveman, em tingting stap long yu, tasol tingting man long ples bai tingim pipel long ples, em tasol.

Vii Timothy
Mt Hagen, WHP.

PNG gavman mas tingim kantri

Dia Edita,

Mi wanpela man Sauten Hailans tasol mi marit long Morobe provins na nau mi i stap long Markham Veli.

Mi i gat sampela askim i go long Gavman. Stat long 1975, mipela lusim papamama pinis, na yumi tok, yumi yet inap long lukautim yumi yet. Na em we?

Watpo na yumi dring susu yet long arapela kantri? Em asua i stap long yu Papua Niugini gavman, yu i no bosim gut kantri na developmim.

Mi PNG mi i gat planti minerols olsem,

gol, kopa, wel, ges, nikol, na planti moa. Na mi PNG mi papa tru bilong ol dispela minerols. Na bilong wanem yu gavman bilong PNG i no laik bildim fektori bilong ol dispela minerols?

Ol dispela minerols i no bilong Australia na joinim paip lain i go daun long Queensland. Em bilong mi PNG.

Yu PNG gavman yu bildim fektori em tasol. Em laik bilong mipela pipel bilong Papua Niugini.

Sapos yumi i gat fektori yumi i no inap long lusim bikpela mani i go long ol ovasis

lain em bai mani i kam insait long yumi Papua Niugini. Na kantri bilong yumi bai i develop na moni bilong yumi (kina) bai i no inap go daun. Em tingting bilong ol man bilong ples.

Sapos yumi i gat fektori long PNG, petrol, disel, wel na sampela moa minerols no bilong Australia em bilong mi PNG. So, mipela pipel fektori, em tasol. Yu husat laik bekim em laik tasol.

John Hella
Lae, MP.

Sapos yu laik salim ol pas bilong yu i kam long dispela nuispepa. Salim i kam long dispela adres:

THE EDITOR
WANTOK
NEWSPAPER
PO BOX 1982, BOROKO, NCD.

Husat tru bai papa long Gavman Aset?

Dia Edita

Mi laik putimaut dispela toksave long pablik manmeri long PNG. PDM i gat planti ol sapota ol memba 70 olgeta, yu save pinis.

Wanem samting dispela PDM Gavman laik mekim ol bai mekim nating tru. Wanem lo ol laik mekim em ol bai mekim. Sapos ol laik sensim lotu ol bai sensim ol lo bikos PDM nau i gat planti memba na planti sapot tru.

Nau yumi harim olsem PDM Gavman i salim olgeta samting bilong Gavman; bisnis olsem PNGBC, Telikom, Habas Bod, Elkom na sampela moa.

Husat tru bai papa long ol dispela bisnis?

Nogat wanpela man long America, Australia, China o Japan bai papa long ol dispela Gavman bisnis.

Mi tokim yu stret PNG kanaka man meri long ples husat i no save long dispela, papa bilong PDM Paias Wingti bai papa long dispela bikos em save olsem wanpela man long PNG nogat moni long baim ol dispela

samting.

Sir Mekere bai papa Vincent Auali bai papa, Ben Micah bai papa, Presiden bilong PDM bai papa, Jamie Max dispela bos bilong Eda Ranu.

Sampela ol PDM senia memba bai kamap sia long dispela gavman bisnis. Bilong wanem Sir Mekere traipela Paiminista ya laik autim PNG manmeri. Sampela sapota bilong PDM bai kamap papa or nogat mi no save.

I no long taim olgeta haus sik long kantri tu bai salim. Nogut 2002, 2003 o 2004 yumi bai kisim taim.

Planti pipia man bai dai ol moni man bai i orait. Bikos PDM bai baim olgeta haus sik tu i no long taim bai yu spendim K20 o K30 long wan wan dei na kisim marasin. Dispela bikos em bisnis bilong wanpela man.

Nau yu save ah. Longlong manmeri PNG nogat het na wok long sapotim PDM ah! Yusim het bilong yu.

Tepra Wak
Mt Hagen, WHP.

Tingting gut na putim X

Dia Edita,

Mi laik autim belwari i go long jeneral pablik long 2002 Jenerol ileksen. Mi laik apil long dispela 4pela kona bilong kantri bilong yumi PNG - em long yumi ol liklik grasrut manmeri long ples insait long Sauten, Momase, Hailans na Niugini Ailan.

Yia 2002 jenerel ileksen em i stap pinis long kona na dua bilong yumi wanwan haus lain nau. Yupela lukaut gut long kain kain giaman politik gris toktok bilong ol. No ken wari long kaikai na mani bilong em. Na tu, noken tingim em i gat bikpela save long Yunivesiti digri o masta digri, em

i nating. Sampela em ol olupela sitting memba em ol tu, yumi mas lukaut, ol i skul pinis long save bilong giaman politik bilong ol.

Insait long ol, em lain nogut i stap, nau yu putim "X" tumora em i givim baksait long yu pinis, na lus tingting long yumi. Tarangu yumi ol liklik lain grasrut bai yumi wet wantaim belpen na awara tasol nogat, em i go na lus tingting olgeta.

Dispela ol politisen oli wan kain olsem long olupela Testamen long bikpela tait, taim Noah i salim kotkot i go na kaikai bun bilong man na i no kam bek, em

i go lus tingting olgeta. So ol brata, susa, papa na mama long ples na taun, mi no stopim yu long makim "X" em i stap long laik, tingting na save bilong yu. Na sapos yu laik makim "X" makim.

Sapos yu no laik, plis no ken westim taim bilong yu nating.

So turangu ol brata, susa, papa na mama i gat trupela na gutpela man em i stap long kisim PNG i go kamap long mak na promis bilong em. God Papa long "Heven em tasol i save. Tenkyu na yu husat i laik sapotim o egenisim - welkam tasol.

L. A. Ohiskanaks
Madang, MP.

PNG skin indipendens

Dia Edita,

Mi autim o raitim namba 2 pas i go long jenerol pablik long dispela kantri bilong yu PNG. Olsem planti taim mi save ritim ol pas long Wantok niuspepa na i gat komplek o belhevi i save kamap long ol pipel. Planti ol save komplek bikos ol ino save kisim gutpela sevis long ol ilekret memba bilong ol olsem rot, skul, eitpos na ol arapela samting.

Mi gat kwesten long dispela kantri PNG olsem, wai na ol dispela ol pipel bilong yumi long les develop eria - oltaim sapa na sindaun wantaim belpen long sevis bilong gavman.

PNG indipendens Sept 16th 1975 i kam inap nau 2001 i luk olsem (31) yias indipendens. Tasol sindaun bilong ol pipel long dispela kantri bilong yumi PNG i stap olsem kolonial wei bilong bipo, i no gat senis.

Tokpisin mi tromoi i go long 4pela kona bilong dispela kantri PNG, olsem PNG em i no indipendens - em dependens tasol. Tokpiksa olsem, dispela siot na trauasis Australia bin werim i go olupela na givim mitupela nating nogat pei long en.

So mitupela i gat taim, yia, mun na deit bilong werim nupela long trauasis na siot, dispela em i no kamap yet. Em stap hait yet na tu yumi no inap save em i stap long plen na promis

bilong wanpela man tasol.

Tude dispela ol kendidet bilong yumi ol nogat pasin bilong givim bel na laikim narapela stat long liklik i go inap bikpela grasrut manmeri.

So ol brata, susa, papa, mama yumi olgeta i ken pilim pen na stap wantaim belwari inap long mipela kamap long dispela mak. Pasin braiberi na korapsen bilong dispela kantri PNG yumi no inap save tasol, Papa long Heven em wanpela tasol save. Yu na mi bai gat tok long bikpela jasmen de. Tenkyu na yu husat i laik sapotim o agensim, welkam tasol.

L. A. Ohiskanaks
Madang, MP.

Tromoi pipia nabaut

Dia Edita,

O yes na wanpela manki Marawaka long Isten Hailans provins. Nau mi laik autim wari bilong mi long pablik o long Wantok Niuspepa taim mi save lukim long Kimbe taun ol lain salim buai smok arere long stua lain na tromoi spet bauai na ol pipia. Ol lain bilong bagrapim taun.

Plis yu tok Taun Atoriti luk olsem yu slek tumas o yu man o meri yu save salim dispela samting. Yu inap yusim het bilong yu.

Tarangu ol wokman meri i

save wok long stua mi save lukim ol long 5.30 long apinun ol save holim wan wan rek na rekim pipia bilong yupela i go long rabis dram.

Mi yet mi save lukim na mi save sori. Dispela wok ol i save rausim pipia na i no gat pe bilong em ol i save wok nating kampani i no save baim ol.

Baim yupela bai baim ol nogat? Sapos yupela pikinini bilong ol man yupela i nap yusim het tenkyu.

Sailas Woyeyana Navarai
Kimbe, WNBP.

Laikim pen pren

Dia Edita,

Mi wanpela Elementari hia bilong Intung Elementari Skul. Mi save lukim nem bilong ol pen pren long Wantok Niuspepa. Mi save laikim tru lukim nem bilong ol manmeri long niuspepa.

Mi save i go lotu long olgeta Sande lotu. Mi save laikim tru harim gospel kaset long olgeta Sande moning na painun.

Mi save laikim pilai soka, basketbal, volibol na ragbi na arapela gem tu.

Na lasli krismas bilong mi em 21 tasol.

Joram Giame
Lae, MP.

Stail bilong tude

Dia Edita,

Mi wanpela manki bilong Menyamaya distrik.

Mi save lukim ol meri long Rabaul i save stailim gut tru. Ol save yusim klos bilong mipela ol man.

Putim long jin su i go antap takim siot. Em dispela mi lukim mi no save wanbel long en. Sori tru yu dispela kain meri yu traim go long Lae na wokim dispela pasim. Em yu kaikai bilong ol plis ya.

Mipela ol man bai mipela i no inap yusim sket dres o klos bilong yupela ol meri. Plis yu husat meri save mekim dispela kain pasin yu mas sem o yusim klos bilong yupela stret.

Morris Tambu
Lae, MP.

Wari tru long Neson Gape

Dia Edita,

Mi bilong Poroma distrik insait long Sauten Hailans provins yet.

Nau mi kam stap long Kimbe long Is Niu Briten provins Oil Palm kantri.

Taim mi bin wok i stap bihain long 3 wiks i go pinis mi harim olsem brata bilong mi nem bilong em Nelson Gape em bilong viles ol kolim Kusa bin dai pinis na mi wari. Mi wari nogut tru long lidasip bilong em na Mobalosis ol manmeri pikinini na save laikim husat manmeri i save stap long ples Kusa kantri Kipa and Farita.

Mi no ting wanpela bai kamap olsem brata Nelson Gape olsem na mi wantaim Amos mitupela wari na wari moa nogut tru. Mitupela salim sori, kondolens mesage to the relatives olsem wantoks, klients ultimely death of late Nelson Gape ov Kusa viles insait long Poroma distrik long Sauten Hailans provins yet.

Olsem na mi wari na belhevi tru long gutpela Kira Kata bilong brata leit Nelson Gape of Kusa viles.

Olsem na husat yumi i stap yet ya. Em mi laikim yumi redim dispela sapota we em tok long buk bilong en, 11-25 na yumi yet redim na bihainim gut dispela tok.

Philip Sendex
Kimbe, WNBP.

Ol yangpela i laikim nem bilong ol i stap insait long niuspepa long painim pen pren i mas prinim tupela nem wantaim adres, na wanem samting yupela i save laikim long mekim (hobbie).

Wantok painim Wantok

dispela pes em bilong yupela ol
man na meri husat i laik salim
tok save i go long ol:-

**BUBU KANDERE BRATA SUSA
MISIS PREN PIKININI NA HUSAT
MOA YU GAT LAIK LONG SALIM
TOK HAMAMAS TOK SORI O TOK PILAI.**

Toktok nating i go long lewa. Wanpela samting tasol toktok i kam long dispela Wantok painim Wantok em i mas sotpela ino inap longpela olsem tel bilong kapul dispela toktok nogat pei long en tasol sapos igo antap long tripela lain olsem →

Brata pls kam long Port
Moresby long dispela wik
wantaim tambu lewa bilong yu

en nau bai i gat pei olsem foapela Kina (K4.00)
long wanpela hap olsem →

Brata pls kam long Port
Moresby long dispela wik
wantaim tambu lewa bilong
yu na pikinini wantaim dog.

Salim dispela toktok i kam long mipela long Wantok Nius na hamamasim husat yu laik long hamamasim. Tingim dispela ino Kanage stori. Makim skin pas olsem -

**Wantok Painim Wantok,
PO Box 1982,
Boroko, NCD**

Ol Spot Dro

Toksave

Salim ol dro. risalts na poin lada i kam long Wantok Niuspepa long Tunde oigeta wik Salim long Spots Edita: Fax: 325 2579
o ringim em long telepon no: 325 2500

PORT MORESBY SOCCER ASSOCIATION

Saturday, August 11, 2001

Bisini One		
0800	Y2	Gordon Secondary vs Blue Kumuls
0920	W1	WMI vs LBC Defence
1030	Y1	Rapatona vs Telikom
1145	W2	SP Brewery vs Kula
1255	W1	Telikom vs ANZ University
1400	D1	Dobo vs Sobou
1600	Prem	Cosmos vs Guria

Bisini Two		
0800	Y2	Arnotts Ela Utd vs Bavaro
0920	W1	Orogen vs Tarangau
1030	W1	Bavaro vs Sobou
1145	D2	Aigob vs Pangtel (Nisco)
1255	W1	Guria vs Cosmos
1400	D1	Tawala vs Blue Kumuls
1600	Prem	Babaka vs YM2

SJG Stadium		
0900	D4	LBC Defence vs ANZ University
1030	D4	Guria vs Cosmos
1145	D3	Momase vs Eda Ranu
1300	D2	WMI vs Datec Duan

SJG Stadium		
0900	D4	BFW PS Utd vs Kula
1030	Y1	BFW PS Utd vs Kula
1145	D4	Babaka vs YM2
1300	D2	Arnotts Ela Utd vs Muma

Sunday, August 12, 2001

Bisini One		
0800	D2	Buresong vs Mungkas
0920	Y1	ANZ University vs LBC Defence
1030		
1145	D1	Murat vs Cyclone
1300	D3	Jaha vs Jr Ke Club
1420	D1	HLB Pom Utd vs Naniu
1545	Prem	BFW PS Utd vs Kula

Bisini Two		
0800	Y1	Cosmos vs Guria
0920	W2	Rapatona vs Tawala
1030	D2	Bavaro vs Nomads
1145	W2	Cyclone vs BFW PS Utd
1300	D1	Tarangau vs Kurti Andra
1420	Prem	Rapatona vs Telikom
1545	Prem	LBC Defence vs ANZ University

SJG Stadium 1		
0900	D4	Rapatona vs Telikom
1030	Y2	Murat vs HLB Pom Utd
1145	Y2	Manambu vs Sunset
1300	D3	Manambu vs M. Barracks
1430	Y1	Cosmos vs ANZ Uni
1520	D2	Wanzesi vs Dolos

Points Ladder WOMENS ONE							
Team	P	W	D	L	F	A	Pts
Telikom	16	12	3	0	31	1	42
ANZ University	16	12	4	0	34	6	41
Cosmos	16	12	3	1	42	3	39
WMI	16	8	2	5	21	12	29
Tarangau	16	7	2	7	15	17	23
LBC Defence	16	6	3	7	14	19	21
Guria	16	4	4	8	7	17	16
Orogen	16	3	2	11	7	28	11
Sobou	16	1	2	12	1	30	5
Bavaro	16	0	3	12	3	44	3

WOMENS TWO							
Team	P	W	D	L	F	A	Pts
BFW PS Utd	16	14	2	0	41	2	44
Rapatona	16	13	1	2	32	4	40
Kula	16	10	4	2	29	4	37
Tawala	16	6	6	4	7	3	24
Cyclone	16	6	1	9	10	17	22
SP Brewery	16	6	1	9	8	14	19
Murat	15	3	4	8	6	9	13
Falcon	16	4	1	11	6	24	13
Madgaus	16	2	0	14	4	46	6
Arnotts Ela Utd	16	1	2	13	1	24	5

PREMIER DIVISION							
Team	P	W	D	L	F	A	Pts
ANZ University	16	9	6	1	41	17	33
BWF Ela Utd	16	10	2	4	23	9	32
LBC Defence	16	9	2	4	27	12	29
Rapatona	16	8	5	3	24	11	29
Cosmos	16	8	4	4	29	18	28
Babaka	16	8	1	7	19	31	25
Guria	16	5	3	8	21	23	10
Telikom	16	3	2	10	23	37	11
Steamies YM2	16	1	4	11	11	28	11
Kula	16	2	2	12	21	55	8

DIVISION ONE							
Team	P	W	D	L	F	A	Pts
Blue Kumuls	16	11	2	3	29	10	35
Tawala	16	9	5	2	22	13	32

Murat 16 9							
3							
HLB Pom Utd	16	8	5	3	28	12	29
Kurti Andra	16	6	7	4	22	10	25
Naniu	16	6	5	5	17	13	23
Tarangau	16	7	1	8	26	19	22
Cyclone	16	2	4	10	9	23	10
Sobou	16	2	1	13	14	45	7
Dobo Murika	16	1	3	12	9	36	6

DIVISION TWO							
Bavaro	16	10	4	2	29	17	34
Haku (Mungkas)	16	9	5	2	30	15	32
Nomads	16	8	4	4	24	17	28
Buresong	16	8	3	5	25	18	21
Pangtel (Nisco)	16	6	3	5	23	23	21
Dolos	16	0	3	7	18	24	21
WMI	16	8	4	7	23	24	10
Wanzesi	16	4	6	6	17	22	18
Aigob	16	5	2	12	12	25	17
Datec Duan	16	1	4	10	9	22	7

DIVISION THREE							
Manambu	15	8	5	2	21	8	29
Momase	15	10	2	3	22	11	32
M. Barracks	13	6	5	2	18	7	23
Jr Ke Club	14	7	5	3	18	4	26
Jaha	13	6	3	4	15	13	21
Muma	14	4	5	5	15	13	17
Eda Ranu	13	3	6	6	15	26	15
Arnotts Ela Utd	14	3	5	6	7	18	14
Sunset	15	2	1	11	14	29	10

DIVISION FOUR							
Rapatona	16	11	3	2	16	10	36
ANZ University	15	10	5	0	24	6	35
Cosmos	15	6	6	3	17	11	24
LBC Defence	14	5	7	2	15	10	22
Telikom	15	4	5	6	14	12	17
BFW PS Utd	14	3	7	5	16	17	16
Babaka	15	3	6	6	11	18	15
Guria	15	2	5	5	8	10	11
YM2	13	0	8	5	9	19	8
Kula	14	0	1	13	2	34	1

YOUTH DIVISION ONE							
Rapatona	16	9	4	3	16	11	31
Cosmos	15	8	7	0	12	3	31
Guria	16	7	2	6	12	8	23
LBC Defence	16	6	2	7	13	10	20
BFW PS Utd	16	4	7	4	14	13	19
Telikom	16	4	4	8	13	22	16
ANZ University	14	5	4	8	6	14	15
Babaka	16	5	5	6	9	14	20
Kula	16	2	5	9	12	27	11
YM2	16	2	5	9	9	26	11

YOUTH DIVISION TWO							
Pom Inter School 15	8	4	3	18	14	28	
Blue Kumuls	14	8	0	6	21	16	24
B. Boomers	14	8	2	4	18	13	26
G. Secondary	15	6	5	4	25	20	23
Murat	13	6	3	5	19	12	21
Arnotts Ela Utd	13	6	1	6	15	18	16
HLB Pom Utd	13	5	2	4	11	14	17
Sunset	13	6	0	7	13	12	12
Manambu	2	1	0	1	2	5	4

PORT MORESBY NETBALL ASSOCIATION

Saturday, August 11, 2001
Juniors Weekend Draw
Semi Finals - Knockout

0900-U10 A - Knockout	
C2	Telstars vs Ted Doro
0900am U10 B	
C3	St Peters vs (will play)
C2	Winner Mase vs Holy Rosary
10.00am - U13 A	
C2	Rebels vs Paramana
10.00am - U13 B	
C3	Rakaone vs TST Kempa
10.00am U13 C	
C4	Mase vs Waigani Com
Play winner Mase vs Holy Rosary	
10.00am - U13 C	
C1	St Peters vs Sevese Morea
11.00am - U15 A	
C2	TST Kempa vs Ted Doro
11.00am - U15 B	
C3	St Peters vs June Valley
11.00am - U15 C	
C4	Holy Rosary vs Sevese Mora (St Peters)
11.00am - U15 D	
C1	Philip Aravure v (winner of Kaugere & Gerehu)
11.00am - U15 E	
C5	Kila Kila Sec. v Holy Rosary
12.00pm - U17 A	
C2	Mermaids vs Rebels
12.00pm - U17 B	
C1	Ted Doro v Hohola Youth
12.00pm - U17 C	
C4	Poinino vs Philip Aravure
12.00pm - U21	
C3	Mase v City Phar. rebels

Seniors - Week 12

Division One - Court One			
11.00am	Telstars v CP Rebels		
12.30pm	Sparrows v TST Kempa		
02.00pm	Lae B. Mermaids v BB Kings		
03.00pm	Paramana v Rakaone		

Division Two - Court Three			
01.00pm	PNGBC Kiros v Angels		
02.00pm	Chevron P. v Imuty Lele		
03.00pm	CP Rebels vs Lae B. Mermaids		
04.00pm	Sparrows v TST Kempa		

Division Three - Court Four			
01.00pm	BB Kings v Mase		
02.00pm	Warumana v Pelagai		
03.00pm	Luvoni v TST Kempa		
04.00pm	Kawainini v Telstars		

Division Four - Court Five			
01.00pm	Poinino v Chevron P.		
02.00pm	Aroma Coast v PNGBC Kiros		
03.00pm	Mase v Gavuone		
04.00pm	Nabuauon v Kerebua		

Division Five - Court six			
01.00pm	Rakaone v Luvoni		
02.00pm	Hall Sound v Rural Bank		
03.00pm	Waigani Tyres v A. Coast		
04.00pm	angels v Poinino		

Division Six - Court Seven			
12.00pm	Toba Souths v Imuty Lele		
01.00pm	Sogeni v Waigani Tyres		
02.00pm	Aroma Coast v Abore Warrior		
03.00pm	Warumana v Coke Warriors		
04.00pm	Sea Gulls v Hisiu		

PORT MORESBY SCHOOLS SOCCER ASSOCIATION

Saturday, August 11, 2001

Week 15/16	
Under 9 - Oval 4	
08.00	Murray IEA vs Ela Beach IEA
08.40	St Josephs vs Boroko East IEA
09.20	Bambi vs Sacred Heart
08.00	Korobosea IEA vs Gordons IEA-B
08.40	Gordons IEA-A vs Noblette

Under 9 - Oval 3	
11.20	Murray IEA vs St Josephs
12.00	Bambi vs Ela Beach IEA
12.40	Korobosea IEA vs Boroko East IEA
13.20	Gordons IEA-A vs Sacred Heart

Under 10 - Oval 10M/S	
08.00	Murray IEA-A vs Korobosea IEA
08.40	St Peters Channel vs Gordons IEA
09.20	St Josephs vs Noblette
08.00	Ela Beach IEA vs Sacred Heart-B
08.40	Sacred Heart-A vs Murray IEA-B

Under 10 - Oval 10M/S/9M5	
10.00	Murray IEA-B vs Sacred Heart-B
10.40	Ela Beach IEA vs Gordons IEA
11.20	Murray IEA-A vs St Peters Channel
12.00	Sacred Heart-A vs Noblette
12.40	St Josephs vs Korobosea IEA

Under 11 - Oval 7	
08.00	Murray IEA vs Gordons IEA
08.45	Noblette vs Sacred Heart
09.35	St Josephs vs Korobosea IEA-B
10.25	Bambi vs St Theresa
11.15	Korobosea IEA-A vs Ela Beach IEA

Under 11 - Oval 7	
12.00	Murray IEA vs Noblette
12.45	St Josephs vs Gordons IEA
01.35	Bambi vs Sacred Heart
02.30	Korobosea IEA-A vs Korobosea IEA-B
03.10	Ela Beach IEA vs St Theresa

Under 12A - Oval 6	
08.00	Korobosea IEA vs Murray IEA
08.45	Sevese Morea vs Waigani Primary
09.40	Gordons IEA vs Bambi
10.30	St Peters Channel vs St Josephs

Under 13B - Oval 6	
11.15	Waigani Primary vs Sch of Excell-U12
12.20	Korobosea IEA vs Boreboa
13.30	St Josephs vs Sacred Heart
14.35	Gordons IEA vs Holy Rosary
Bye St Theresa	

Under 13B - Oval MS	
08.00	Korobosea IEA vs St Theresa
09.00	St Josephs vs Sch of Excell-U12
10.00	Gordons IEA vs Boreboa
11.00	Holy Rosary vs Sacred Heart
Bye Waigani Primary	


Note: All games will be doubled up this weekend. Please note the ground changes.



• Straika bilong WMI May Liosi i painim hat long brukim difens bilong Telecom long Pot Mosbi wimens soka. Telecom i wilwilim ol wantaim 4-pela gol.



• Swipa bilong Cosmos hetim bal egensim Yunivesiti long Pot Mosbi wimens soka resis las Sande. Tupela tim i dro 0-0. (Lephan) Tupela pilaia bilong Simbu Warriors i traim long stapim Alex Krewanty bilong Pot Mosbi Vipers long SP Cup resis long Pot Mosbi las wiken. Vipers i wilwilim ol Warriors 30-12.



• Boi Africa Benard (namel) bilong Pot Mosbi Intanesenel Hai soka tim i straikim bal egensim Manambu long Yut Divisen 2 las wiken long Kina Fainens Kap soka resis long Pot Mosbi. (Lephan) Viles stail netbal. Nogat su tasol em i pilai netbal yet. Dispela em wanpela poto i soim ol lain Sentral i salens long Hiri Netbal tonamen i kamap long Boera viles long las wiken.

Rapatona bagarapim ol boi Babaka

SOKA NIUS

HENRY MORABANG i raitim

OL yangpela bilong Rapatona i bagarapim tru sindaun bilong ol boi Babaka 3-0 long bikpela kik resis bilong Kina Fainens Kap soka resis long Pot Mosbi. Dispela gem i kamap long Sande long Bisini soka graun.

Long semtaim, ol lain YM2 i soim olsem ol i gat namba long dro wantaim Guria 1-1. Na long arapela gem long Sande yet, ANZ University i bagarapim tru ol lain Telikom SP 3-0.

Na long Sande, PS United i waraim stret Lae Biscuit Defence 4-0 na Cosmos rausim trausis bilong ol boi Samarai, Kula 5-1.

Ol niuspepa i bagarapim tru Rapatona tasol pasin Manus, ol i pasim maus na mekim wok tasol long soka fil.

Kosa bilong Rapatona Geoffrey Emang wantaim helpman bilong Kisakiu Posman i putim yangpela tim stret long salensim ol boi Sentral.

Ol yangpela pilaia olsem Russel Inai, Selan Lelai, Pondros Posanau, Ricky Mesak na Kolohie Kaluwin i pilai olsem ol biknem pilaia long bagarapim tru sans bilong Babaka.

Babaka i gat planti sans tasol beklain bilong Inai, Pondros na Selan wantaim helpim bilong Duri Yarawi i bagarapim de.

Insait long namba wan hap, Francis Moiypap i brukim kiau. Kain stail ke we golkipa i paul na lukluk tasol na umben pas long umben.



□ Vivan Norrie (lephan) bilong University i salensim fulbek bilong Cosmos long Pot Mosbi wimens soka resis long wiken. Tupela tim i dro 0-0. *Poto Joe Ivaharia*

Dispela skoa i stap inap hap taim. Tasol long namba tu hap, kosa Emang i mekim sampela senis we yangpela Chique Posman i go insait. Em i lukautim gut gem tasol i no save kisim bal planti taim long setim ol pilaia long em.

Rapatona i skorim namba tu gol taim golkipa bilong Babaka i paitim bal na go insait long umben bilong em yet. Golkipa ya i guria long bikpela het bilong straiika Peter Punau na skorim gol bilong em yet.

Namba tu gol em Punau i sutim taim em i kisim gutpela bal long


Moiypap. Nogat beklain pilaia bilong Babaka i stapim em.

Kosa Emang i hepi long kisim tu poin. Dispela win bilong Rapatona nau i surikim ol i go long namba foaples. Rapatona i gat tupela gem i stap bipo long fainel. Ol i mas winim Telikom na ANZ University.

Arapela yangpela mangi i wokim nais na stail long fil em yangpela

Richard Sios. Em i wokim samsam na raunim bal olsem sak bilong Nu Ailan na pulim moa sapot i kam long ol sapota.

Poin lata i sanap bihain long gem las wiken i olsem University 33, PS United 32, Defence 29, Rapatona 29, Cosmos 28, Babaka 25, Guria 18, Telikom 11, YM2 11 and Kula 8.



Wabag makim Lokel Komiti

ENGA Soka Asosiesen (ESA) i makim pinis wanpela Lokel Ogenaising Komiti (LOC) long go pas long redim Hailens Rijonel Soka sempionsip long mun Septemba.

Dispela sempionsip bai kamap long Mommers oval long Septemba 14 i go inap long Septemba 17.

Ol komiti ya em Cleophas Rowa olsem tonamen dairekta, Francis Kisu (haus slip/kaikai) Joe Makeu (Fainens), Jimmy Wana (referi kodineta) na Dr Amean (medikel supevaisa).

Presiden bilong Enga Soka Asosiesen Peter Mommers i tokaut olsem dispela

Hailens soka sempionsip em i bikpela samting tru long kalenda bilong PNGFA.

Insait long dispela tonamen, ol bai painim tim long resis long 2002 PNG Cup bilong man na meri. Narapela samting em insait long dispela sempionsip, ol i makim tim bilong Hailens long PNG 2002 Gems long Pot Mosbi na las tru em long painim aut husat i sempion bilong Hailens rijen.

Mommers i askim olgeta wanwan provins long salim wanpela provinsal tim bilong man na meri. Nominesen bilong wanwan tim em K250 Ol provins i laik stap long resis i mas baim dispela fi long namba wan wik bilong Septemba.

Em i tok olsem dispela sempionsip i kisim blesing bilong PNGFA na ol bai salim wanpela mausman long sindaun long lukim dispela tonamen. Na Nesenel Referi Asosiesen bai makim ol referi long dispela tonamen.

Mommers i laik tok save olsem ol tim i laikim haus slip na kaikai i mas ringim Mista Kisu long Wabag Sekendari Skul long 547 1079. Na husat i laik kisim moa tok save i ken salim feks long 547 1235.

Wok redi i kamap gut long holim skul soka taitel

BIKPELA 2001 Orogen Skul Soka Salens long Septemba 24-28 i pulim pinis 5-pela senta. Dispela soka resis bai kamap long Nesenel Spot Institut long Goroka, Isten Hailens Provins.

Ol senta i tokaut pinis long kamap long salens em Pot Mosbi, Lae, Aitape, Morobe na Goroka. I gat sampela senta olsem Madang na Manus i soim laik tasol i no tokaut yet sapos ol bai kamap o nogat.

Siaman bilong Lokel Ogenaising Komiti (LOC) Paddy Kelly i askim olgeta senta long makim ol pilaia (skul mangi). Em i tok sapos pilaia i laik pilai long Anda 11 i mas gat 11-pela krismas o aninit long 11-pela krismas.

Kelly i tok em i laik bilong wanwan senta sapos ol i laik salim representativ tim o wanwan skul tim. I gat rul olsem wanwan skul i ken putim tupela tim long wanwan divisen. Sapos namba bilong ol tim i sot long kamapim kompetisen, Goroka yet bai putim tim.

Siaman i tok rejistresen bilong wanwan tim em K100. Em i askim olsem ol senta o skul mas baim dispela fi long Septemba 7. Wanem tim o skul i no baim fi long dispela de bai i no inap stap long sempionsip.

Ol ogenaising komiti i tokaut olsem tripela top tim bai kisim prais long olgeta divisen. Na tu bai i gat Fair Play awot long wanwan divisen na tu awot bilong top pilaia long wanwan divisen tu.

Kelly i tok ogenaising komiti i gat kontek wantaim olgeta skul long stretim haus slip bilong ol tim. Nau yet Goroka Bisnis Koles na Goroka Grammer Skul i tokaut pinis olsem ol bai stretim haus slip. Kos bilong wan-

wan skul mangi em K15 long wanwan de.

Goroka Grammers i gat 18pela bet bilong ol mangi na 6pela bilong ol bikman.

Goroka Bisnis Koles tu i redi long givim wankain prais. Husat i laik kisim moa toksave i ken ringim em long 7322558.

Husat i laik kisim moa toksave i ken ringim sekretari Geoffrey Gideon long Nesenel Spot Institut long 732 1941.

Ol divisen we resis bai kamap em Anda 11 (Mixed tim), Anda 13 (Mixed tim), Anda 15 man, Anda 15 meri, Anda 17 man na Anda 17 meri.

Insait long arapela stori, Madang tim bilong Orogen Skul Soka salens i painim hevi long salim tim long sempionsip.

Mausmeri bilong Ogenaising Komiti Scholastica Bogg i askim wanem ol kampani o man i laik helpim i mas ringim em long James Barnes Meat Factory long Madang.

Em i tok hevi nau em long painim haus slip na tu haus kaikai bilong ol liklik mangi long Goroka.

Misis Bogg i tok ol i leit liklik long traim kisim haus slip long NSI na i ting-sapos ol Madang insait long Isten Hailens i ken sapotim em.

Em i tok Madang i makim pinis wanpela tim long stap insait long dispela resis.

Em i singaut tu long ol bisnisman bilong Madang long kam sapotim spot tim bilong provins long wanem ol i karim nem ya.

Em i namba wan taim Madang i laik resis long junia soka resis. Namba wan taim em long 1985 we Madang i nekim ol lain Lae long winim Coca Cola Cup.

Soka Charity Cup resis bai kamap long Septemba

SIAMAN bilong PNG Soccer Charity Trust Rio Fiocco husat i save go pas long ogenaisim Charity Cup resis long Pot Mosbi i askim gen ol kampani long putim nem long resis bilong 2001.

Mista Fiocco insait long wanpela pas i go long ol kampani long mun Julai i tokaut olsem dispela sempionsip ya bai kamap long Septemba 1 na Septemba 2. Mani ol i kisim long dispela tonamen bai go long Sen John Abulens na The Friends Association (HIV sapot grup).

Dispela kompetisen em bilong man na meri. Wanwan tim i mas gat 5-pela pilaia bilong ol wokman bilong kampani na tupela ausait pilaia long pilai.

Siaman i tok wanwan tim bai baim K200. Sapos i gat tupela tim long kampani bai tromoi K400.

Dispela kompetisen i stat 1999 we Charity Cup komiti wokim K7,000 na

ol i givim long Aitape Children Faundesen. Na long las yia (2000), Charity Cup i wokim K9,400 we ol i givim i go long Cheshire Homes.

Bihain long ol dispela kik resis, gem tru bilong Chairyt Cup bai stap namel long PS United na ANZ University.

Dispela kompetisen i gat planti amamas. I no bilong winim bikpela prais tasol bilong amamasim ol lain long Corporate wol long save long ol yet. Planti kampani i no klia wanem kampani i stap long Pot Mosbi na dispela em wanpela gutpela rot long save em pilai soka.

Noken tingting long holim pati na tromoi bikpela mani long hotel nambaut. Siaman i tok K200 em i liklik na em i askim ol kampani long putim mani long sapotim dispela Charity Cup.



□ Siaman bilong PNG Charity Soccer Trust, Rio Fiocco (lephan) na vais presiden bilong PMSA Mark Kelep i sainim sek las yia long 2000 Charity Cup.

Muruks i gat bikpela sans long fainel

HENRY MORABANG i raitim

MENDI Muruks i gat bikpela sans long winim wanpela spes long fainel bilong 2001 SP Cup ragbi lig resis.

Muruks i stap long namba siks ples long poin lata wantaim 11 poin. Arapela tim i gat 11 poin em Pot Mosbi Vipers.

Dispela wiken, Muruks bai salensim Kundiawa Warriors long Minj. Na Muruks i winim dispela gem. em bai surik i go long namba foa ples.

Bombers i stap namba foa tasol bai kisim bikpela salens i kam long Rabaul Guria. Guria i

stap nau long fom na i wilwilim ol bikpela tim olsem Mendi Muruks, Pot Mosbi Vipers na Goroka Lahanis.

Lae Bombers bai bungim ol boi Is Nu Briten long Lae ragbi lig. Wantaim gutpela sapot bilong ol, ol i ken winim dispela gem ya.

Las wik, Bombers i kisim bikpela sapot long ol sapota. Na dispela i kirapim tru skin bilong ol na ol i wilwilim stret difending sempion, Enga Mioks 17-4.

Pot Mosbi Vipers i gat liklik sans long winim Lahanis. Lahanis i save kisim planti sapota tru maski ol i pilai long asples o nogat. Long Pot

Mosbi, Goroka Lahanis i winim planti sapot long gutpela pilai bilong ol. Pot Mosbi Vipers i no winim planti sapot tumas long wanem, ol sapota i beks ya.

Kosa Richard Wagambie bai kamapim wanpela plen long daunim gem plen bilong ol Goroka Lahanis.

Lahanis i lus tripela taim na las wik ol i autim belhat bilong ol na bagarapim tru ol lain Waghi Tumbe 34-10.

I gat sampela senis long dro long dispela wiken olsem Mendi Muruks bai bungim Simbu Warriors long Minj, na ol boi Minj, Tumbe bai long Madang long salensim ol wan bus bilong ol, Enga Mioks long Madang.

Rabaul winim maina primia bilong SP Cup resis

RABAUL Guria i go pas long SP Cup competition wantaim 12-11 win egensim Mendi Muruks long Rabaul.

Guria husat i pilai tupela taim long gren fainel nau i redi pinis long winim spes long pilai insait long sem fainel.

Tim bilong Is Nu Briten i go pas wantaim 20 poin. Goroka husat i wilwilim

Waghi Tumbe i stap long namba tu ples long 16 poin. Mioks i holim yet namba tri ples bihain long ol i lus long Lae Bombers 17-4.

Dispela gutpela win bilong Bombers i surikim ol i go long namba foa ples wantaim 12 poin.

Vipers i stat long 11 poin wantaim Muruks. Muruks i mas skorim bikpela poin na winim las tupela gem long go

insait long fainel.

Lahanis i winim wanpela moa gem long kisim wanpela ol fainel ples. Tupela arapela tim, Waghi Tumbe na Simbu Warriors i stap daunbilo tru long poin lata na ol i no kwalifai long fainel.


Vipers i gat gutpela sans long winim pilai sapos ol i pasim wanpela tingting tasol long pilai ragbi lig.

Nau yet, ol i gat liklik

sans long wanem, ol i dro wantaim Tumbe na autim Lahanis.

Kosa Richard Wagambie i mas painim ol gutpela pilaia husat i ken trik trik olsem Aquila Emila long faivet na Tuksy Karu long hapbek.

Pot Mosbi Vipers i nogat ol kain pilaia olsem we i save karim tru nem bilong Pot Mosbi na tu PNG long Kwinslen Kap resis.



Hiri Stail... • Ol susa brukim bun long pilai netbal insait long Hiri Netbal resis i kamap las wiken long Boera viles, Sentral Provins las wiken. Foto Joe Ivaharia

Kimbe redi long holim NGI tonamen

TUPELA soka asosiesen insait long Wes Nu Briten, Kimbe na Nu Briten Palm Oil Limited (NBPOL) Soka Asosiesen i wok bung long mekim NGI Rijonel Soka Asosiesen long kamap gut long Septemba.

Presiden bilong NBPOLSA John Raka i tokim Wantok Nius olsem tupela asosiesen i bung long traime mekim dispela soka tonamen i kamap gut. Em i tok dispela em namba wan taim NGI rijen bai holim kain tonamen olsem na ol ogenaia i laik em i mas namba wan stret long Wes Nu Briten na tu rijen.

Raka husat i save kamapim bikpela paia long miting bilong PNGFA i tokaut olsem NBPOL i redi tasol long givim han.

Em i tok em i kisim wok bilong redim haus slip bilong ol tim i kam insait long Kimbe long pilai.

Ogenaisig Komiti i mas redi ol ples bipo ol i ken makim ol i ken ripot i go long PNGFA long go het long holim sempionsip.

Raka i tok "Mi bilip bai Kimbe na NBPOL Soka Asosiesen bai mekim wanpela gutpela wok kamap long mekim dispela sempionsip i kamap gut".

Yunivesiti bai kisim taim

PMSA RIPOT

HENRY MORABANG i raitim

ANZ Yunivesiti bai painim hat liklik long winim Lae Biscuit Defence long bikpela soka kik resis bilong Kina Finance Pot Mosbi soka kompetisen. Dispela gem bai kamap long Sande long Bisini graun.

Yunivesiti i no sindaun gut tumas long poin lata long wanem birua PS United i smelim tasol baksait bilong ol wantaim wan poin. Yunivesiti em 33 poin na PS United em i stap long 32 poin.

Yunivesiti i mas strongim midfil sapos ol i laik win. Las wik egensim Telikom Roberto Cortez na Steven Mali i no bung gut. Tupela i nogat gutpela kombinesen long sapatim tupela straika Reginald Davani na Ben Lakasa.

Difens bilong Yunivesiti i helpim ol long win. Nau yet kepten Joe Aisa i pilai swipa na nogat wanpela bal i abrusim em liklik. Na sapos em i stap yet long baksait em bai helpim ol long autim Defence.

Defence i stap long namba tri ples. Sapos Defence i winim University, PS

United bai kisim yet namba wan ples long wanem ol bai salensim slek tim Kula long dispela-wiken ya.

Ol boi ami i gat ol sampela ol gutpela pilaia olsem straika David Kaepapa, Adolf Kaian, Vincent Wricken na Selan Elizah.

Las wik ol i wok ovataim long wanem PS United i bagarapim tru sindaun bilong ol. PS United i kaikaikim olsem Pukpuk i pinisim pis 4-0.

Dispela wiken Defence bai strong yet long dispela 4-pela pilaia taim ol i bungim Yunivesiti.

Kosa bilong Yunivesiti John Davani i save long wanem hap bilong mekim save long ol birua bilong em. Na long narapela gem long Sande, PS United bai wilwilim stret Kula na Rapatona bai kisim trening egensim Telikom.

University i mas winim Defence sapos em i gat laik long winim maina primiasip. Long wanem neks wik, ol bai bungim Rapatona.

Long Sarere, Cosmos i mas winim Guria long painim wanpela spes long top faiv. Sapos nogat, Guria bai win.

Na long arapela gem Babaka bai bagarapim tru YM2. Ol boi Sentral i mas tingim, YM2 i kam gut las wik na bagarapim de bilong Guria taim tupela i dro 1-1.

PAINIM BAL RESIS NAMBA 7



RUL BILONG PILAI:

1. Makim X long boks long poto yu ting bal i stap
2. Makim X long pen tasol
3. Katim poto long sisos na salim long: PAINIM BAL RESIS NAMBA 7, Wantok Niuspepa, P.O. Box 1982, Boroko, NCD.
4. Nambawan entri i makim stretpela hap bal i stap, em bai win.
5. Las de bilong kisim oi entri em Fraide 31 Ogas, 2001.
6. Long Wantok bilong Fonde Septemba 6, bai gat nupela K100 prais mani resis. Bai gat resis bilong olgeta mun i go inap mun Desemba, 2001.
7. Disisen bilong komiti i makim wanpela wina em i fainel.
8. Wina bai kisim sek mani, na i no long kes.
9. Sapos nogat wina bai skruim win moni i go long narapela resis.
10. Yu ken salim moa long wanpela entri, tasol noken yusim poto kopi.
11. Ol wokman meri na pikinini bilong Wantok i no stap insait long dispela resis.

Raitim nem na adres bilong yu: **Nem**.....**Address**.....

.....**Krismas**.....

Yu ken salim moa long wanpela entri, tasol no ken yusim poto kopi.

Yabong Blues daunim pawa bilong Royals

**KIWURAM KANAKO
i raitim**

OL stail pikinini bilong Yabong i no save paul taim ol i kikim soka bal wantaim arapela lain. Ating ol i save dring solwara olsem ol bilak bokis olsem na taim ol Royals i traim bel bilong pusi, ol save Yabong Malabo pikinini i spetim Umbem bilong Royals wantaim tupela gutpela bol i kam yet long Peter Yako.

Yabong Blues wantaim Peter Yako, Waku, Steven, Magi na Kelly i bin pilai strong tru long namba wan hap. Trpela taim klostu umben bilong Royals inap long solap tasol Wascol i strong na rausim ol bal.

Ol Royals tu i soim strong na traim brukim bun bilong Yabong Blues, tasol ol katres bilong ol i popaia na ol Yabong Blues i wok long go bek wantaim bal na

traim spetim sampela buai ken. Klostu long mak, Peter Yako i traim lek tasol, ai i paul na lek sutim bus.

Tupela tim yet i soim strong-pela kik na traim long taitim masol na daunim arapela. Planti taim tu ol kikman bilong Royals i ron i kam wantaim bal klostu long gol mak bilong Yabong, tasol ol boi bilong Andrew Frank na Palat pipel i katim lek bilong ol.

Royals i bin gat sans tru long putim wanpela boi bilong ol Yabong Blues tasol ol yet i paulim lek na wantaim i go pas na ol boi bilong Yabong i kisim bek na suvim i go bek insait long banis bilong Royals.

Orait ol Yabong Blues i kam bek bihain long malolo wantaim gutpela tighting na ol i stretim gut banis long beksait na tu stat long tilim gut bal long olgeta pilaia.

Ol i sutim dispela kain stail ken na ol Royals i paul bikpela na painim hat liklik.

Taim Peter Yako i lukim olsem, em i ron wantaim bal i kam na pairapim long ol mak bilong Royals.

Em nau ol Yabong pilaia i amamas na traim ken long brukim banis bilong Royals tasol ol Royals i tok, "nau em nogat, em bai hat."

Ol pilaia bilong Yabong i karim pilai i go bek ken long banis bilong ol na stat stadi long wanem hap em asua i stap. Na taim ol i luksave olsem asua i stap long pasin bilong pasim han na i no tilim bal, ol i rausim asua na em nau ol i pilim strong long pilai.

Ol i pilai strong na Yabong i kisim wanpela penalti. Referi Pongo i winim wisel na Kelly Koi i kisim we i painim stret Yako long skorim gol.

Arnotts skelim strong bilong ol Studen

LAHI SOKA RIPOT

WANPELA gutpela kik resis bilong primia divisen bai kamap namel long Arnotts na Bugandi long Lahi Soka Asosiesen long dispela wiken. Soka gem ya bai kamap long Sir Ignatius Kilage stadium.

Ol mangi Busu Kompaun i save pretim ol biknem tim. Ol i save long kain stail bilong soka we i ken bagarapim sindaun bilong ol top tim. Dispela wik ol bai skelim save bilong ol sumatin.

Opisel bilong Arnotts Darius Loth i tok olsem ol boi bilong em i trening strong tru na ol i redi tasol long autim tiket bilong Bugandi.

Arnotts bai kisim strong long midfil we Kaining Sam na Jeffrey Samuel bai go pas long lukautim. Tupela bai traim long brukim difens bilong Bugandi long setim straika bilong ol Giding Tae long skorim gol.

Long beklain ol i gat ol pilaia olsem Konie, Justus na Roger long difendim

gol maus long noken larim Bugandi skoa.

Arnotts na Bugandi em ol nupela tim long Lahi soka. Ol i wok long traim hat tru long winim ol biknem traim olsem Sobou, University na Guria.

Kipa bilong Arnotts Amos Kipu bai wok hat liklik long sevim ol bal. Loth bilip olsem ol boi Arnotts bai traim kontrolim bal gut long winim dispela gem.

Wantok Nius i no inap kisim toktok bilong kosa bilong Bugandi soka tim.

Poin tebol nau i sanap olsem Sobou i ranawe stret wantaim 34 poin. YumiFM University long 28 poin, Guria 24, Arnotts 24 na Bugandi i stap long 21 poin.

Dispela wiken em taim bilong skelim stret ol tim. Wanem tim i win bai traim long winim spes long fainei

Kas bilong ol meri Hiri



• Ol susa long Boera na Tubusereia (wantaim bal) i salens long Hiri Netbal championships we i kamap las wiken long Boera viles.

Lahanis winim Tumbe

GOROKA Lahanis i winim Waghi Tumber long Sir Danny Leahy Oval long Goroka las wiken.

Dispela win i helpim Goroka Lahanis long holim yet namba tu ples long poin lata.

Samting olsem 400 sapota i bin kamap long lukim dispela gem namel long Lahanis na Tumbe.

Insait long namba wan hap, Tumbe i kisim bikpela traim stret we ol winga bilong Goroka Charles Mosoka na Jeffrey Bai i skoim trai.

Ol Tumbe i no amamas long trai bilong Bai long wanem ol i ting dispela trai em i sanap long lain ya.

Hapbek bilong Lahanis Nime Kapo i kikim konvesen long bringim skoa bilong ol i go long 10-0.

Difens bilong tupela tim Lahanis na Tumbe i no gutpela tumas.

Taim Tumbe i kisim bai long sait bilong Lahanis ol i go skorim tupela trai. Wanpela trai i kam long faiv-et Gideon Kumbun na Johnson Mond. Insait senta bilong Tumbe Mas Wus i kikim wanpela konvesen long level

skoa bilong ol 10-10.

Dispela dro i stap long liklik taim taim riserve winga bilong Lahanis George Abba i skorim wanpela trai long surikim skoa i go 14-10.

Insait long namba tu hap, planti asua tru i kamap. Long 11 minit long namba tu hap, tupela tim i putim presa na ol sapota i singaut strong sapotim tupela tim wantaim.

Tasol ol sapota bilong Lahanis i strong moa na skorim 4-pela trai i kam long Peter Danga, Lawrence Goive, Bai na Abba. Bai na Abba i skorim tupela trai long dispela gem ya.

Kapo i kikim tupela konvesen long bringim skoa bilong ol i go 34-10.

Kosa bilong Tumbe Gabriel Kiluwa i ton planti bilong ol pilaia i noqat eksperiens long kain bikpela gem olsem.

Na long ol arapela gem Vipers nekim Simbu Warriors 30-17 Bombers daunim Mioks 17-4 na Rabaul Guria autim Mendi Muruks 12-11.



• Tupela pilaia bilong Vipers Kawage na Philip Welia i dabolim pilaia bilong Simbu Warriors long SP Cup gem long Pot Mosbi. Solomon Hui i sanap redi long sapotim ol Vipers i wilwilim ol 30-12. Foto: JOE IVAHARIA.

Quimas i rekotim namba wan win bilong sisen

QUIMAS i rekotim namba wan win bilong 2001 sisen taim ol i autim Norths 19-17 long Goroka ragbi lig resis las wiken.

Ol boi Quimas i no winim wanpela gem liklik inap las Sande. Na bikpela selebresen i bin kamap long hauslain bilong ol.

Pilai namel long Quimas na Norths i strongpela stret. Ol pilaia i salim skin stret long skorim ol poin.

Namba wan hap bilong pilai, tupela sait wantaim i kamapim gutpela gem. Ol i sapotim ol man i karim bal na tromoi bal taim ol i laik takolim ol.

Insait senta bilong Norths Ian James i brukim kiau taim em i skorim wanpela trai long kona. Tasol ol Quimas i bekim taim winga Boikin Matuvu i skorim bihain long wanpela gutpela gem na em abrusim olgeta difenda bilong Norths na putim trai.

Quimas i gat planti bai tasol ol

i no inap tru long brukim difens bilong Norths. Na klostu long haptaim, hapbek Danny Koplain i kikim wanpela fil gol long helpim Quimas i go pas wantaim skoa 5-4.

Taim ol i kambek long namba

Wesley Waise i skorim wanpela trai long surikim skoa i go long 17-11. Tasol riserv fowat Waruta Ossi sarapim selebresen bilong ol Norths wantaim wanpela gutpela trai long level skoa gen 17-17.

..... Selebresen bilong ol sapota bilong Quimas i amamas olsem ol i winim gren fainel bilong Goroka Ragbi Lig

tu hap, Norths i skorim wanpela trai gen. Trai ya i kam long Eka Patrick na Willie Mark i kikim konvesen. Jacobs Wari i kikim wanpela fil go tu na Norths i ranawe wantaim skoa 11-5.

Quimas i pasim tingting na kamapim gutpela pilaia we Absalom Masa i brukim difens long skorim trai. Na fulbek Korea Masau i kikim konvesen long levelim skoa bilong ol 11-11.

Samting olsem 5 minit i stap, referi i givim penalti long Norths long stilim bai. Masau i kikim na olgeta sapota bilong Quimas i kalap, amamas na selebretim win bilong ol ya.

Arekano Raiders autim Panthers 8-5, Spiders wokabout lusim fil taim ol pilaia i no amamas long referi taim ol i salensim United. Ol boi United i go pas long skoa 18-16.

WANTOK SPOTS

DISPELA WIK
INSAIT LONG
WANTOK NIUS



□ **Rapatona
bagarapim
Babaka**
- pes 29



□ **Ol poto
long las wiken
long Pot
Mosbi**
- pes 28

**Lukim ol
spot draw
bilong
dispela
wiken**

- pes 27

PNGFA bai skelim wok

PAPUA Niugini Futbol Asosiesen bai holim wanpela eksekutiv miting bilong em long Pot Mosbi long dispela wiken.

Insait long dispela miting, ol eksekutiv bai mekim sampela toktok long Jenerel Sekretari bilong PNGFA Ivan Nghan long i no makim kwik ol wokman long kisim posisen ol i laikim long em.

PNGFA nau i singaut long posisen bilong Akauns Opisa, Referi Kodineta, Media na Pablis Rilesen Opisa, Teknikel na Dvelopmen Opisa na Operesen Menesa.

Wantok Nius i save olsem

presiden Madiu Andrew bai givim moa taim long wok bilong soka taim Gavman bilong Sir Mekere Morauta i rausim em olsem Menesing Dairekta bilong Minerel Risoses Developmenten Corporation (MRDC).

Mista Andrew i tokaut olsem eksekutiv bilong em bai traim painim aut watpo na sekretari i no makim ol wokman hariap.

Wanpela bikpela toktok tu we bai kamap long miting em nesenel tim i go long Solomon Ailan long mun Oktoba. Nau yet planti toktok olsem PNGFA bai kisim ol pilaia we long makim kantri.

PNGFA i no holim wanpela tonamen long makim ol pilaia na dispela bai givim hat taim tru long kosa bilong ol meri, Robert Popat na tu Francis Muiyap long mekim wok bilong ol.

Wantok Nius i save olsem i gat sampela hevi i stap namel long tupela kosa. Insait long wanpela ripot bipo Mista Popat i tokim *Wantok Nius* olsem em i redi tasol long lukautim wimens tim sapos PNGFA i makim em.

Taim Mista Popat wantaim famili bilong em i kambek long Nu Silan we meri bilong em i go skul, Popat i stap isi tasol na sapotim University

soka klab bilong Pot Mosbi. Ol lain ino save long Popat, em wanpela top golkipa bilong PNG. Em i save flai olsem kalangar long ketsim bal na han bilong em olsem urita we bal i save pas tasol.

Nau yet Popat na meri bilong em Jennifer i pinis long soka, liklik pikinini Oripa Popat i wok long soim stail we bai kisim ples bilong ol.

Sampela moa toktok we ating bai kamap em wok-about bilong vais presiden Seth Daniels na sekretari Ivan Ngahan i go long Argentina long wanpela FIFA Congress long mun i go pinis.

**PMSA
makim
Anda
19 wimens
skwat**

POT Mosbi Soka Asosiesen (PMSA) i makim wanpela skwat bilong wimen Anda 19 long resis long nesenel sempionsip. Dispela sempionsip i sapos long kamap wantaim Nesenel Klab taitel long Pot Mosbi tasol PNGFA i surikim i go long narapela de.

Siaman bilong Wimens Soka bilong PMSA Jack Lus i askim ol dispela pilaia long kamap long trening. Nem bilong ol pilaia em Oripa Popat, Aplina Waho, Dorothy Hendersen, Jeanel Limpus, Suta Suma, Sandra Suwia, Jenny Tapo, Hipa Efeare, Theresia, Madeline Kabi, Barbara Ninakru, Dobina Dobin na Dorcas PS.

Mista Lus i tok olsem wanem ol Anda 19 pilaia nem i no stap i mas givim nem i go long em. Dispela trening bilong ol bai stat long neks wik Tunde (Ogas 14).

PMSA i makim Stalin Jawa bilong PS United long lukautim dispela soka tim. Wanem ol kosa meri husat i laik helpim i mas givim nem i go long Mista Jawa long dispela telepon namba 3252458 na feks 3253685.

• Insait long arapela nius, vais presiden Mark Kelep i askim olgeta klab opisel long lukim em sapos ol i gat hevi long poin lata.

Nau yet em i bilip olsem olgeta poin lata i stret na sapos wanem tim i no wanbel orait ol i mas go bek na lukim em.



• Fulbek bilong
Telikom Judith
Sauto (Iephan)
i laik rausim
bal long lek
bilong stralka
bilong WMI
Togelu May
Most long Pot
Mosbi wimens
soka resis las
wiken. Telikom
I win 4-0. Foto:
Joe Ivaharia

Enjoy Coca-Cola at the right price

The Coca-Cola company want you to purchase your Coca-Cola at the RIGHT PRICE.

You can pick up an icy cold Coca-Cola 355ml can for just K1.10 or 500ml bottle for K1.30.

And you can also grab a 1litre Coca-Cola for K2.00.

Enjoy Coca-Cola and pay no more than the recommended retail price.

Prices apply to other refreshing flavours including Schweppes, Sprite, Fanta, & Diet Coke.



Coca-Cola Amatil (PNG) Ltd.

COCA-COLA, DIET COKE, FANTA, SPRITE, SCHWEPES AND enjoy AND THE CONTOUR BOTTLE DESIGN ARE REGISTERED TRADE MARKS OF THE COCA-COLA COMPANY.

K1.10



K1.30

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.